

Zuzenketa partzialen memoria

(Bertsio zuzendua)

2021eko abendua



BOZKA SISTEMA

Hobekuntzak

Jatorrizko parrafoaren eta Hobekuntzak proposatutakoaren artean hautatu beharko da.

Gehikuntzak eta ezabaketak

Bai, Ez edo Txuri bozkatu beharko da.

Ildo politikoa

11 parrafoa

Ibilbide luze eta zail horren baitan, duela bost urte genuen egoera gainditu eta urteotan urrats esanguratsuak egin ditugula hausnartu dugu balantzean: ETaren zikloa itxi dugu; ezkerreko subiranismoaren etxe komunak diren EH Bildu eta EH Bairen eraikuntzan eta indartzean urrats garrantzitsuak egin ditugu; Nafarroa Garaian eta Ipar Euskal Herrian aldaketa esanguratsuak sustatzen ari gara eta euskal preso, iheslari eta deportatu politikoak etxeratzeko bidean blokeoa hautsi dugu.

ADOSTUTAKO ERDIBIDEKOA: JOSEBA ENBEITA ORTUONDO - NAZIO KONTSEILUA

Gehikuntza

... etxeratzeko bidean blokeoa hautsi dugu, jakin badakigun arren gai hau erabat konpondu arte, hots, presoen askatasuna lortu arte, estatuek gure ildoak baldintzatzeko erabiltzen jarraituko dutela.

Azalpena

-

Kontseilu nazionalaren iritzia

BAI. Zuzenketa babesten dugu.

19 parrafoa

Bigarrenik, datozen urteotan zein testuingurutan murgilduko garen aztertu dugu. Egoeraren azterketa borobil eta behin betikoa egin beharrean, garai aldakorrotan sumatzen diren joerak eta horien ondoriozko hipotesiak bildu ditugu, helburu praktiko batekin: sor daitezkeen erronka eta aukerak identifikatu eta horietarako prestatzea.

IMANOL IBERO AZKARATE

Hobekuntza

Datozen urteetako erronka potoloa argi ikus daiteke botere globalak kapitalismoaren birformulazioarako inposatzen ari den bidean dago. Erronka hori biharko dugu gure lanaren erdian kokatu, eusjal herrian herri dinamika alternatibo eta autonomoak zabaltzen joateko

Azalpena

Covida, faxismo sanitarioa, hornikutza arazoak, lehengaien agortzea, estatuen ahulezis, europaren goraiatzea, erregaien agortzea. Gure biziak kapitalistak pikutara doaz eta alyernatiba erradikala proposatu eta martxa jartzeko unea da, eta hortarako sikiera ez dugu gure estatu propioa behar eta are fehiago, ezin diogu estatua izateari itxaron

Kontseilu nazionalaren iritzia

JATORRIZKOA hobesten dugu. Uste dugu hor ez duela tokirik, dokumentuaren sarrera baita. Bestela, zibilizazio krisiaren eta garaiko erronken garrantziaren ideiak txostenean zehar jasota daude, beste modu batean azalduta bada ere.

27 parrafoa

Sistema kapitalista historikoki eta iraunkorki krisi ekonomikoak eragiten dituen sistema da. Duela hamar urteko finantza krisiaren ondorioak oraindik ere gainditu gabe geundenean eta COVID-19 osasun krisia jazo aurretik, atzeraldi ekonomiko iragarrita zegoen jada. Finantza krisiaren aitzakian inposatutako bankuen "erreskatea", lan eta pentsio erreforma gogorak, zerbitzu publikoetako murrizketak edota politika pribatizatzaileak, horiek guztiak, ez ziren sistema kapitalistak uneoro behar duen hazkunde ekonomiko bermatzen ari. Ondorioz, pandemiak eragindako geldialdi ekonomikoak iragarpen hori azkartu eta bere dimentsioa izugarri areagotuko du ez bairik gabe. Areago, krisi ekonomikoaz gain, sistemak berak eragiten dituen bestelako krisi batzuk ere ez tanga egin dute azken urteetan, hala nola, krisi klimatikoa, zaintza krisia eta migrazio masiboek sorturiko krisi humanitarioa. Horiek ere, "zibilizazio krisi" gisa ezaugarritua izan den egoeraren ondorio zuzen eta nabarmenak dira. Krisi horiek guztiak eta egitura ekonomikoaren aldaketaren ondorioak sektore jakin batzuk kolpatzen ari dira bereziki: migranteak, emakumeak, gazteak, lan prekarioak dituztenak... Sektore zaugarrienak, finean. Sektore zabalak bizitzaren prekarizazioa ematen ari da, gero eta nabarmenago, eta ezberdintasun sozialak areagotzen ari dira. Lanaren mundua erabat aldatzen ari da, esaterako, egonkortasun eza baldintza makurrageen atea bilakatu delarik.

ADOSTUTAKO ERDIBIDEKOA: JOSEBA ENBEITA ORTUONDO - NAZIO KONTSEILUA

Gehikuntza

Testuinguru honetan, arreta berezia eskaini behar diogu robotizazio eta digitalizazioaren hedapenaren azkartzeari. Prozesu horrek enpleguan, lane(t)an, baliabide naturalen ustiaketa eta gure eguneroko bizitzan (hezkuntzan, humanitate digitalen garapenean, datuen erabilpen eta kontrol sozialean, parte hartze demokratikoan, etab.) izango duen eragina ikusteke dago gaur gaurkoz. Edonola, prozesu honen abiadura eta sakontasuna izugarriak dira eta, jakina, maila batean ala bestean, aukera ezberdinen oinarri materialak ere badira: zapalkuntza berrien iturburua, ala, aldiz, sozialista eta feminista defini dezakegun gizarte baten bermerako tresna.

Berez, sistema kapitalistak lanaren gainbalioari esker lortzen du etekina, kapital metaketa eta beronen garapena. Digitalizazioak eta robotizazioak horretan ere eragiten du eta eskuratutako gainbalioa jaisten den neurrian, ekonomiaren finantziarizazioa edota espekulazioa erabili ohi dira sailhesbide gisa. Edonola, ideia bat azpimarratu nahiko genuke: aipatu digitalizazio prozesua langile eta herri sektoreon mesedetan ala kapitalaren interesen alde garatu daiteke. Ezaguna da teknologia noren esku dagoen eta beraz noren zerbitzura jarri nahi izango duten, baina historian zehar gertatu den bezala lana (bizitza) eta kapitalaren arteko indar korrelazioak erakutsiko du eremu honetan ere emango den lehiaren azken emaitza eta beraz esparru hau ere lan eta borroka esparru gisa hartzeak garrantzia handia du.

Azalpena

-

Kontseilu nazionalaren iritzia

BAI. Zuzenketa babesten dugu.

ADOSTUTAKO ERDIBIDEKOA: ISIDRO ESNAOLA HERRERO- XABI LUKE (EIBARKO LAU MILITANTEREN IZENEAN) - NAZIO KONTSEILUA

Hobekuntza

Beste sistemek bezala, sistema kapitalistak iraunkorki krisi ekonomikoak eragiten ditu, zapalkuntza eta esplotazio mugarri berriak eraginez. Duela hamar urteko finantza krisiaren ondorioak oraindik ere gaintitu gabe geundenean eta COVID-19 osasun krisia jazo aurretik, atzeraldi ekonomikoa iragarrita zegoen jada. Finantza krisiaren aitzakian inposatutako bankuen “erreskatea”, lan eta pentsio erreforma gogorrak, zerbitzu publikoetako murrizketak edota politika pribatizatzaileak, horiek guztiak, ez ziren sistema kapitalistak uneoro behar duen hazkunde ekonomikoa bermatzen ari. Ondorioz, pandemiak eragindako geldialdi ekonomikoak iragarpen hori azkartu eta bere dimentsioa izugarri areagotuko du ezbairik gabe. Areago, krisi ekonomikoaz gain, sistemak berak eragiten dituen bestelako krisi batzuk ere eztanda egin dute azken urteetan, hala nola, krisi klimatikoa, **petroleoaren gailurraren ondorioz eratorritako krisialdi energetikoa**, zaintza krisia eta migrazio masiboek sorturiko krisi humanitarioa. Horiek ere, “zibilizazio krisi” gisa ezaugarritua izan den egoeraren ondorio zuzen eta nabarmenak dira. Krisi horiek guztiak eta egitura ekonomikoaren aldaketaren ondorioak sektore jakin batzuk kolpatzen ari dira bereziki: migranteak, emakumeak, gazteak, lan prekarioak dituztenak... Sektore zaugarrienak, finean. Sektore zabalaren bizitzaren prekarizazioa ematen ari da, gero eta nabarmenago, eta ezberdintasun sozialak areagotzen ari dira. Lanaren mundua erabat aldatzen ari da, esaterako, egonkortasun eza baldintza makurrageoan atea bilakatu delarik.

Azalpena

Xabi Lukerekin batera, Haizea Kortabarria, Iker Eizagirre eta Jokin Bergarak babesten dute.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, egileekin adostutako zuzenketa babesten dugu.

32 parrafoa

Frantziako Errepublikak partekatzen du Espainiako Erresumarekin ezaugarri post-inperiala. Biak ala biak inperio izan dira, baina dagoeneko ez dira, munduan izan zuten botere posizioaren nostalgiaren eragina oso handia delarik, menperatzen dituzten herriekiko jarreraren. Frantziako Estatuaren kasuan, bestalde, gai izan da bere kolonien gaineko posizioa gaurkotzeko eta interes nabarmenak ditu Afrikan eta beste eremuetan, baina mundu mailan emandako aldaketak, gero eta eraginkortasun mugatuagora eramaten ari dira. Europaren eraikuntzaren egitasmoan, esaterako, ezin izan ditu lidergo desirak bete Alemaniaren nagusitasunaren aurrean.

ADOSTUTAKO ERDIBIDEKOA: JOSEBA MIREN GARCIA CELADA - NAZIO KONTSEILUA

Hobekuntza

Frantziako Errepublikak partekatzen du Espainiako Erresumarekin ezaugarri post-inperiala. Biak ala biak inperio izan dira, baina dagoeneko ez dira, munduan izan zuten botere posizioaren nostalgiaren eragina oso handia delarik, menperatzen dituzten herriekiko jarreran. Frantziako Estatuaren kasuan, bestalde, gai izan da bere kolonien gaineko posizioa gaurkotzeko eta interes nabarmenak ditu Afrikan eta beste eremuetan. **Joera neokolonialista hauek kontrol geopolitiko eta ekonomikoa helburu dituzten eskuhartze militarren bidez gauzatu ditu Frantses Errepublikak. Horrek afektaturiko herrientzat kolonizazio berri bat suposatzen du. Era berean, logika inperialista honek gerra jauntxoak eta atzerriko potentziak aurrez aurre jartzen ditu lurraren lehian. Halere mundu mailan emandako aldaketak, gero eta eraginkortasun mugatuagora eramaten ari dira.**

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren orde, egilearekin adostutako zuzenketa babesten dugu.

34 parrafoa

Aintzat hartzekoak dira estatuaren zentralismoaz lotutako krisiak, batetik, herri historikoen aldetik datozenak (Korsika, Britainia, Alsazia...) eta bestetik baztertuta sentitzen diren landa eremuetan indartzen ari den ezinegona. Molac legearekin gertatutakoak erakusten du arazoa ezin dela ezkutatu, eta ikusi beharko da zer gertatzen den hurrengo urteetan, baina gaur egun jakobinismoa da joera nagusia eta estatu logika monolitikoa hegemonikoa da.

ADOSTUTAKO ERDIBIDEKOA: GUILHEM DA COSTA-MONGABURE - NAZIO KONTSEILUA

Gehikuntza

Halaber, 2018an lehertu zen Jaka Horien (Gilets Jaunes) mugimendua aipatu behar da. Mugimendu horren eskabideak justizia soziala, demokrazia zuzena eta burujabetasunean oinarritu ziren, klase borrokaren gaurkotasunaren adibide argia izanez, elite ekonomiko eta politikoen sistema zalantzan emateko gai izan dena momentu batean. Euskal Herrian, Ezker Abertzaleak halako mugimenduen garapenari begira paper bat joka dezake, eta adi egon beharko gara, mugimendu honen leherketaren arrazoin sozialek irauten dutelako eta pandemiaren eraginez areagotuak izan daitezkeelako.

Azalpena

-

Kontseilu nazionalaren iritzia

BAI. Zuzenketa babesten dugu.

48 parrafoa

Mundu mailan ematen ari diren prozesuen eta tentsio geopolitikoaren ondorioz gure herriaren egitura ekonomikoan aldaketa handiak ematen ari dira eta areagotu daitezke etorkizunean. Katastrofe bat da estaturik ez izatea eta gainbehera doazen bi estatu post-inperialen menpe bizitzea. Gainera, ez da antzematen pandemiak azkartutako joerei eta erronkei erantzuteko lidergorik eta begirada estrategikorik, ez dago dogma neoliberalak kolokan jartzeko borondaterik, ez autokritikarik ezta egin beharreko aldaketak bideratzeko gogorik ere. Trantsizio ekologiko-zibilizazionala, zaintza sistema, sektore publikoaren eta ongizate sistemaren indartzea, trantsizio digitala edo euskalduntzean eman beharreko jauzien aurrean, agintarien artean ez da beharrezko sakontasunez aldaketei heltzeko gogorik antzematen.

ADOSTUTAKO ERDIBIDEKOA: IMANOL IBERO AZKARATE - XABI LUKE (EIBARKO LAU MILITANTEREN IZENEAN) - NAZIO KONTSEILUA

Hobekuntza

Mundu mailan ematen ari diren prozesuen eta tentsio geopolitikoaren ondorioz gure herriaren egitura ekonomikoan aldaketa handiak ematen ari dira eta areagotu daitezke etorkizunean. Katastrofe bat da estaturik ez izatea eta gainbehera doazen bi estatu post-inperialen menpe bizitzea. Gainera, ez da antzematen pandemiak azkartutako joerei eta erronkei erantzuteko lidergorik eta begirada estrategikorik, ez dago dogma neoliberalak kolokan jartzeko borondaterik, ez autokritikarik ezta egin beharreko aldaketak bideratzeko gogorik ere. Trantsizio ekologiko-zibilizazionala, zaintza sisteman, sektore publikoaren indartzean **zein egiazko ongizate sistema baten eraikuntzan, burujabetza digitalaren bidean** edo euskalduntzean eman beharreko jauzien aurrean, agintarien artean ez da beharrezko sakontasunez aldaketei heltzeko gogorik antzematen.

Azalpena

Xabi Lukerekin batera, Haizea Kortabarriak, Iker Eizagirrek eta Jokin Bergarak babesten dute.

Kontseilu nazionalaren iritzia

HOBEEKUNTZA hobesten dugu. Alegia, jatorrizkoaren ordeztu, egilearekin adostutako zuzenketa babesten dugu.

52 parrafoa

Gauzak horrela, arrisku eta aukera handiak ageri zaizkigu. Alde batetik, testuinguru honetan

aspaldian indartzen ari diren joera autoritario eta atzerakoiak areagotu daitezke. Baina, bestetik, kritika sistemikoa egin eta proposamen demokratizatzaile eta eraldatzaileak kontrajartzeko aukera parez-pare irekitzen zaigu. Berlingo Harresiaren erorketaren garaian normalizatu zen kapitalismoaren nagusitasun morala erabat kolpatuta dago. Azken urteotako astinaldi handiena da, eta 2008ko krisiaren inguruko zilegitasun krisia guztiz itxi gabe gertatu da.

PIPE SAN EPIFANIO SAN PEDRO (HIRIBURUETAKO HAINBAT KIDEREN IZENEAN)

Gehikuntza

(Aurretik puntu berria gehitu)

1.3. Euskal Herria Hiriburu eta hiriguneak

52. Euskal Herrirako marrazten dugun agertoki politikoak adierazpen argi eta berezitua du hiriburu eta hiriguneetan.

53. Mundu osoan, eta Euskal Herria ez da salbuespen bat, metropolizazio prozesua gertatzen ari da. Jendea hirietan metatzen ari da, hiriak zabaltzen doazen heinean. Euskal Herriaren kasuan jada biztanleriaren % 80 eremu urbanoetan eta batez ere kostaldean bizi da. Lurralde antolaketari begira, ñabardura askorekin, Euskal Herriko metropolia Bilbo-Baiona kostaldeko ardatzean kokatzen ari da.

54. Hiri guztiak garaian garaiko indarrean dagoen sistema ekonomikoaren isla dira. Gure kasuan, gaur egun sistema kapitalista neoliberalak inplementatzeko behar duen euskarri fisikoak dira.

55. Euskal Herriko eskalan, gure hiriburu eta hiriguneetan (Baiona-Angelu-Biarritz, Irun-Donostialdea, Iruñerria, Tuter, Gasteiz edo Bizkaia metropolitanoan) ematen diren prozesu sozioekonomiko eta ideologikoen inguruko lurralde osoa kutsatzen dute. Beraz logika politikoan Euskal Herria irabazteko eremu hauek irabazi behar dira.

56. Azken mendean gure hiriguneetan egon den hazkundeak, hein handi batean, migrazioan oinarritu da. Behar ekonomikoak tarteko, pertsonak bizi baldintza duinen bila mugitu dira hirietara. Hala, mundu ikuskera eta kultura askotarikoez aberasten ari dira gure hiriak. Nolanahi ere, hiriguneak desoreka handiko espazio geografikoa dira, eta krisian sakondu ahala, desoreka horiek areagotu besterik ez dira egiten ari. Honek, herri sektoreen eta, zeresanik ez, migratzaileen prekarizazio prozesua azkartu besterik ez du egin.

57. Horrez gain, bada zenbait hiriburu eta hirigunetan desorekei eta bizi baldintzen prekarizazioari loturiko beste fenomeno bat: hiri barneko migrazioa eta hirietako kanporatzeak. Aldirietako auzuneak erdialdean bizitza garatzerik ez duten langile eta bestelako sektore prekarizatuz betetzen ari dira, eta areago, hirigunetik kanpoko herrietara kanporatuak izaten ari dira milaka herritar, auzoetako ehun komunitarioak deseginez. Aldiri horiek hirien jarraipen bilakatzen ari dira, arestian aipatu dugun metropolizazio prozesu horretan sakonduz. Horrek, gurean garatzen ari diren hiri eredu kapitalista hirietako arazo soil izatetik Euskal Herriko biztanleriaren gehiengo zabalak bustitzen dituen arazo izatera bultzatu du.

58. Ziklo politiko honetan gehiengoak osatu behar baditugu, gehiengo sozialak artikulatzeko erronka nagusia hiri populatuetan osatu beharko dugu. Ikuspuntu horrek ez luke gutxietsi behar ezker independentistaren proiektu politikoa, gehienbat, herri eta landa eremuetan gauzatzen dela praktika konkretuetan, beraz, lurralde oreka presente izatea ezinbestekoa izango zaigu. Gehiengo horiek arrakastatsuak eta eraldatzaileak izateko, besteak beste, pertsona guztiek hirietan duintasunez bizitzeko behar diren eskubideen jabe izatea eduki behar luke helburutzat. Nazio askapen prozesuak, zalantza barik, gehiengoaren baldintza materialak hobetu behar ditu.

59. Bestalde, gure hiriguneetako jendarteak aldatzen den heinean, jendarte horren erreferentziak ere aldatzen dira. Horrek gure erreferentzia politikoa eta gure erreferenteak berrasmatzera behartzen gaitu. Sinbolismo eta epika berriak behar dira, baina baita hirigunearekin konektatzen duten pertsonak eta erreferenteak ere. Aipatu erreferentzia horien baitan egungo errealitatetik eta aniztasunetik abiatzen den euskal identitate barneratzailea bultzatu behar dugu; pertsona guztiei gure herrian duintasunez lan egin, sozializatu eta bizitzeko ateak irekitzen dizkiena. Sentipen identitariotik ere independentziaren beharra eraikitzen delako.

Azalpena

Herrigaiak ez du behar beste sakontzen hiriguneez ziklo politiko honetan duten garrantziaz. Zuzenketa honen bidez, hiri-espazioetan gaur egun gertatzen ari diren fenomeno sozioekonomikoei buruzko oinarritzko irakurketa jaso nahi dugu, eta gure hiriburu/hirigunetan lan politikoa egiteko beharrezkoak diren tresnak eta bitartekoak zeintzuk diren adierazi.

Atal hau gehituko genuke 1.4 Azken Gogoeta baino lehenago, beraz, Azken gogoetaren lehenengo artikulua 60. litzateke

Babesten dute: Maddi Juanikorena Diaz (Donostiako militantea), Oier Ibarguren Sarasola (Donostiako militantea), Paula Garcia Garcia (Iruñako militantea), Iker Araguas Jusue (Iruñako militantea), Jone Gil Landabaru (Bilboko militantea), Joseba Enbeita Ortuondo (Bilboko militantea), Garazi Pizarro del Amo (Bilboko militantea) eta Maialen Kortabarria Zabala (Gasteizko militantea)

Kontseilu nazionalaren iritzia

BAI. Zuzenketa babesten dugu.

54 parrafoa

Globalizazioarekin estatuak eta mugak desagertuko zirela esan ziguten teorien gainera, COVID-19 krisiaren testuinguruan, estatuak eta haien erabaki politikoak nagusitu dira, bai txertoak erosteko unean edota pertsonen kontrako mugak ezarri eta sendotzeko momentuan. Nabarmendu da, beraz, bideragarria dela ekonomia erabaki politikoen menpe jartzea, neoliberalismoaren logika astinduz. Beste gauza bat da hartutako erabakiak, kasu askotan, boteretsuen mesedetan hartu izana. Jakina, estatu erabakiek garrantzia handia hartu duten une berean, gure herriaren gabezi politiko eta ekonomiko guztiak azaleratu dira. Honek guztiak mahai gainean jartzen du, berriro ere, burujabetzaren inguruko lehiaren garrantzia.

ADOSTUTAKO ERDIBIDEKOA: IMANOL IBERO AZKARATE - NAZIO KONTSEILUA

Gehikuntza

Globalizazioarekin estatuak eta mugak desagertuko zirela esan ziguten teorien gainera, COVID-19krisiaren testuinguruan, estatuak eta haien erabaki politikoak nagusitu dira, bai txertoak erosteko unean edota pertsonen kontrako mugak ezarri eta sendotzeko momentuan. Nabarmendu da, beraz, bideragarria dela ekonomia erabaki politikoen menpe jartzea, neoliberalismoaren logika astinduz. Beste gauza bat da hartutako erabakiak, kasu askotan, boteretsuen mesedetan hartu izana. Jakina, estatu erabakiek garrantzia handia hartu duten une berean, gure herriaren gabezi politiko eta ekonomiko guztiak azaleratu dira. Honek guztiak mahai gainean jartzen du, berriro ere, burujabetzaren inguruko lehiaren garrantzia. **Are gehiago kontuan hartzen badugu Euskal Herriak bere bizitza materiala sustengatzeko duen gaitasun ezak epe ertainean ataka larrian jar ditzakeela euskal herritarren bizi baldintzak, prozesu globalen menpe baitaude gure beharrak asetzeko bide gehienak.**

Azalpena

-

Kontseilu nazionalaren iritzia

BAI. Zuzenketa babesten dugu.

55 parrafoa

Sorturen helburu estrategikoa Euskal Herria batua, independentea, sozialista, feminista eta euskalduna eraikitzea da. Proiektu politiko honek gure herriaren garapena bermatu eta jendarte eredu justua, parekidea eta berdinzalea lortzea du helburu; inolako esplotazio eta zapalkuntzarik gabeko Euskal Errepublikak eraikitzea, alegia.

IMANOL IBERO AZKARATE

Hobekuntza

... alegia, munduko beste lur, herri eta pertsonekin errespetuz harremanduko dena. Kapitalismoak ekarri digun ondasun materialaren zilegitasunaz hausnartuz eta berari muzin eginez.

Azalpena

Deshazkunderako garaia da, gaur hobe bihar baino

Kontseilu nazionalaren iritzia

JATORRIZKOA hobesten dugu. Alegia, ez dugu zuzenketa babesten. Lehen esaldiarekin ados egonda ere, uste dugu bigarren esaldiak azalpen zehatzagoa edo ñabardura egitea beharko lukeela eta, edonola ere, ez litzatekeela atal honetan sartu beharko.

NAZIO KONTSEILUAREN AUTO-EMENDAKINA

Gehikuntza

Mundu post-kapitalista batera joatea da gure garaiko zerumuga: beste zibilizazio bat behar dugu kapitalismoa, patriarkatua eta kolonialismo eta arrazakeriaren iraupena egiturazkoak direlako, eta beraz, errotiko aldaketak ezinbestekoak direlako. Neoliberalismoaren garaiotan hegemonikoa den alternatiba ezaren ideia borrokatu behar dugu, jakinda, betiere, ez dagoela ideia hori egun batetik bestera desagerraraziko duen lelo magikorik. Gainera, COVID 19ren pandemiaren shock traumatikoak itzal apokaliptikoak indartu ditu planeta honetan bizi garenon gainean. Errotiko eraldaketaren erreferentzialtasuna eraiki behar dugu, beharra eta une berean, aukera gisa ager dadin. Horretarako, diagnostiko kritikoaz gain ideien lehian aurrera egin, gehiengoaren eraikuntza, egitarau bideragarria eta antolakuntza sendoa behar dira.

Azalpena

Edukiaren aldaketaren arrazoia da ponentziaren hasieran egiten den aurreko kongresu eta eztabaidetako erabakien baieztapen hutsak ekar ditzakeen zalantza edo hutsune pertzepzioa gainditzea, batetik, eta gure garaiko berezitasunei erantzutea, bestetik. Iruditzen zaigu proposatzen ditugun gehiketek testua aberasten dutela, hainbat ideia argituz. Sorturen dimentsio estrategikoa eta, beraz, dagozkion ikuspegi eta konpromiso estrategikoak indartzeko asmoz prestatu ditugu autoenmendakin hauek, gure profila eta identitatea nahiz gure lan ildoak inspiratzeko baliogarriak izango direlakoan.

Kontseilu nazionalaren iritzia

Bai, zuzenketa babesten dugu.

56 parrafoa

Ezker abertzalearen sorreran nazio borroka eta klase borroka txanpon beraren bi aldeak zirela ebatzi genuen; jakinda, beti ere, klase borroka historiaren konstante bat dela, baina, Euskal Herriaren biziraupena ez dagoela bermatuta. Gure hipotesi estrategiko horretatik dator burujabetzaren aldeko errotiko taupada. Zorionez, errekaren ura aldatuz doa, ur korrante berriekin elikatzen baita, historiaren joan etorrian. Burujabetzaren taupada erroko aldaketa sozial eta politikoarekin lotzen den heinean, gure hipotesi estrategikoa askotariko zapalkuntzekin osatu eta txirikordatu behar da, etengabea, eta mugimendu emantzipatzaileen ekarpena bildu, egun, krisi ekologikoa, zaintza krisia, arrazakeria, indarkeria matxista eta bestelakoak ekuaziora ekarriz.

ADOSTUTAKO ERDIBIDEKOA: NAZIO KONTSEILUA (AUTO-EMENDAKINA) - XABI LUKE (EIBARKO LAU MILITANTEREN IZENEAN) - GAIZKA VILLAR SUAREZ

Gehikuntza

Sortu erakunde independentista, feminista, ekologista, euskaltzale, antiarrazista, antifaxista, sozialista eta, beraz, antikapitalista da, beste zapalkuntza eta menperatzeekin etengabea uztartzen den kapitalismoa guztiz kaltegarria eta inmorala baita, planeta bera arriskuan jartzera iritsi delarik. Sortuk hautu antikapitalista pragmatikoa egiten du, hau da, eraldaketa kapitalismotik harago joan eta beste eredu bat eraikitze bide gisa irudikatzen du. Gurean, burujabetze hautua da zerumuga post-kapitalistara joateko ibilbidearen gakoa, jendarte borroka askatzaileen artikulazio zerumuga partekatu indartsu eta emankorra baita Euskal Errepublikaren eraikuntza.

Azalpena

Xabi Lukerekin batera, Haizea Kortabarrak, Iker Eizagirrek eta Jokin Bergarak babesten dute.

Kontseilu nazionalaren iritzia

BAI. Zuzenketa babesten dugu.

57 parrafoa

Gaurko talka nagusia kapitalaren eta bizitzaren arteko lehia gisa ezaugarritzen dugu. Alegia, egiturazko zapalkuntza anitzekin bukatzeko (zapalkuntza patriarkala, arrazakeria, planetaren suntsipena...) tresna eta helburua da burujabetza indibidual eta kolektiboa. Bestela esateko, burujabetza pertsonal eta kolektiboa da gure baliabide natural, material, sozial, linguistiko eta kulturalen gaineko hausnarketa kolektiboa egin eta erabaki libreak hartu ahal izateko tresna. Askotariko zapalkuntzen aurrean, burujabetza alde anitzekoa dela ulertzen dugu, elkar eragiten dioten aldagaiez osatua.

JOSEBA ENBEITA ORTUONDO

Hobekuntza

Gaurko talka nagusia Kapitalaren eta Nazioetan garatutako Lan Indarraren arteko lehia gisa ezaugarritzen dugu. Alegia, egiturazko zapalkuntza anitzekin bukatzeko (zapalkuntza patriarkala, arrazakeria, planetaren suntsipena...) tresna eta helburua da burujabetza indibidual eta kolektiboa. Bestela esateko, burujabetza pertsonal eta kolektiboa da gure baliabide natural, material, sozial, linguistiko eta kulturalen gaineko hausnarketa kolektiboa egin eta erabaki libreak hartu ahal izateko tresna. Askotariko zapalkuntzen aurrean, burujabetza alde anitzekoa dela ulertzen dugu, elkar eragiten dioten aldagaiez osatua.

Azalpena

Kapitalismo definitzea "Kapitalaren eta Bizitzaren arteko lehia gisa", egia izanda, ez da zuzena. Horrek ez du esan nahi ezer. Beste era batera esanda: edozein ekoizpen / banatze modu historikoak bizitzarekiko talka dakar: esklabotasuna, feudalismoa, Arreta hor ipiniz gero, ez genuke ulertuko Kapitalismoak ekarri zuen berezitasun historikoa non kokatu. Kapitalismoak dakarren berezitasuna gainbalioan kokatu behar dugu, zelan lortzen duten, zer oztupoak dituzten lortzeko,..., eta Euskal Herria bezalako lurretan, nazionalki ukatuta, Lan Indarraren marko nazionala dela Kontraesan Nagusia. Kapitalaren garapenak ere bizitzaren alor guztietan duela eragina, eta eragin negatiboa, egia da eta transbertsaletateari buruzko eztabaidak, intersektionalitateari buruzkoak, garatu behar ditugula ere bai (elkar zaintza, feminismoaren ekarpenak, ...), baina ahaztu barik ekoizpenerako modu honen muina non dagoen, bestela ezin izango dugu garaitu.

Kontseilu nazionalaren iritzia

JATORRIZKO testua hobesten dugu. Alegia, ez dugu zuzenketa babesten, puntu honen helburua ez delako kapitalismoaren izaeraren eta ezaugarri bereizgarrien azterketa xehe bat egitea, kapitalismoa bizitzaren oinarri materialak desagerrarazten ari dela eta, horrenbestez, bizitza bera kolokan jartzen ari dela nabarmentzea baizik.

63 parrafoa

Horregatik, bestetik, burujabetzarako bidea modu dinamiko eta gradualean gauzatuko den botere

metatze prozesu gisa ulertzen dugu. Sezesiorako baldintzak sortu bitartean, eta jauzi hori bera egiteko, beharrezkoak diren tresnak -estatu egiturak- garatzeko prozesua, hain zuzen.

ADOSTUTAKO ERDIBIDEKOA: IÑIGO ORELLA ALTZUETA - NAZIO KONTSEILUA

Gehikuntza

Horregatik, bestetik, burujabetzarako bidea modu dinamiko eta gradualean gauzatuko den botere metatze prozesu gisa ulertzen dugu, **burujabetza prozesua bizkortzeko eta muturrera eramateko gaurdanik baldintza egokiak sortzeko**. Sezesiorako baldintzak sortu bitartean, eta jauzi hori bera egiteko, beharrezkoak diren tresnak-estatu egiturak- garatzeko prozesua hain zuzen

Azalpena

-

Kontseilu nazionalaren iritzia

BAI. Zuzenketa babesten dugu.

74 parrafoa

Aldebikotasuna jorratu eta aldebakartasunerako prestatu behar gara, biak ala biak baliagarriak izan daitezkeelako, baita une batean uztartu ere, estrategiaren baitan. Aldebakartasunerako prestatu behar gara prozesuaren giltza estatuen esku utzi nahi ez badugu. Gainera, gero eta indar gehiago bildu horretarako, orduan eta aukera gehiago sortuko dugu aldebiko aukera zabaltzeko. Eta aldebikotasuna jorratu behar dugu estatuen posizioa higatu -borondatea ez duten bitartean, bederen- eta aldebakarreko aukera legitimatzeko, Euskal Herrian eta nazioartean. Horretarako, konponbide demokratiko adostu bat eskaini behar dugu, behin eta berriz.

ADOSTUTAKO ERDIBIDEKOA: ANDONI OLARIAGA AZKARATE - NAZIO KONTSEILUA

Gehikuntza

- **Borroka logiken uztarketa**. Euskal Herriaren naziogintzan eta estatugintzan sakontzeko, estrategia askatzailearen aldeko borrokak hausturaren, sinbiosiaren eta zirrikituaren logikak konbinatu behar ditu, testuinguruaren, korrelazio indarraren, lurraldearen eta momentuan momentuko strategiaren arabera pentsatuz eta praktikan jarritz. Batetik, haustura edo aldebakartasuneko praktikak beharko ditu, lekuan leku eta momentu politikoaren arabera posiblearen mugak zabaltzeko, ekintza desobedienteak sustatuz, horiek tresna eta ez helburu gisa ulertuz. Bestetik, zirrikituak identifikatu eta sustatu behar ditu, botere sozial era berriak eraiki asmoz, statu quoaren bazter, tarte eta zirrikituetan eraldaketa esparruak zabaltzeko: kontraboterearen mugak kontuan izanik. Azkenik, sinbiosi bidezko etengabeko eraldaketekin, borrokatutakoa erakundetu behar du, Euskal Herriaren naziogintza eta estatugintzan sakontzeko.

Azalpena

-

Kontseilu nazionalaren iritzia

BAI. Zuzenketa babesten dugu.

76 parrafoa

Eta nola egingo dugu?

Estrategia nazional-konfederala da gurea. Euskal Errepublikaranzko bidea esparru administratibo bakoitzeko indar harremanari egokitu beharko zaio eta, beraz, esparru horietako bakoitzean erritmo ezberdinak izango ditu. Hala, hiru prozesu eratzaille jorratu behar ditugu (espazio administratibo bakoitzeko bat) eta, horrekin uztartuz, eraikitze/trinkotze nazionalerako dinamika bat, nazio subjektua artikulatzea eta gure burujabetzaren oinarri material eta sinbolikoak eraikitzea helburu duena.

ADOSTUTAKO ERDIBIDEKOA: GOTZON AMARO LOPEZ - NAZIO KONTSEILUA

Hobekuntza

Estrategia nazional-konfederala da gurea. Euskal Errepublikaranzko bidea esparru administratibo bakoitzeko harremanari egokitu behar zaio eta, beraz esparru horietako bakoitzean erritmo desberdinak izango ditu. Hala, hiru prozesu eratzaille jorratu behar ditugu (espazio administratibo bakoitzeko bat) eta horrekin uztartuz, eraikitze/trinkotze nazionalerako dinamika bat garatu behar dugu, nazio subjektua artikulatzea eta gure burujabetzaren oinarri material eta sinbolikoak eraikitzea helburu duena. **Euskal Herria/Euskal Nazioa iparroratz eta itsasargi dugula, Sorturen ardura izango da gure strategiaren oinarri eta ardatz izan behar duen nazio eraikuntzaren dinamika sustatzea**

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren orde, egilearekin adostutako zuzenketa babesten dugu.

78 parrafoa

Polarizazioa, mobilizazioa eta konfrontazioa ezinbesteko tresnak dira hautabide independentista

hedatu eta prozesu politikoa elikatzeko. Gure helburua da konfrontaziora eta are desobedientzia ekimenetara ahalik eta herritar gehien biltzea, konfrontazioa herri gisa egin eta ahalik eta eraginkorrena izan dadin. Horregatik, aldebakarreko urratsen kasuan bezala, uneak, gaiak eta moldeak ongi aukeratu beharko ditugu.

ENEKO COMPAINS SILVA

Gehikuntza

Aurrekoa argi izanik, ez dugu “D egun” baten zain egon behar konfrontatzen hasteko. Aitzitik, sinisturik gaude gaurdanik hasi behar dugula konfrontatzen eta desobeditzen, eta oraingoz konfrontatzeko prestaturik ez gaudela diotenen aurrean, uste dugu konfrontazio txikietatik abiatu behar dugula, baina ez replegatzeko, indarrak aktibatu eta biderkatzeko baizik. Besteak beste ezinezkoa delako gure herria Estatuetik konfrontazio total batera eramatea aurrez borroka txikiagoetan “entrenatzen” ez bagara. Ez gaude Espainia zein Frantziari “hordagoa” botatzeko tenorean, horretaz kontziente gara, indar korrelazioa ez baitago oraingoz gure alde, baina bataila txikiagoetan indartu gaitezke. Gakoa konfrontazioa nahi dugun unean eta nahi dugun terrenoan egitea da. Zibila, baketsua, zabala. Baina konfrontazioa. Esan genuen iraganean, eta badugu garaia egiten hasteko.

Azalpena

Konfrontaziorik gabe ezin dugu jendartea polarizatu, eta polarizaziorik gabe nekez ekar ditzakegu aldaketa handiak gure herrira.

Kontseilu nazionalaren iritzia

EZ. Ez dugu zuzenketa babesten ez datorrelako bat Herrigaiari egiten den borroka molde eta formulen inguruko hautuaz. Molde eta formulak helburuen zerbitzura jarri behar dira, eta ez alderantziz. Estrategia aurrera eramateko emankortasuna da gakoa, horren arabera aukeratuko ditugu -oinarrizko testuak dioenez- uneak, gaiak eta moldeak. Konfrontatzea ez da helburua, konfrontatzea helburuetara hurbiltzeko moldeetako bat da, eta ez bakarria. Definitzen gaituena ez da konfrontazioa, egitasmo politikoa baizik.

89 parrafoa

Herri mugimendua euskal jendartearen emantzipaziorako tresna estrategikoa da, egungo botere harremanak zalantzan jarri eta jendarte berriaren eraikuntzan diharduelako. Herritarrak ahaldundu, jendartearen balioak eraldatu eta, oro har, sakoneko aldaketak eragin eta alternatibak eraikitze bidean funtsezko zeregina du. Bestalde, azpimarratu behar da aldaketak gauzatzeko tokian tokiko estrategietan herri mugimenduek duten garrantzia, bai eta proiektu komunitarioak eraikitze eta, oro har, herria egiteko garaian ere.

NAZIO KONTSEILUAREN AUTO-EMENDAKINA

Gehikuntza

Herri mugimenduek edota mugimendu sozialek hezurmamitzen dute herria, eta beraz, herriaren taupada eta une berean eraikitze tresnak dira. Derrigorrezkoa da euskal askapen prozesurako herri mugimendu anitz, sendo eta eraginkorrak eraikitzea, etengabeko dinamika eta eboluzioan egon behar direnak, sortzen diren behar eta erronka berriei erantzuteko. Herri mugimenduak eraldaketa tresnak ez ezik lehia esparruak ere badira, eta horrela ulertu behar ditugu, instituzioak-herri mugimenduak harremana termino dialektikoetan ulertuz, kontua ez baita bata ala bestea aukeratzea, bien arteko tentsioa onuragarritzat hartuz oreka onena bilatzea baizik.

Azalpena

Gehikuntza horrek testua hobetzen duela uste dugu, herri mugimenduei dimentsio gehiago emateaz gain, bi ideiatan sakontzen duelako. Batetik, herri mugimenduek askapen prozesuan izan behar duten funtzionaltasuna, behar eta erronka berriei erantzuteko. Bestetik, instituzioen eta herri mugimenduen artean harreman hierarkikoa baino harreman dialektikoa dagoela azpimarratzen da.

Kontseilu nazionalaren iritzia

Bai, zuzenketa babesten dugu

91 parrafoa

Euskal Herrian herri mugimenduaren adierazpen ugari dago; baina, oro har, herri mugimendua ahul sumatzen da, joera globalen ondorioz batez ere. Sorturi herri mugimendua berpiztea dagokio. Batetik, mugimendu sozialei norabide bat eskainiz eta herriz herri antolatuz, herri mugimendu bilakatzeko. Eta bestetik, arestian aipatu ditugun ezaugarriak dituzten herri mugimenduetan bere militanteak inplikatur eta ekarpena eginez, mugimendu bakoitzaren autonomia eta erabakiguneen errespetutik betiere, egitasmo partekatuetan uztartzeko asmoz.

ADOSTUTAKO ERDIBIDEKOA: ISIDRO ESNAOLA HERRERO - JULEN ZABALO BILBAO - NAZIO

KONTSEILUA

Hobekuntza

Euskal Herrian herri mugimenduaren adierazpen ugari dago. Herri mugimenduek duten izaera eraldatzaileagatik Sortuko militanteok horietan jardungo dugu, gero eta sendoago eta antolatuagoak izan daitezen lagunduz. Horretarako, gure lana, eskarmentua eta ikuspegia eskainiko ditugu, mugimendu bakoitzaren autonomia eta erabakigunea errespetatuz betiere.

Azalpena

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, egilearekin adostutako zuzenketa babesten dugu.

95 parrafoa

Sorturi dagokio ere borroka komunitatea trinkotzea eta aktibatzea, prozesurako erregaia izan dadin.

NAZIO KONTSEILUAREN AUTO-EMENDAKINA

Hobekuntza

Ezker abertzalearen tradizio historikoa altxor bat da eta halakoxea da ere balore eta kultura politiko horretan hazi eta hezi den komunitate politiko. Sortuk arreta berezia eskaini behar dio ezker abertzalearen komunitateari, askapen prozesua dinamizatzeko eta euskal nazioari bulkada berri bat emateko nukleo militante sendoa delako. Horretarako, Sortuk bere komunitatea etengabe elikatu, kohesionatu, zabaldu, saretu eta aktibatzeke baliabideak jarriko ditu, herri batzar eta bestelako elkarguneak eskaintzetik hasi eta komunitate horren identitate eta pertenezia sentimendua areagotuko dituen Sorturen erreferentzia eta proiektio publikoa indartzeraino.

Azalpena

Herri batzar askotan atera den ideia bilduz, garrantzitsua iruditu zaigu Sorturen komunitate zabalak osatzen duen nukleo militanteari dimentsioa ematea. Behar-beharrezkoa da komunitate hori ongi elikatuta, kohesionatuta eta aktibatuta izatea, haren parte diren kideek apustu politikoaren erregaia izan behar dutelako. Atal honetan aipatutakoa beste zenbait ataletan proposatuko diren urrats zehatzen kokapen orokorra litzateke.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren orde zuzenketa babesten dugu.

96 parrafoa

Sortuk EH Bildu/EH Bai eta herri mugimendua sustatuko ditu, ekarpen politiko-ideologikoa eta militantea eginez, beraiek direlako prozesu subiranista eraldatzailearen protagonista nagusiak. Halaber, Sortuk lan egingo du subjektu independentista eraldatzailea artikulatzeko.

IRATI ARRATIBEL GONZALEZ DE DURANA

Gehikuntza

Subjektu independentista eraldatzailea artikulatzeko prozesuan Sortu eta EH Bildu/EH Bai -ren artean zenbait talka egoera sor daitezke, finean ez baitira jardunbide maila politiko beraren parte (EH Bildu/EH Bai maila instituzionalean eta Sortu herri mugimenduen mailan). Talka egoera horiek zenbait zailtasun sor ditzazkete, batez ere herri mugimendua osatzen duten kideen artean, eta hortaz Sortuko kideen artean ere bai. Talka hauen baitan beharrezkoa da ulertzea Sortu eta EH Bildu/EH Bai-k helburu bera izanagatik ere jardunbide desberdinak dituztela, eta beraz, beraien izaera, antolakuntza, jarduna, praktika... ere desberdinak izan behar dutela. Beraz, talka hauek beharrezkoak eta ohikoak izango dira prozesu guzti honetan, eta era berean, talka egoera hauek Sortu eta EH Bildu/EH Bai -ren desberdintasunak agerian uzteko balio izan dezakete (kanpora begira herritarrek ikus dezaten bi aktore desberdin direla). Egoera honek aktore politikoen arteko koordinazio erabatekoa behar du, talkak/eztabaidak egon bai baina egoera dikotomiko/kontrajarriak babesten ez dituztela argi gera dadin (kanpora begira deskoordinazio itxura saihesteko).

Azalpena

-

Kontseilu nazionalaren iritzia

EZ, ez dugu zuzenketa babesten, nahasketa ekar dezakeelako. Oinarrizko testua argiagoa da eta hau gehitzeak ez du hobetzen. Enmendakinen gogoeta jasota dago ponentziaren hainbat ataletan.

103 parrafoa

Datozen urteotarako lan hipotesi bat dugu, ortzimuga bat: euskal jendartearen sektore zabalen sentimendu, gogo eta beharrek bat egin eta aldaketa politiko eta sozialaren bidera uholde berri bat erakartzea. Astindu erraldoi honetan, askotariko borondateen artikulaziorako euskal unea sortu nahi dugu, norbera etorkizunean proiektatzeko aukera eskainiko duena eta, era berean, horretarako bide - egingarri- bat proposatzen duena. Eraldaketa nahi dutenek Euskal Herrian ikusi behar dute mundua aldatzeko aukera; baldintza okerrenetan daudenek, berriz, Euskal Herrian aurkitu behar dute babestokia.

ADOSTUTAKO ERDIBIDEKOA: IRATXE DELGADO ARRIBAS (DURANGOKO HERRI BATZARRAREN IZENEAN) - NAZIO KONTSEILUA

Gehikuntza

Finean, egiturazko krisiek eta kapitalaren ofentsibak ezaugarritzen duten zikloari erantzun eta aldaketa politiko eta sozialerako palanka bilakatu behar ditugu. Horretarako, ezkerreko independentismoak borrokaren lehen lerroan egon behar du eta proposamen konkretuak eskaini. Ezkerreko independentismotik eta herri mugimenduetatik prekaritatearen aurka eta eraldaketa sozialaren aldeko agenda partekatua eraiki behar dugu, burujabetzarekin lotuz eta borrokan dauden sektore sozialen artikulazioa bilatuz.

Azalpena

-

Kontseilu nazionalaren iritzia

BAI, zuzenketa babesten dugu-

107 parrafoa

° Nazio bulkada komunitario berria sustatzera goaz, duela 40-50 urte izan zen haren parekoa, herri ambizioa igo eta Euskal Herriaren oinarri material eta kulturalak hobetzea helburua izango duena.

JULEN ZABALO BILBAO

Hobekuntza

- Nazio identitatea sendotu behar dugu, eta horrekin nazio bulkada berria sustatzera goaz, Euskal Herriaren oinarri materialak hobetzea eta oinarri kultural berriak barneratzea eta indartzea helburua izango dituen.

Azalpena

1. Hirugarren hitza, 'komunitario' kentzea proposatzen da. Izan ere, Nazioa, definizioz, komunitate bat da. Bere burua politikoki subirano irudikatzen duen komunitatea.
2. 'Duela 40-50 urte izan zen haren parekoa' kentzea proposatzen da. Testuinguru desberdinetan ezin dira errepikatu jarduerak. Garai hartako 'epikotasuna' ezin da errepikatu, zorionez gauza askotan hobeto gaudelako. Ponentziak behin eta berriz baieztatzen du aro politiko berri batean gaudela. Egokitu gaitzen, beraz, aro berri honetara.
3. Egokitzapen jarduera horretan argi dago nazio identitatea sendotu behar dugula, baina gaurko testuingurua eta erronkak kontuan hartuta: zer egin behar da kultura aniztasunarekin? Erabakitzeke eskubideak ez du inplikatzeko nazio komunitasunik, nazio bakarra proposatzen dugu? Naziogintzak oinarri berriak behar ditu.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordean, egileak aurkeztutako zuzenketa babesten dugu.

110 parrafoa

° Ezkerreko independentismoa indartu behar dugu, mugimendu gisa eta antolakunde bakoitza estrategia independentista eta testuinguru sozial berrira egokitzeko bidean sakonduz.

JOSEBA ENBEITA ORTUONDO

Gehikuntza

Kapitalaren beraren logikaren garapenak lan indarraren ezaugarriak aldatu ditu, sakonki aldatu ere. Gure testuinguru honetan, "lehenengo mundua" gisa ezagutzen den testuinguruan hain zuzen ere, Kapitalak lan indarra guztiz zatitu du, sakabanatuz Klasea. Bukatuta langile-masaren ziklo historikoa, zentzu hegemonikoan Klasean bertan, langile-sozialaren zikloa zabaldua dago. Kohesioa galdu da, txikitu egin direlako esparru fisiko amankomunak egoteko, lan egiteko, eztabaidatzeko, elkar ikasteko. Lantegien papera oraindik garrantzitsua da, oso, baina haratago doa lan indarraren egunerokotasuna. Elkar aritzeko, batera egoteko, zentralitatea berreskuratzeko gizartean, esparru fisiko berriak topatu beharko dira eta auzoetan eta herrietan frogatu beharko dira:lantegian daudenak eta ez daudenak, sindikatu batean daudenak eta ez daudenak, erretretan daudenak, noizbehinka lan egiten dutenak, langabezian daudenak edo bizimodu eskasa dutenak, Ea gai garen horrelako dinamika garatzeko, berdin izendatu Plataforma Sozialak edo beste era batera. Praktikan frogatu beharko da modeloa eraginkorra dela, baina ez da Klasearen batasuna berreskuratuko eredu zaharrarekin eta arazo metropolitanoaren funtsezko osagaia haxe da, eta egungo baldintzetan, kontzientzia nazionala berpizteko bide bat.

Azalpena

Datozen urteotarako, erronka subiranista eta demokratikoaz gain, Klaseari lotutako erronkak ere aintzat hartu behar ditugu. Borroka sozialetarako marko berriak altxatu behar ditugu eta bizibaldintzak hobetzeko lan indarraren zentralitatea berreskuratu beharko da. Leku fisikoak eta dinamika zehatzak beharko dira horretarako, aurreko mendeko eskemak ez duelako balio egun. Metropolian oso argi antzematen da behar hau. Leku fisiko horiek lokalak izango dira, anitzak; denbora beharko da horrelako zerbaitek bere esparrua irabazteko, koordinatu beharko dira euren artean eta egingo dugun apustuaren arabera emaitzak aterako ditu gure Askapen Prozesuak, epe luzerako izango den dinamika honetan.

Kontseilu nazionalaren iritzia

EZ. Ez dugu zuzenketa babesten, bi arrazoiengatik. Batetik, Herrigaiak egiten duen zapalkuntza forma guztien kontrako borroken artikulazioa (poliedroaren formulaz irudikatu duguna) hobe delako zuzenketa egiten dena baino. Bestetik, ez dugu uste Kongresuaren eztabaida denik maila lokalean behar bada LAB eta Ernairekin batera pentsatu eta garatu beharko liratekeen ekimen edo jarduerak zehaztea.

XABI LUKE - HAIZEA KORTABARRIA - IKER EIZAGIRRE - JOKIN BERGARA

Gehikuntza

...testuinguru sozial berrira egokitzeko bidean sakonduz. **Eta Sortu bera ere antolakunde gisa indartu behar dugu, militantez hornituz, eta auto-diagnostiko feminista aintzat hartuta emakumeen militantzia sustatu eta bermatzeko tresnak garatu behar ditugu. Honek ezkerreko independentismoa gorpuzten eta mugimendu gisa eraginkorrago bihurtzen lagunduko du.**

Azalpena

Diagnostiko feministak agerian utzi du antolakundean genero arrakala dagoela, eta puntu honetan datozen urteotarako erronka gisa aintzat hartzea beharrezkoa dela uste dugu. Eibarko Sortuko lau militante.

Kontseilu nazionalaren iritzia

BAI, zuzenketa babesten dugu.

112 parrafoa

Faktore anitzen ondorioz, azkenaldian apalduz joan den Euskal Herriaren erreferentzia biziberritu behar dugu datozen urteotan. Horretarako behar da, batetik, euskal jendartearen herri anbizioa berpiztuko duen ortzimuga partekatua, eraldaketarako gogoak gorpuztuko dituen proiektua. Hori izan behar da, hain zuzen, datozen urteotarako EH Bilduk eta EH Baik duten zeregin nagusienetako bat: eskaintza politikoa berritzea. Bertan bildu beharko lirateke Euskal Herriak garaiko erronkei erantzuteko datozen 10-15 urtetan egin beharko lukeen trantsizio handirako plana eta horretarako egin beharko litzatekeen ibilbidea -prozesu edo trantsizio subiranista-.

IMANOL IBERO AZKARATE

Ezabaketa

Sorturi dagokigu, sortzaileon iritzi datozen 10 15 urtetako nahiko dugun gizartea marraztea

Azalpena

-

Kontseilu nazionalaren iritzia

EZ. Ez dugu bat egiten paragrafoa ezabatzeko proposamenarekin. Euskal Herriko proiektuaren erreferentzia indartu nahi badugu funtsezkoa da euskal jendarteari eskaintza berri zehatza egitea, gaur egungo erronkei lotuta, eta berau gauzatzeko bide egingarri bat proposatzea. Eskaintza hori Sortuk egiteak Herrigaiaren logikaren kontra egiten du. Beste kontu bat da Sortuk, barne mailan, bere plan estrategiko propioa gogoetatu eta horretan sakontzea.

114 parrafoa

Adibidez, nazio identitatea indartzera bidean, euskal kirol selekzioen ofizialtasunaren aldeko dinamikak indar handia izan dezake, gure herriaren ikur eta oso jendarte sektore zabalek partekatzen duten gogo den heinean.

NAZIO KONTSEILUAREN AUTO-EMENDAKINA

Gehikuntza

(114. paragrafoaren hasieran gehitzeko)

Euskal Nazioaren eraikuntza askapen hautua da eta horrela ezaugarritu behar dugu gure jendartean. Honek eskatzen du epe luzeko eta unean uneko jarduerak garatzea, bai gure aldetik zein beste eragilerekin batera, nazioa elkarrekin bestela bizitzeko gogoaz lotuz. Pertenentzia sentimenak hezurmamitzen du komunitate politiko bat, elkarrekin bizitzeko gogoak ahalbideratzen du instituzioak partekatzea, eta, beraz, gure garaiko erronken arabera naziogintza garatu behar dugu, euskal afektu motibatzaileen forma hartu behar dituen, hau da, gero eta jende gehiagorengana iristeko eta eragiteko gaitasuna izango duena. Honek eskatzen digu iruditeria, ikurrak, errituak, musika, kultura, artea eta beste hainbat mailatan pentsatu eta jardun, bulkada berriak ahalbideratzeko.

Azalpena

Naziogintzaren atalean proposatzen dugunak herri batzarretan agertutako kezkarri erantzuten dio. Naziogintza birpentsatu eta batez ere, berrindartu behar dugu eta horrek gogoeta eta urrats zehatzak eskatzen ditu, ez soilik Sorturen aldetik, jakina, baina egin behar horretan gure ardurari eutsi behar diogu.

Kontseilu nazionalaren iritzia

BAI, zuzenketa babesten dugu.

117 parrafoa

Herri-bulkada horrek mugimendu estrategiko eraldatzaileak -feminismoa, ekologismoa eta arrazakeriaren kontrakoa, besteak beste- eta horietatik mahai gaineratzen ari diren erronkak bildu beharko lituzke, euskal egitasmo eraldatzailean kokatzeko.

JON MARTINEZ LARREA

Gehikuntza

Herri-bulkada horrek mugimendu estrategiko eraldatzaileak -feminismoa, ekologismoa, **langile mugimendua** eta arrazakeriaren kontrakoa, besteak beste- eta horietatik mahai gaineratzen ari diren erronkak bildu beharko lituzke, euskal egitasmo eraldatzailean kokatzeko.

Azalpena

Langile mugimendua ere gehituko nuke mugimendu estrategiko eraldatzaileen artean, sektore prekarizatuei arreta jarritz.

Kontseilu nazionalaren iritzia

BAI. Zuzenketa babesten dugu.

ENEKO COMPAINS SILVA

Gehikuntza

Herri-bulkada horrek mugimendu estrategiko eraldatzaileak -feminismoa, ekologismoa, **antikapitalismoa** eta arrazakeriaren kontrakoa, besteak beste- eta horietatik mahai gaineratzen ari diren erronkak bildu beharko lituzke, euskal egitasmo eraldatzailean kokatzeko.

Azalpena

Euskal Errepublika izango bada Euskal Herritik kapitalismoa gainditzen laguntzeko tresna, egitasmo independentistaren eraikuntzan funtsezkoa da gure herrian ezker antikapitalista indartsu eta zabala, murrizketa sozialen aurka eraginkorki ekiteko bai (besteak beste esparru zabalagoekin batera), baina ortzimuga berriak zabaltzen hasteko ere. Sortuk izan behar du bere erreferente nagusietariko bat.

Kontseilu nazionalaren iritzia

EZ. Ez dugu zuzenketa babesten ez baitiogu zentzurik ikusten antikapitalismoa mugimendu estrategiko eraldatzaileen artean sartzeari. Egokiagoa iruditzen zaigu langile mugimendua sartzeari,

beste zuzenketa batean proposatu den bezala. Bestalde, potentzial antikapitalista handia dute zerrendatzen diren mugimenduek (langile mugimendua, ekologismoa, feminismoa eta arrazakeriaren kontrako mugimendua), sistema kapitalistaren zutabe garrantzitsuak direnak inpugnatzera jendarte sektore zabalak eraman ditzaketen heinean. Kapitalismoaren kontrako jarduna, beraz, hortik indartuko da eta ez antikapitalismoa mugimendu estrategiko gisa definitzetik.

118 parrafoa

Horietan guztietan aurrerapenen bila abiatu beharko ginatekeela uste dugu, herri-agenda baten baitan. Nolabait, belaunaldi-erronkak finkatu eta horietan mugarri berriak ezartzen ahalegindu: hezkuntzan, zaintza eremuan, euskararen normalizazioan, trantsizio energetikoari ekiteko, herritarren lan eta bizi baldintza duinak bermatzeko, indarkeria matxista erauzteko...

ADOSTUTAKO ERDIBIDEKOA: IMANOL IBERO AZKARATE - NEKANE ERAUSKIN OTEGI - NAZIO KONTSEILUA

Hobekuntza

Horietan guztietan aurrerapenen bila abiatu beharko ginatekeela uste dugu, herri-agenda baten baitan. Nolabait, belaunaldi-erronkak finkatu eta horietan mugarri berriak ezartzen ahalegindu: hezkuntzan, zaintza eremuan, euskararen normalizazioan, trantsizio energetikoari ekiteko, herritarren lan eta bizi baldintza duinak bermatzeko, indarkeria matxista erauzteko, **kontsumo eredia errotik eraldatzeko, osasun zerbitzu publikoa, doakoa, nahikoa, unibertsala eta integrala eskainiko duen osasun sistema nazionala eraikitzeko...**

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren orde, egileekin adostutako zuzenketa babesten dugu.

119 parrafoa

Dena, burujabetza prozesuarekin lotuz, egun posiblea dena eta beharko litzatekeenaren arteko marraren bi aldetan ibiliz. Bestela esanda, egungo markoaren baitan dauden aukerak baliatu behar ditugu, muturreraino baliatu ere, herri gisa orube berria jartzeko, batetik; eta markoaren mugak agerian utzi behar ditugu, bestetik, burujabetzaren beharra azalarazteko.

GAIZKA SUÁREZ IPARRAGIRRE

Hobekuntza

Dena, burujabetza prozesuarekin lotuz, egun posiblea dena eta beharko litzatekeenaren arteko marraren bi aldetan ibiliz. Bestela esanda, egungo markoaren baitan dauden aukerak baliatu behar ditugu, muturreraino baliatu ere, herri gisa orube berria jartzeko, batetik; eta markoaren mugak agerian utzi behar ditugu, bestetik, burujabetzaren beharra azalarazteko; **bai eta, zenbaitetan, markoaren muga horiek gainditu praktika desobediente kolektiboen bitartez.**

Azalpena

Askotan posible den horretan edo posible ez den horren salaketan soilik geratzen gara baina, gurea bezalako antolakunde iraultzaile baten beharra da egun ezarritako markoaren mugak ere gainditzea baldintza berriak sortzeko. Gizarte eredu horien arteko borrokan beste Euskal Herria bat eta beste mundu bat posible dela erakutsi behar dugu eta horretarako alternatiben eraikuntza eta praktika desobedienteak ezinbestekoak dira. Duela gutxi atera genuen mertxandisingeko leloan esaten zuen moduan: "Ez gara ari aldatu ezin ditugun gauzak onartzen, onartu ezin ditugun gauzak aldatzen ari gara". Horrek ezarritako ordenaren marrak igarotzea eskatzen du.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordez, egileak aurkeztutako zuzenketa babesten dugu.

121 parrafoa

Independentismoa presente egon behar da ahal den esparru estrategiko guztietan: bizilagun elkarteak, guraso elkarteak, merkataritza-ganberak, kirol-taldeetako zuzendaritzak, sindikatuak, enpresari elkarteak, administrazio publikoa, gorputz polizialak, unibertsitateetako kontseilu errektoreak...

IRATI ARRATIBEL GONZALEZ DE DURANA

Ezabaketa

121.parrafoa ezabatu.

Azalpena

Eztabaidagarria izan liteke eremu/boteregune guztietan egon behar garela aipatzen duen puntua; dena dela, atal honek biltzen dituen puntuak EH Bildu/EH Bai-ren baitan eztabaidatu beharrekoak direla esango nuke. Izan ere, bertan aipatzen diren esparru gehienak (salbuespenak albuespen) ez dira herri mugimenduaren parte, eta beraz, ez litzateke Sorturen lana izango hauen arteko artikulazioa (edo dena delakoa) burutzea.

Kontseilu nazionalaren iritzia

EZ, ez dugu zuzenketa babesten. Parrafoa ezabatzeak Herrigaiaren ideia gako nagusi baten galera

ekarriko luke.

AINGERU MIMENTZA SANCHEZ (DURANGOKO HERRI BATZARRAREN IZENEAN)

Hobekuntza

Independentismoa presente egon behar da ahal den esparru estrategiko guztietan: bizilagun elkarteak, guraso elkarteak, merkataritza-ganberak, kirol-taldeetako zuzendaritzak, sindikatuak, enpresari elkarteak, administrazio publikoa, gorputz polizialak, unibertsitateetako kontseilu errektoreak...

Azalpena

Gorputz polizialen izaera eta funtzioa zerrendatzen diren besteekiko oso desberdina da, eta Sorturen diskurtsoan eta kohesioan kontraesan salbaezinak sortzen dituen gai bat da. Gure estrategian tamaina honetako berrikuntza bat txertatzeak eztabaida sakonagoa behar du, eta ez 60 orritako ponentzia batean erdi-ezkutuan agertzea. Gutxienez, korapilo hau askatzeko lanketa eta gogoeta berezituak egin beharko dira.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, egilearekin adostutako zuzenketa babesten dugu.

XABI LUKE - HAIZEA KORTABARRIA - IKER EIZAGIRRE - JOKIN BERGARA

Ezabaketa

121. parrafoa ezabatu

Azalpena

Ez dugu egoki ikusten esaldi bakarrean botere erabat ezberdinak ordezkatzeko dituzten esparruak hurrenkeran maila berean azaltzea. Uste dugu puntu honetan aipatzen diren botereguneak hiru esparru ezberdinetan bereizi daitezkeela (instituzionala, ekonomikoa eta komunitarioa) eta bakoitzean independentismoak duen barneratze maila eta ezker subiranistarekin sortu daitekeen interes talka ezbedina dela. Hori dela eta, parrafo honetan azaltzen den asmoak eztabaida sakonagoa eta estrategia zehatzagoa eskatzen duela uste dugu. Eibarko Sortuko lau militante

Kontseilu nazionalaren iritzia

EZ, ez dugu zuzenketa babesten. Parrafoa ezabatzeak Herrigaiaren ideia gako nagusi baten galera ekarriko luke, onartuta ere formulazio egokiago bat bila zitekeela.

123 parrafoa

Zeregin hau oso presente egon behar da gure antolakundearen maila guztietan, nazio egituretatik herrietaraino, lehenetasunak finkatuz eta plan zehatzak diseinatuz.

ADOSTUTAKO ERDIBIDEKOA: IRATXE DELGADO ARRIBAS (DURANGOKO HERRI BATZARRAREN IZENEAN) - NAZIO KONTSEILUA

Gehikuntza

Alta, boteregune eta jendarte esparru guztiek ez dituzte ezaugarri berdinak eta beraz berariazko hausnarketa eta planteamendu estrategikoak egin beharko ditugu boteregune bakoitzari dagokionez, egoteaz gain eragiteko.

Azalpena

-

Kontseilu nazionalaren iritzia

BAI. Zuzenketa babesten dugu.

124 parrafoa

Gure estrategia konfederal-nazionalaren baitan, euskal lurraldeen arteko artikulazioa gure ildo politikoaren arreta gune garrantzitsua izan behar da datozen urteotan. Ekintza plana zehaztu behar da horretarako, hala maila politiko-instituzionalean nola sozialean, lurraldeen arteko dinamika kohesionatzaileak sustatu eta herri sentimendua indartzeko.

ADOSTUTAKO ERDIBIDEKOA: JON MARTINEZ LARREA - NAZIO KONTSEILUA

Gehikuntza

Era berean, erakunde nazionalak Udalbitza bezala bultzatu behar dira, baita Euskal Herriko herrialde ezberdinetako harremanak sustatu ere.

Azalpena

-

Kontseilu nazionalaren iritzia

BAI. Zuzenketa babesten dugu.

126 parrafoa

Bestalde, lurraldetasunaren gakoak aipatzean, hiru lurraldeen arteko zatiketa dugu gogoan, baina beste batzuk ere ez ditugu ahazten: hirigune nagusien berezitasunak, beste lurraldeekiko harreman konplexuak, biztanle hustuketa zonalde batzuetan, eskualde batzuen berezitasunak, Trebiñu... Horien gaineko gogoeta egin behar dugu aurrera begira Euskal Herriaren hezurmamitzean aurreratuko badugu.

ADOSTUTAKO ERDIBIDEKOA: ALBERTO MATXAIN BERAZA - PAULA ROSON GONZALEZ (BARAKALDOKO HERRI BATZARRAREN IZENEAN) - NAZIO KONTSEILUA

Gehikuntza

Zentzu horretan, Sortuk eremu ezberdinen berezitasunak kontuan hartuko ditu bere jarduera zehazteko garaian (erritmoak, plan politiko zehatzak...), izan beren garrantzia demografikoarengatik, izan ezkerreko independentismoaren pisu sozial eta elektoral mugatuarengatik edo izan bestelako arrazoi espezifikoengatik.

Azalpena

-

Kontseilu nazionalaren iritzia

BAI. Zuzenketa babesten dugu.

145 parrafoa

° Nafarroan, estatus politikoaren eztabaida irekitzea da lehentasuna, bulkada sozial zabala artikulatuz horretarako. Eraginkorra izango bada, aldaketaren esparruan kokatzen ziren sektoreengana iristen ahalegindu beharko litzateke, aldaketarako gogoia piztuz berriz ere.

ADOSTUTAKO ERDIBIDEKOA: IÑIGO ORELLA ALTZUETA - NAZIO KONTSEILUA

Gehikuntza

Nafarroan, estatus politikoaren eztabaida irekitzea da lehentasuna, bulkada sozial zabala artikulatuz horretarako. Eraginkorra izango bada, aldaketaren esparruan kokatzen ziren sektoreengana iristen ahalegindu beharko litzateke, aldaketarako gogoia piztuz berriz ere. **Horretarako, Nafarroa Garaiko eta bertako herritarren behar eta erronkekin lotu beharko litzateke eztabaida, bizitza erdigunean jarriko duten proposamen erakargarriak jorratuz.**

Azalpena

-

Kontseilu nazionalaren iritzia

BAI, zuzenketa babesten dugu.

148 parrafoa

Esana dugunez, burujabetza, demokrazia eta aldaketa soziala uztartzeak berebiziko garrantzia du egungo testuinguruan. Azken batean, burujabetza nahi dugu garaiko erronkei erantzuteko eta, oro har, Euskal Herriak mundu -jendarte eredu- berria eraikitzeko. Burujabetzarik ezean mugatuak izango dira beti gauza daitezkeen aldaketa sozialak, horiek ere oso garrantzitsuak diren arren. Eta dena erabaki nahi dugu, dena aldatu ahal izateko.

IMANOL IBERO AZKARATE

Hobekuntza

Dena erabaki nahi dugunez, europar markoak jokatzeko duen papera mahai gainean jarri beharko dugu eta gure euskal herria joku arau hoietan egonen den herria izatea nahi ote dugun hausnartu beharko dugu.

Azalpena

-

Kontseilu nazionalaren iritzia

JATORRIZKOA hobesten dugu. Alegia, ez dugu zuzenketa babesten. Ez dugu uste Europaren inguruan egin daitezkeen eztabaida jasotzeko tokia denik. Atal honetan burujabetza eta eraldaketa soziala gure ildo politikoan nola uztartu nahi ditugun zehazten dugu eta proposatzen den aipamena egiteak desitxuratuko lukeela uste dugu.

150 parrafoa

Hori da, hain zuzen, datozen urteotan izango den lehia nagusienetakoa, eta indarrak artikulatu behar ditugu elite politiko eta ekonomikoen aurrean. Horretarako, aldaketarako espektatiba zabaldu eta mobilizazio-borroka zikloa indartu behar da, ofentsiba ikuspegiari, aldaketa politiko eta soziala bideragarri egiteko.

NAZIO KONTSEILUAREN AUTO-EMENDAKINA

Gehikuntza

Aurrerantzean, gure jendarte eredu zehazterakoan, proposamen politikoak egiterakoan edota lan eta ildo sozio-ekonomikoa zehazterakoan, garrantzi berezia izango du ondoko hiru dimentsioak barnebiltzea: dimentsio berdea, trantsizio ekologikoari lotuta; dimentsio feminista zaintza lan aitortza ez ezik, eredu bera ere birpentsatzeko balio behar duena eta, azkenik, dimentsio soziala edo ekonomikoa aberastasunaren banaketari lotutakoa. Jakina, hiru dimentsio horietan aurrez aurre ditugun erronkei aurre egin ahal izateko, burujabetza politiko eta ekonomikoaren aldeko aldarria eta borroka zentrala bilakatzen da. Honenbestez, arloz arlo eta atalez atal Euskal Herria egituratu eta ekonomikoki ere burujabeago eta askeago egin dezaketen urrats zehatzak hausnartu, sustatu eta bultzatzeak estrategia sozioekonomiko independentista eraldatzailearen erronka behar du izan ere.

Hortaz, jendarte eredu berri baten norabidean eta aipatu hiru dimentsioetan errotikako aldaketak burutzeko, trantsizio prozesuak bultzatzea ezinbesteko deritzogu. Horretarako, ondoko ardatzak iparrorratz gisa planteatzen ditugu:

-Ingurumena eta baliabide naturalak errespetatzeko konpromiso irmoen garaia da. Gure kontsumo maila murrizten hasteko unea iritsi da.

- Atal produktibo eta erreproduktiboaren arteko zatiketa gainditu eta elkar zaintza eta bizitza duina helburu izango duen eredu (erre)produktibo berria hausnartu eta urratsak ematen hasi behar da. Begirada horrek zeharkatu behar ditu sektore ekonomiko guztien gaineko hausnarketak eta ildoak

-Lana(k) banatzea eta ondasunak banatzea helburu dituzten ekimen eta egitasmoak, izaera estrategikoa dute guretzat. Langile klasearen interesen kontrako ofentsibaren erdian, langileen interesak, erabaki ahalmena eta gaitasuna aldarrikatu eta borrokatu beharko dugu.

- Sektore publiko eraginkor eta eraberritu baten aldeko hautua zentrala da. Politikak eragin behar du ekonomian eta ez alderantziz. Norabide horretan instituzioek ekonomia arautu, zerbitzu publikoak eskaini, politika ekonomiko zehatzak garatu eta estrategikoak diren sektoreetan (ura, energia, zaintza, osasungintza, finantza edo telekomunikazioak) enpresa edota erakunde publikoak bermatu behar dituzte. Ekonomia komunitatearen zerbitzuan eta komunitatearen kontrolpean.

-Kooperatibismoa eta ekonomia sozial eraldatzailea sustatu eta babestuko duen eredu ere sustatuko dugu. Era berean, behetik gorako, tokiko eta eskualdeko garapen ekonomiko, sozial eta kulturala helburu duen eredu babestu eta bultzatuko dugu.

Azalpena

Krisi anizkoitzen garaian bizi garela esan dugu, baita horien guztien ondorioak larriak izan daitezkeela ere Euskal Herriarentzat eta herri sektoreentzat. Ezbairik gabe, errealitate horrek Euskal Herriaren askapen prozesua erabat zeharkatuko du hurrengo urteotan. Edonola, krisiek ere aldaketa garai baten erdian kokatzen gaituzte, beronen norabidea argi ez dagoen arren. Jakina, egiten dugun inbertsio politikoaren eta sortzen diren eta ditugun indar harremanen arabera izango da azken emaitza. Aurreko krisi ekonomikoan ez bezala, ezker independentismoak garrantzi berezia eta zentralitatea eman behar dio ildo sozioekonomikoari. Horretarako ezinbestekoa da Sortuk norabide orokor definituago bat marrazten hastea eta, era berean, guri ere zein funtzioak dagozkigun azaltzea. Horri guztiari erantzun nahi diote ondoko bi ekarpenek.

Kontseilu nazionalaren iritzia

BAI, zuzenketa babesten dugu.

156 parrafoa

Krisien ondorioak jasaten dituzten sektoreen ondoan egon -pobrezia, langabezia edota prekarietatea pairatzen dutenak, pentsionista gehienak, etxe kaleratze arriskuan daudenak...- laguntza eta babesa eman eta lan eta bizi baldintzen aldeko borrokaren lehen leerroan. Kapitalismoaren oldarraldiak sortu dituen ondorioak eragiten ari diren haserrea, etsipena... indar eraldatzailea bilakatu behar dugu denon artean, egoera aldatzeko proposamenen eta borrokaren bidez.

ADOSTUTAKO ERDIBIDEKOA: IRATXE DELGADO ARRIBAS (DURANGOKO HERRI BATZARRAREN

IZENEAN) - GAIZKA SUÁREZ IPARRAGIRRE - NAZIO KONTSEILUA

Hobekuntza

Lan eta bizi baldintzen aldeko borrokaren lehen lerroan egon behar dugu. Pobreziak, langabeziak edota prekarietareak, etxebizitza problematikak eta etxe kaleratze arriskuak... sektore zabalak kolpatuko ditu eta honi aurre egiteko elkartasuna eta elkarlaguntza antolatzea dagokigu. Kapitalismoaren oldarraldiak sortu dituen ondorioak eragiten ari diren haserrea, etsipena... indar eraldatzaile bilakatu behar dugu denon artean, , egoera aldatzeko proposamenen eta borrokaren bidez.

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, egilearekin adostutako zuzenketa babesten dugu.

ADOSTUTAKO ERDIBIDEKOA: JOSEBA ENBEITA ORTUONDO - NAZIO KONTSEILUA

Gehikuntza

Era berean, Sortuk, Europako Ezkerraren Alderdiko kide den heinean, Europako ezkerreko alderdien arteko elkarlana, baita koordinazio iraunkorra ere, sustatzen jarraituko du, hausnarketa eta are ekimen politiko praktiko amankomunak jorratu eta, aukeran, Internazional berri baterako edo dena delako mundu osoko ezkerreko indarren elkarlan zein ekintza esparru amankomun baterako baldintzak sortze aldera.

Azalpena

-

Kontseilu nazionalaren iritzia

BAI. Zuzenketa babesten dugu.

157 parrafoa

Sortuk mugimendu hauek guztiak bultzatuko ditu eta dinamika sozialaren artikulazioan lagunduko du. Zentzu horretan, ezkerraren baitan ohikoak diren joera zatikatzaileak gainditzeko lan egingo du.

NAZIO KONTSEILUAREN AUTO-EMENDAKINA

Hobekuntza

SORTUK bere misio eta egitekotik bultzatuko du estrategia sozioekonomiko independentista eraldatzailea. Hau da,

SORTUK, prozesu independentistan aldarri eta eraldaketa sozialarekiko konpromisoak, Euskal Herriaren bideragarritasun ekonomikoarekiko kezka eta egitasmo komunitarioek beharrezko zentralitatea dutela sustatuko du.

-Protagonismo politiko eta mobilizatzailea esparruko eragileei dagokie. Horregatik, SORTU-ren zeregina izango da, batetik, ezkerreko independentismoa hausnarketa partekatu eta norabide berean aritzen dela bultzatzea eta, bestetik, ildo mobilizatzailea babestea eta dinamika sozialaren artikulazioan laguntzea. Zentzu horretan, ezkerren baitan ohikoak diren joera zatikatzaileak gainditzeko lan egingo du.

-Ideien eta balioen borrokaren esparruan arituko da SORTU, kapitalismo patriarkalari alternatiba posiblea eta ezinbestekoa delako ideia landuz.

Azalpena

Krisi anizkoitzen garaian bizi garela esan dugu, baita horien guztien ondorioak larriak izan daitezkeela ere Euskal Herriarentzat eta herri sektoreentzat. Ezbairik gabe, errealitate horrek Euskal Herriaren askapen prozesua erabat zeharkatuko du hurrengo urteotan. Edonola, krisiek ere aldaketa garai baten erdian kokatzen gaituzte, beronen norabidea argi ez dagoen arren. Jakina, egiten dugun inbertsio politikoaren eta sortzen diren eta ditugun indar harremanen araberakoa izango da azken emaitza. Aurreko krisi ekonomikoan ez bezala, ezker independentismoak garrantzi berezia eta zentralitatea eman behar dio ildo sozioekonomikoari. Horretarako ezinbestekoa da Sortuk norabide orokor definituago bat marrazten hastea eta, era berean, guri ere zein funtzioak dagozkigun azaltzea. Horri guztiari erantzun nahi diote ondoko bi ekarpenek.

Kontseilu nazionalaren iritzia

HOBKUNTZA hobesten dugu. Alegia, jatorrizkoaren ordez zuzenketa babesten dugu

160 parrafoa

Badakigu, ordea, bide hau korapilatsuagoa izango dela. Besteak beste, salbuespen legedia oraindik indarrean dagoelako eta haren baitan aplikatzen ari diren neurri juridikoak lehen mailako oztopo dira euskal preso, iheslari eta deportatuen afera konponbidean jartzeko.

ADOSTUTAKO ERDIBIDEKOA: IBON MUÑO A RIZMENDIARRETA - NAZIO KONTSEILUA

Gehikuntza

Badakigu, ordea, bide hau korapilatsuagoa izango dela. Besteak beste, salbuespen legedia oraindik indarrean dagoelako eta haren baitan aplikatzen ari diren neurri juridikoak lehen mailako oztopo dira euskal preso, iheslari eta deportatuen afera konponbidean jartzeko. **Zentzu honetan are garrantzia handiago hartzen du mobilizazio sozialak, Ipar Euskal Herriko dinamika horren adibide.**

Azalpena

-

Kontseilu nazionalaren iritzia

BAI. Zuzenketa babesten dugu.

164 parrafoa

Biktimei dagokienez, Sortuk uste du gatazkak eragin dituen biktima guztien aitortza eta erreparazioa beharrezkoa dela. Horregatik, Frantziako eta Espainiako estatuen biolentziak eragin dituen eta oraindik aitortu gabe dauden biktimen errealitatea salatzen jarraituko dugu. Bide horretan, torturaren erabilpen zabal eta sistematikoa aitortu behar dela aldarrikatzen dugu, eta lanean jarraituko dugu ikerketa -Nafarroa Garaia kasuan- eta aitortzaren norabidean urratsak egin daitezen.

ADOSTUTAKO ERDIBIDEKOA: ALBERTO MATXAIN BERAZA - NAZIO KONTSEILUA

Gehikuntza

Sortuk bizikidetzari, biktimen aitortza eta erreparazioari, preso, iheslari eta deportatuen etxeratzeari eta, oro har, gatazkaren konponbideari begira agertoki berriak irekitzeko inizatibarekin jokatzeko jarraituko du, gure iraganari uko egin gabe, beti ere.

Azalpena

-

Kontseilu nazionalaren iritzia

BAI. Zuzenketa babesten dugu.

166 parrafoa

Bestalde, ematen ari diren eta askotan oharkabea pasatzen diren bestelako errepresio moldeen (isunak...) eta, oro har, askatasun demokratikoen kontrako erasoen azterketa zorrotzagoa egin behar da, zer nolako erantzuna eman dakieken ebazteko. Izan ere, datozen urteotan autoritarismorako joerak eta askatasun demokratikoen kontrako erasoak areagotuko direla aurre ikus daiteke.

IBON MUÑO A ARIZMENDIARRETA

Gehikuntza

Bestalde, ematen ari diren eta askotan oharkabea pasatzen diren bestelako errepresio moldeen (isunak, preso ohien erantzukizun zibila....) eta, oro har, askatasun demokratikoen kontrako erasoen...

Azalpena

-

Kontseilu nazionalaren iritzia

BAI. Zuzenketa babesten dugu.

170 parrafoa

Gure memoria eta errelatoa ez da, beraz, azken hamarkadei edota konfrontazio armatuari lotutakoa soilik, baina agerikoa da horrek duen dimentsioa eta garrantzia ere: gatazkan hildakoak, guda zikina, desagertuak, tortura, atxiloketak... Edonola ere, gure oroimena borrokarena eta borrokatu direnena da. Eta gure kontakizunaren bidez borrokaren balioak transmititu nahi dizkiegu datozen belaunaldiei, borrokaren garrantziaz jabetzeko, eskubideak soilik borroka irabaz daitezkeelako.

JON MARTINEZ LARREA

Gehikuntza

...Zentzu horretan, belaunaldien arteko transmisioa bermatu behar da, baita militante historikoen aitortza egin ere.

Azalpena

Beti gertatzen da militante historikoak hiltzen direnean omenaldiak eta aitortzak egiten direla, horregatik ikusten dut beharrezkoa urtean zehar eta egoera zailetan ezker abertzalean militatu direnei aitortza edo omenaldiak egitea bizitzan. Horrela ere gure komunitatea zaintzen dugu

Kontseilu nazionalaren iritzia

BAI. Zuzenketa babesten dugu.

174 parrafoa

Gure estrategiaren garapenean aintzat hartu behar ditugu, batetik, Euskal Matxinadaren euskarri historiko emankorrenak, garai batean independentzia eta sozialismoa leloaz lotzen zirenak, nolabait esateko. Txanpon bereko bi aurpegiak ereduak, berriz, logika eraldatzaile konplexu eta errotoagoetara pasatu gara. Gauzak horrela, gure taupada eraldatzaileen kalitatezko jauziak egiteko gurean nahiz munduan agertzen diren bektore emantzipatzaile nagusiak garatu behar ditugu. Hiru dira bektore hauek: mugimendu feminista, planeta mailako larrialdiaren kontrakoa

(ekologismoa) eta kolonialismoa ofizialki gaindituztat eman arren, erabat bizirik dauden harreman kolonial eta arrazisten kontrako ikuspegi dekoloniala, azkenik. Hirurak garatu behar ditugu, besteekin batera garaiko estrategia emankorra garatzeko.

JOSEBA ENBEITA ORTUONDO

Gehikuntza

... garaiko estrategia emankorra garatzeko, **kontuan hartuta aipatutako bektoreek bere potentzialitate altuena hartzen dutela faktore nazionalaren eta klase faktorearen ikuspegitik lantzen ditugunean.**

Azalpena

Aipatutako bektoreak (feminismoa, ekologismoa eta dekolonialismoa) baitezpadako bihurtu dira praxi askatzaile bat aurrera eramateko baina, ekarpen orokorrak ahaztu barik, bektore horiek kontraesan bezala agertzen zaizkigu: Euskal Herrian, feminismo alorrean badago ezker muturreko ikuspegi bat, non generoaren autonomia ukatzen duten eta bigarren mailakoa ipini faktore nazionala. Aldi berean, badago ere beste ikuspuntu bat non generoen arteko talkan oinarritzen duten euren ikuspegi feminista. Ekologismoari dagokionez, are eta agerikoa da badaudela sektore batzuek bere bizimodu pribilegiatua defendatu nahi dutenak, Naturaren defentsaren aitzakiapean, arazo ekologikoen iturrira joan barik, dinamika oso mediatikoetan murgilduta. Dekoloniarismoari buruz, bestalde, gehiago eztabaidatu beharko dugun gaia da, hor ere sektore batzuk daudelako aldebakarrean ulertzen dutela kolonialismoa, Euskal Herria bezalako ezaugarri nazionalak ukatuz. Beraz, ondo bektore guztiak beharrezkoa direla esaten denean, baina gure ikuspegitik behintzat bektore horietan lan egiteko estrategia amankomun zehatz batean, bakoitzean norabide nazionala eta klasekoa finkatu beharko genuke, nik uste.

Kontseilu nazionalaren iritzia

EZ. Ez dugu zuzenketa babesten. Ahalegin handiak egiten ari gara txanponaren bi aurpegiaren eruditik (klase-nazioa) eredu poliedrikora pasatzeko, zeinean zapalkuntza guztiak hartzen baitira aintzat. Hartara, gure ustez, zuzenketak ez du testua hobetzen.

176 parrafoa

Prekarietatea, ezegonkortasuna, etorkizun duinerako espektatiba falta eta ondorioz, pobrezian dauden herritarren kopurua handitzen ari da. Krisien kateatzearekin, gainera, geroz eta kronikoagoa bihurtzen ari den egoera da honakoa. Derrigorrez gure ildo politikoan lehen lerroan egon behar duen afera da lan eta bizi baldintzena: lan baldintza prekarioak, behin behineko kontratuak, pobrezia, etxebizitza, zahartzarua eta honek berarekin dakartzan problematikak...

JOSEBA ENBEITA ORTUONDO

Gehikuntza

Zentzu honetan, Alderdi honek, ahalegin guztiak egingo ditu marko lokaletan laguntzeko leku fisiko bateratuak osatze aldera, deitu Plataforma Sozialak, deitu beste era batean. Plataforma horietan, malgutasunez, lanaren eta bizi baldintzen prekarizazioa bizitzen dugunok batuko gara, egoerari buruz hitz egiteko eta ekimen zehatzak aurrera ateratzeko gure auzoetan eta gure herrietan. Denborarekin, era natural batean, marko lokal hauek koordinatzen joango gara.

Azalpena

Datozen urteotarako, erronka subiranista eta demokratikoaz gain, Klaseari lotutako erronkak ere aintzat hartu behar ditugu. Borroka sozialetarako marko berriak altxatu behar ditugu eta bizibaldintzak hobetzeko lan indarraren zentralitatea berreskuratu beharko da. Leku fisikoak eta dinamika zehatzak beharko dira horretarako, aurreko mendeko eskemak ez duelako balio egun. Metropolian oso argi antzematen da behar hau. Leku fisiko horiek lokalak izango dira, anitzak; denbora beharko da horrelako zerbaitek bere esparrua irabazteko, koordinatu beharko dira euren artean eta egingo dugun apustuaren arabera emaitzak aterako ditu gure Askapen Prozesuak, epe luzerako izango den dinamika honetan.

Kontseilu nazionalaren iritzia

EZ. Ez dugu zuzenketa babesten. Beste behin ere, Herrigaiak egiten duen zapalkuntza forma guztien kontrako borroken artikulazioa (poliedroaren formulaz irudikatu duguna) hobea delako zuzenketa egiten dena baino. Bestetik, ez dugu uste Kongresuaren eztabaida denik maila lokalean behar bada LAB eta Ernairekin batera pentsatu eta garatu beharko liratekeen ekimen edo jarduerak zehaztea.

177 parrafoa

Alta, aintzat hartu behar dugu, nagusiki pobrezia egoeran dauden eta zaugarrienak diren sektoreek gurearekin bat egiten ez duen profil politikoa izan ohi dutela. Hau da, politikarekiko deslotura duen sektoreak dira oro har, komunikabide tradizionalen segimendua egiten ez duena edota kezka nagusia biziraupena duten kolektiboa da. Ondorioz, komunitatearen zerbitzurako bokazioa oinarri, egoera larrienak pairatzen dituzten herritar eta kolektiboen alboan egotea eta beraiekin lan egitea da lehen egitekoa.

ADOSTUTAKO ERDIBIDEKOA: JOSEBA ENBEITA ORTUONDO - NAZIO KONTSEILUA

Hobekuntza

Esana dugunez, ezkerreko independentismoak lan eta bizi baldintzen aldeko borrokaren lehen lerroan egon behar du eta, pobrezia gero eta sektore zabalagoak kolpatzen ari dela kontuan hartuta, baita elkartasuna eta elkarlaguntza antolatu ere.

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, egilearekin adostutako zuzenketa babesten dugu.

178 parrafoa

Gure eginkizuna izango da, halaber, sektore horien urgentziazko beharrei soluziobideak eskaintzea. Paraleloki, trantsizio ekonomiko, sozial eta ekologiko justu baterako bidea ere planteatu behar dugu. Burujabetzaren beharra erdigunean izango duen trantsizio proposamena. Errealitate gordin honen erroko arrazoiak deuseztu eta bizitza guztiak erdigunean jarriko dituen eredu berri bat eraikitzeke bide orria izango dena.

ADOSTUTAKO ERDIBIDEKOA: ISIDRO ESNAOLA HERRERO - OIER IBARGUREN SARASOLA (DONOSTIAKO ESKUALDE BATZARRAREN IZENEAN) - NAZIO KONTSEILUA

Hobekuntza

Gure misioa izango da sektore horien urgentziazko beharrei soluziobideak eskaintzea **eta esplotatzaileei espazioak murriztea eta euren posizioa ahultzea**. Paraleloki, trantsizio ekonomiko, sozial eta ekologiko justu baterako bidea ere planteatu behar dugu. Burujabetzaren beharra erdigunean izango duen trantsizio proposamena. Errealitate gordin honen erroko arrazoiak deuseztu eta bizitza guztiak erdigunean jarriko dituen eredu berri bat eraikitzeke bide orria izango dena. **Hori dela eta, Sortuk eremu honetan diskurtso eta ikuspegi propioa garatuko ditu, salaketa eta aktibazioa bultzatuz.**

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, egileekin adostutako zuzenketa babesten dugu.

179 parrafoa

Sortuk Euskal Herri feminista du helburu, eta argi du ez dagoela askapen prozesua ulertzerik emakumeen emantzipaziorantz nahiz pertsonen arteko parekidetasunerantz aurreratuko ez badu. Feministak gara eta, beraz, sistema heteropatriarkal koloniala gainditzeko bidea urratzea ezinbestekotzat jotzen dugu.

ADOSTUTAKO ERDIBIDEKOA: IRATI MAJUELO - JAKUE RODRIGUEZ SANCHEZ - OIER IBARGUREN SARASOLA (DONOSTIAKO ESKUALDE ZABALAREN IZENEAN) - NAZIO KONTSEILUA

Hobekuntza

Sortuk Euskal Herri feminista du helburu eta, horretarako, ezinbesteko pausutat du kapitalismo heteropatriarkal kolonialak pribilegio sistema bati eusteko identitate, jatorri, gorputz eta desira anitzen gainean mantentzen duen zapalkuntza sistema gainditzea. Beraz, ez dugu askapen prozesurik irudikatzen emakumeen* eta, oro har, sistema horrek azpiratzen dituen gainontzeko subjektuen emantzipaziorik eta pertsonen arteko parekidetasunik (gaztelaniaz, equidad) gabe. Feminista interzekzionalak gara.

Bitza guztiak erdigunean jartzeak sistema heteropatriakalak bazterreratzen dituen gorputz, identitate eta sexualitate azpiratuak aintzat hartu eta egiturazko indarkeria matxistaren oldarraldiaren aurrean, sistema erotik irauliz eta gorputz eta desiren gaineko burujabetzak borrokatuz.

Azalpena

-

Kontseilu nazionalaren iritzia

HOBEKUNTZA hobesten dugu. Jatorrizkoaren ordeztu, egilearekin adostutako zuzenketa babesten dugu.

182 parrafoa

Ezkerreko independentismo-subiranismoaren esparruari dagokionez, emakume feminista independentisten aliantza esparruetan sakonduko dugu, egungo errealitateak eskatzen duen eredu aldaketa zehaztu eta garatzeko: bizitzak erdigunean jarriko dituen trantsizio proposamena. Jendarte eredu feminista eraikitzeke trantsizioan pultsuak zabaldu behar ditugu: zaintza krisiari aurre eginez, kapitala vs bitza dikotomia indartuz eta paradigma aldaketa ekarriko duten bideak zabalduz. Bide horretan, egiturazko aldaketak lehenesten ditugu eta horretarako, esaterako, zaintza sistema publiko eta komunitarioa nahiz indarkeria matxista erotik erazteko proposamenak zehaztu, garatu eta indartzea dagokigu.

NAZIO KONTSEILUAREN AUTO-EMENDAKINA

Gehikuntza

Misioa: Tokiz tokiko mugimendu feminista indartzen laguntzea. Zaintza lan kolektibizazioaren aldarrikapena indartzea, zaintza sistema publiko komunitario baten beharra herri aldarrikapen bilakatzen lagunduz.

Azalpena

Misioen zehaztapenek, bi helburu dituzte: Gauzatu nahi ditugun helburuen marrazte zehatzak identifikatzea, batetik, eta, bestetik, hurrengo Kongresuari begira berauek lortzeko egindako bidearen ebaluazio zorrotza egiteko euskarria izatea.

Kontseilu nazionalaren iritzia

BAI, zuzenketa babesten dugu.

183 parrafoa

50eko hamarraldian euskararen berreskurapenari bultzada itzela eman zitzaion, hamarkadak iraun dituen euskararen biziberritze aro arrakastatsuari hasiera emanez. Askok da aurreratu dena, baina agortze zantzuak ere badaude: erabilerak beheranzko joera hasi du, ezagutzaren moteltzea antzeman daiteke, komunikabide edota hezkuntza esparruen mugak nabarmenak dira euskalduntzeari dagokionean... Horrez gain, digitalizazioak edota kulturalki inoizko Euskal Herri pluralena izateak erronka berriak ekarriko dituzte euskalduntzearen borrokara.

ADOSTUTAKO ERDIBIDEKOA: IBON MUÑO A RIZMENDIARRETA - NAZIO KONTSEILUA

Gehikuntza

50eko hamarraldian euskararen berreskurapenari bultzada itzela eman zitzaion, hamarkadak iraun dituen euskararen biziberritze aro arrakastatsuari hasiera emanez. Askok da aurreratu dena, baina agortze zantzuak ere badaude: erabilerak beheranzko joera hasi du, ezagutzaren moteltzea antzeman daiteke, komunikabide edota hezkuntza esparruen mugak **-euskara ez da irakas-hizkuntza kulturalki geroz eta konplexuagoa den hezkuntza sisteman. Are gehiago, D ereduak ere ez dute inolaz ere bermatzen behar adinako euskara gaitasuna-** nabarmenak dira euskalduntzeari dagokionean... Horrez gain, digitalizazioak edota kulturalki inoizko Euskal Herri pluralena izateak erronka berriak ekarriko dituzte euskalduntzearen borrokara.

Azalpena

-

Kontseilu nazionalaren iritzia

BAI. Zuzenketa babesten dugu.

184 parrafoa

Euskalduntze prozesuan fase berria irekitzea beharrezkoa da. Euskalduntzearen gisako erronka bat herri mugimenduaren bultzadaz baino ezin gauza daiteke. Horregatik, Sortuk premiazko du mugimendu euskaltzalearen biziberritzea. Horrez gain, ezinbestekoa deritzogu administrazio publikoek euskalgintzarekin elkarlanean garaiko erronketara egokitutako hizkuntza politika berria martxan jartzea; zeina euskararen lurralde bakoitzaren ezaugarrietara egokitu beharko den.

ADOSTUTAKO ERDIBIDEKOA: JOSEBA ENBEITA ORTUONDO - NAZIO KONTSEILUA

Hobekuntza

Euskalduntze prozesuan fase berria irekitzea beharrezkoa da. Euskalduntzearen gisako erronka bat herri mugimenduaren bultzadaz baino ezin gauza daiteke. **Euskararen alde egitea korrontearen kontra egitea izan da orain arte eta hala izango da aurrerantzean ere. Horregatik, gai honen politizazioa eta euskararen aldeko tentsio militantea areagotzea funtsezkoak izango dira.** Horretarako, Sortuk premiazko du mugimendu euskaltzalearen biziberritzea. Horrez gain, ezinbestekoa deritzogu administrazio publikoek euskalgintzarekin elkarlanean garaiko erronketara egokitutako hizkuntza politika berria martxan jartzea; zeina euskararen lurralde bakoitzaren ezaugarrietara egokitu beharko den.

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren orde, egilearekin adostutako zuzenketa babesten dugu.

185 parrafoa

Euskara ez da komunikazio tresna hutsa. Euskara euskal herritarren identitate ikur eta mundu ikuskeraren eroale ere bada. Euskarak komunikatzeko adina balio behar digu gure mundu sinbolikoa eta afektiboa garatzeko ere. Eta kulturak mundu horietara iristeko bideak ireki behar ditu, herri kontakizuna birsortzearekin batera. Horregatik diogu inoiz baino gehiago euskarak eta euskal kulturak elkarri eskutik emanda egin behar dutela bidea.

JULEN ZABALO BILBAO

Ezabaketa

185. parrafoa ezabatu

Azalpena

1. Zer mundu ikuskera irekitzen digu euskarak? Kapitalismotik eta gizarte hetero-patriarkaetik at eroaten gaitu? Noren mundu afektiboa eta sinbolikoa garatu behar du: euskal hiztun ez direnek ez dute garatu behar mundu afektibo eta sinbolikoa? Erdaldunak ez dira euskal nazioko kide?
2. Aurreko bi puntuetan (183 eta 184) argi geratzen da zer esan nahi dugun euskalgintzaz. Puntu hau kenduta berdin-berdin ulertzen da, eta nahaste teorikoa saihesten dugu.

Kontseilu nazionalaren iritzia

EZ, ez dugu zuzenketa babesten. Paragrafo honen bidez euskalduntzeak dituen erronka guztien artean kulturgintzari garrantzia berezia eman nahi izan diogu. Azken garaian euskararen transmisioa identitatez eta kulturaz hustu da. Eta euskara komunikazio tresna huts gisa transmititzera mugatu da. Gure ustez, ordea, kultur transmisiorik gabeko euskara transmisiorik nekez gertatuko da. Euskarak mundu sinboliko bat, afektibitate sare bat, erreferentzia multzo bat, modu zehatz batera bizitzeko modu bat eta herri gisa garenaren kontakizuna birsortzea ahalbideratu behar digu. Eta horretan, euskal kulturak ardatz izan behar duela uste dugu.

NAZIO KONTSEILUAREN AUTO-EMENDAKINA

Gehikuntza

Misioa: Euskalduntze fase berriak behar duen mugimendu arnasberritua artikulatzen laguntzea. Tokiz toki elkarte/mugimendu/dinamika euskaltzale berriak sortu eta indartzen laguntzea.

Azalpena

Misioen zehaztapenek, bi helburu dituzte: Gauzatu nahi ditugun helburuen marrazte zehatzak identifikatzea, batetik, eta, bestetik, hurrengo Kongresuari begira berauek lortzeko egindako bidearen ebaluazio zorrotza egiteko euskarria izatea.

Kontseilu nazionalaren iritzia

BAI, zuzenketa babesten dugu.

187 parrafoa

Zibilizazio moduan egun ditugun ekoizpen, kontsumo eta bizi ereduaren erroko eraldaketak soilik berma dezake ataka honetatik irabazle ateratzea; bestelakoan, kolapsora goazelako. Ezin pentsa dezakegu, ordea, errealitate gordin honek automatikoki jendea erroko eraldaketa horren bidera ekarriko duenik. Horregatik, egoeraren larritasuna azaleratzeaz gain, herritarren gehiengoarentzat eraldaketa bide justua planteatzea izango da giltzarria. Izan ere, krisi egoera orotan gertatzen den legez, jarrera kontserbadoreak -are ekofaxistak- areagotzeko arriskua ere egon badago.

ADOSTUTAKO ERDIBIDEKOA - IRATXE DELGADO ARRIBAS - IMANOL IBERO AZKARATE - IBON MUÑO A ARIZMENDIARRETA - NAZIO KONTSEILUA

Hobekuntza

Zibilizazio moduan egun ditugun ekoizpen, kontsumo eta bizi ereduaren erroko eraldaketak **eta materialen eta energiaren kontsumoa murrizteak** soilik berma dezake ataka honetatik irabazle ateratzea **eta hau gure bizitza aldatzetik pasatzen da:** bestelakoan kolapsora goazelako. Ezin pentsa dezakegu, ordea, errealitate gordin honek automatikoki jendea erroko eraldaketa horren bidera ekarriko duenik. Horregatik egoeraren larritasuna azaleratzeaz gain, herritarren gehiengoarentzat eraldaketa bide justua planteatzea izango da giltzarria. **Horregatik, erroko eraldaketa hori langileak eta herri sektoreak abiapuntu eta helburu izatea bultzatu behar dugu, hegoalde globalaren espolioa geldituz egitea, eta estrategikoki eta demokratikoki planifikaturikoa izatea.** Izan ere, krisi egoera orotan gertatzen den legez, jarrera kontserbadoreak -are ekofaxistak- areagotzeko arriskua ere egon badagoelako.”

Azalpena

Kontseilu nazionalaren iritzia

HOBKUNTZA hobesten dugu. Alegia, jatorrizkoaren orde, egilearekin adostutako zuzenketa babesten dugu.

189 parrafoa

Kolosala den erronka honek pareko erantzuna behar du. Neurri instituzionalak beharko dira, baita gutariko bakoitzak gure bizitza ereduak eraldatuz har ditzakegun konpromisoak ere. Baina, horien gainera, Sorturen ustez, klima larrialdiaren afera erdigunean jarriko duen Euskal Herriko mugimendu ekologista garaikidea eraikitzea da garrantzia handieneko egitekoa.

ISIDRO ESNAOLA HERRERO

Gehikuntza

Beste inon baino beharrezkoagoa da esparru honetan interes ekonomikoei mozorroa kentzea. Bakoitzak badu zereginak bizitza ereduak eraldatuz, baina hemen larrialdi ekonomikoari aurre egiteko ezinbestekoa eta derrigorrezkoa da kapitalismoa eraldatzea.

Azalpena

-

Kontseilu nazionalaren iritzia

BAI. Zuzenketa babesten dugu.

GAIZKA SUÁREZ IPARRAGIRRE

Gehikuntza

Horrekin batera, ezinbestekoak izango dira Euskal Herriaren luze zabalean energia eta elikadura burujabetzan oinarritutako proiektuak garatu eta indartzea.

Azalpena

Euskal Herria gaurdanik eraiki behar dugu eta badago nondik hasi. Asko dira jada logika horretan dauden proiektuak (Labore, Goiener...) eta gure eginkizuna da horiek bultzatu eta Euskal Herrian zehar biderkatzea. Beste eredu bat posible dela erakusteko balio dute eta, gainera, tokiko garapena eta lurralde oreka lortzen laguntzen dute.

Kontseilu nazionalaren iritzia

BAI, zuzenketa babesten dugu.

NAZIO KONTSEILUAREN AUTO-EMENDAKINA

Gehikuntza

Misioa: Euskal eskalako mugimendu ekologista artikulatzen laguntzea. Tokiz toki dinamika ekologista antolatua sortzen laguntzea.

Azalpena

Misioen zehaztapenek, bi helburu dituzte: Gauzatu nahi ditugun helburuen marrazte zehatzak identifikatzea, batetik, eta, bestetik, hurrengo Kongresuari begira berauek lortzeko egindako bidearen ebaluazio zorrotza egiteko euskarria izatea.

Kontseilu nazionalaren iritzia

BAI, zuzenketa babesten dugu.

190 parrafoa

Herri migrantea dugu Euskal Herria. Jende asko joan da bertatik, pobreziak eta goseak bultzatuta, edo errepresoari ihes egiteko; eta, halaber, jende asko etorri da une ezberdinetan, arrazoi berberengatik. Gaur egun, leku askotatik iristen dira gurera beharrak ekarritakoak, gurean sorlekuan aurkitu ez dutena bilatu nahian.

ADOSTUTAKO ERDIBIDEKOA: PAULA ROSON GONZALEZ (BARAKALDO HERRI BATZARRAREN IZENEAN) - NAZIO KONTSEILUA

Hobekuntza

190. Gizakion historia migrazio historia da eta gurea ere migrazio prozesuak bizitako pertsona ezberdinez osatutako herria da. Mendeetan zehar egoera ekonomikoak bultzatutako migratuak, gerra ezberdinek bultzatutako erbesteratu zein jazarritako pertsonak, edo euskal lurraldeetara 60ko hamarkadan bizimodu hobearen bila etorritako herritarrak gara gu, besteak beste.

191. Geroz eta gehiago dira beren sorlekuak utzi eta migrazioaren bidea hartzen duten pertsonak, pobreziatik, gerratik, sexu eta identitate jazarpenetik edo klima larrialditik ihesi bizimodu hobe baten bila; mendeetako praktika kolonialaren ondorio dira. Datozen urteetan, migrazio fluxuek gora egingo dutela diote prospekzio guztiek, desberdintasun sozialak geroz eta handiagoak baitira, ipar/hego arrakala geroz eta zabalagoa.

192. Askapen mugimenduak ikuspegi dekoloniala barneratu behar du. Gizarte mendebaldarra da gurea, lehen munduan bizi gara. Bizi garen botere sistema honetan dugun posiziotik heldu behar diogu gaiari hain zuzen: Aintzat hartuz lehen mundua deritzoten horretan kokatzen dela gure herria; eta, aldi berean, euskaldunok mendeetako kolonizazio saiakerei aurre eginez heldu garela XXI. mende honetara. Hiru lan ildo garatuko ditugu datozen urteetan, zehar-lerroko ikuspegitik landuak:

193. Migratzaileek migratzeko duten eskubidearen alde jardungo dugu. Migrazio seguruaren alde egiteko konpromisoa hartzen dugu.

194. Eskubide eta betebeharrak berberak nahi ditugu Euskal Herrian lan eta bizi diren herritar guztientzat. Halaxe ulertu izan dugu herritartasuna historikoki, eta autoritarismoa, xenofobia eta arrazakeria berpizten ari diren garaiotan, inoiz baino gehiago sustatuko dugu jendarte aniztasuna, azaleko multikulturalismo neoliberalaren gainetik.

195. Gure herrira lan eta bizitzera datozen migranteak euskal herritar diren heinean, herri eraikuntzaren parte egiteko bideak landuko ditugu, eredu sozial eta ekonomiko justu baten alde subjektu aktibo bilakatzeko.

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, egilearekin adostutako zuzenketa babesten dugu.

193 parrafoa

Sortuk urratsak egingo ditu hurrengo urteetan afera hau behar bezala kudeatzeko, orain arteko zailtasunak gainditu nahian.

NAZIO KONTSEILUAREN AUTO-EMENDAKINA

Gehikuntza

Misioa: Xenofobia eta arrazakeriaren aurkako mugimendua euskal eskalan artikulatzen laguntzea. Migrazioak, migranteekin batera, protagonismoa areagotzea askapen mugimenduan.

Azalpena

Misioen zehaztapenek, bi helburu dituzte: Gauzatu nahi ditugun helburuen marrazte zehatzak identifikatzea, batetik, eta, bestetik, hurrengo Kongresuari begira berauek lortzeko egindako bidearen ebaluazio zorrotza egiteko euskarria izatea.

Kontseilu nazionalaren iritzia

BAI, zuzenketa babesten dugu.

197 parrafoa

Ikasle guztien eskubide oro bermatuko duen, eta euskalduna, feminista, eta herritarra eta burujabea izango den hezkuntza-sistema eraikitzeke pausoa bizkortu beharrean gaude. Orain, trantsizio adostu baten alde ekitea dagokigu. Konpromiso historiko berrituak oinarri, adostasun sozial berriak eraikitzeke garaia da, sare bakarreko Euskal hezkuntza-sistema publiko burujabe baten inguruko adostasun sozial berria, hain zuzen ere.

GAIZKA SUÁREZ IPARRAGIRRE

Hobekuntza

Ikasle guztien eskubide oro bermatuko duen, eta euskalduna, feminista, eta herritarra eta burujabea izango den hezkuntza-sistema eraikitzeke pausoa bizkortu beharrean gaude. Orain, trantsizio adostu baten alde ekitea dagokigu. Konpromiso historiko berrituak oinarri, adostasun sozial berriak eraikitzeke garaia da, sare bakarreko Euskal hezkuntza-sistema publiko burujabe baten inguruko adostasun sozial berria, hain zuzen ere. **Bide horretan ezinbesteko garrantzia izango dute hezkuntza komunitateak eta ikasle mugimenduak besteak beste.**

Azalpena

Prozesua behetik gora egin behar dugu eta bide horretan oso garrantzitsua da hezkuntza komunitatea eta ikasle mugimendua bezalako subjektuei paper erreferentea aitortzea.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren orde, egileak aurkeztutako zuzenketa babesten dugu.

ADOSTUTAKO ERDIBIDEKOA: IBON MUÑO A RIZMENDIARRETA - NAZIO KONTSEILUA

Gehikuntza

Ikasle guztien eskubide oro bermatuko duen, eta euskalduna, feminista, eta herritarra eta burujabea izango den hezkuntza-sistema eraikitzeke pausoa bizkortu beharrean gaude, **besteak beste egungo ereduak sortzen ari den askoriko arrakalak gainditze bidean jartzeko.** Orain, trantsizio adostu baten alde ekitea dagokigu. Konpromiso historiko berrituak oinarri, adostasun sozial berriak eraikitzeke garaia da, sare bakarreko Euskal hezkuntza-sistema publiko burujabe baten inguruko adostasun sozial berria, hain zuzen ere.

Azalpena

-

Kontseilu nazionalaren iritzia

BAI. Zuzenketa babesten dugu.

IBAI ESTEIBARLANDA ETXEBERRIA - JABI ASURMENDI - IRATXE DELGADO - IKER GARAIALDE

Gehikuntza

(Ardatz estrategiko berria gehitu)

Herrigintza eraldatzailea eta burujabetza(k)

198. Ardatz honek ildo politikoaren gauzape material, praktiko eta eraldatzailea bultzatzen du.

199. Gure proiektu politikoa gaurdanik eraikitzeke apustua egiten dugu. Lan ardatz praktiko planteatzen dugu borroka ideologikoan eragina izango duena. Aldi berean gaur egun egiten dugunari dimentsio politikoa emango dio.

200. Burujabetza(k) inplementatzeko ardatz moduan planteatzen dugu, lurraldeari lotuta. Lurralde burujabetzek hurrengo oinarriak izango dituzte:

Bultzada komunitarioa izango dute. Euskal Herria marko mental gisa hartuko dute. Behar materialei erantzuna emango diote Ekonomia Feminista eta Ekonomia Sozial Eraldatzailearen ikuspegitik. Gobernantza/instituzio eredu berrietan sakonduko dute lurralde eskala guztietan. Nazio Eraikuntza eta estatugintza klabeetan gure militanteak eta komunitatea aktibatuko ditu

201. Aipatu dugun moduan lan ardatz hau lurraldeari lotuta egon behar da eta gaur egun 4 eskaletan landuko ditugu burujabetzak:

202. - Auzoa eta Herria. EH bilduk planteatu duen udalgintza herrigileari ekarpen komunitarioa eta eraldatzailea egiteko helburuarekin (Adb. Udalgintza herrigilea). Hiriguneetan auzogintza piztu eta artikulatzeko (Adb. Zaintza sareak).

203. - Eskualdeak. Eskualdeetan ematen ari diren edo sortu daitezkeen proiektu eraldatzaileak bultzatzeko eta elikatze edota arazo espezifikoei erantzuten dituzten prozesuak indartzeko (Adb. Pirinioak, Enkarterri, Aiaraldea, Bidasoa, Goierri..)

204. - Hiriburua. Hiriguneetan proiektugintza eraldatzailean ekarpen kualitatibo eta kuantitatibo egiteko (Labore, Geltoki, Bira, Laba...)

205. - Euskal Herria. Gure herriak burujabetza materiala eskuratzeko behar dituen baliabide eta erronken inguruan gogoeta egiteko eta pausu praktikoak emateko sektore estrategikoetan (Telekomunikazioa, Energia, Finantzak...). Bi Estatuen baitako muga administratiboak gainditzen joan eta Proiektu Estrategiko Nazionalak gaurdanik eraikitze.

Azalpena

Gaur egun Sortuko militante asko "herrigintza eraldatzaile" deitu dugun esparruan lanean gaude. Izan militante moduan, proiektu herritarren langile gisa, udal teknikari moduan edota Ekonomia Sozial Eraldatzaileko kooperatibetan. Zalantza barik proiektu hauek proiektu politikoak dira eta ekarpen bat egiten diote ildo politikoari baina ez dugu egituraren estrategia komuna eta apustuak zehazteko eta bultzatzeko espazio bat "plaza hutsa" izan ezik. Zuzenketa honek bi helburu planteatzen ditu: gaur egun herrigintza eraldatzailean egiten dugunari dimentsio politikoa ematea eta Sortu barruan lan egiteko espazio bat planteatzea, benetan ekarpen praktiko eta ikuspegi estrategikoa txertatuko duena gure antolakundeak jarri beharko dituen gutxieneko baliabideekin. Beraz nahiz eta zuzenketa ildo politikoaren atalean jaso beharko zen ondorio bat dauka antolaketan (sare berri bat). Antolaketa: Enmendakina onartzearen ondorioa: Seigarren dinamika estrategikoa izango litzateke herrigintza eraldatzailea eta beste dinamiken logika berdinarekin egituratuko da. Egun proiektu eraldatzaile zehaztetan dugun kidegoa saretuko dugu. Martxan jartzen ditugun proiektuak erreplikagarria eta eskalagarriak izateko eta batez ere dimentsio politikoa emateko.

Kontseilu nazionalaren iritzia

BAI, zuzenketa babesten dugu.

NAZIO KONTSEILUAREN AUTO-EMENDAKINA

Gehikuntza

Misioa: Tokiz toki herri hezitzaileak antolatzen laguntzea, euskal hezkuntza prozesua berdintasunaren eta ekitatearen aldeko borrokarekin lotuz.

Azalpena

Misioen zehaztapenek, bi helburu dituzte: Gauzatu nahi ditugun helburuen marrazte zehatzak identifikatzea, batetik, eta, bestetik, hurrengo Kongresuari begira berauek lortzeko egindako bidearen ebaluazio zorrotza egiteko euskarria izatea.

Kontseilu nazionalaren iritzia

BAI, zuzenketa babesten dugu.

199 parrafoa

Nazio mailan:

Nazio susperraldia: bulkada komunitarioa sustatu

Independentismoa jendarte esparru guztietan murgildu

Estrategia(k) eskaini

Pultsu politikoa indartu

Erabakitze eskubidearen aldeko pultsua indartu

Lan eta bizi baldintzen aldeko borroka indartu (borroka sozio-sindikala, zerbitzu publikoak, etxebizitza eskubidea, migranteak, pentsionistak...)

Herri gisako jauziak sustatu

Aurreko eremu guztietan indarrak artikulatu

Garaiko mugimendu sozialei norabidea eskaini

Presoak, iheslariak eta deportatuak etxeratzeko urrats kualitatiboak gauzatu eta iragan zikloaren gure kontakizuna landu

Mugimenduaren kohesioa landu eta komunitatea zaindu eta hezi

Konpromisoa: perspektiba eman (berritu, ikuspegi feminista bermatu, herritar batasun izaera indartu -EH Bai/EH Bildu)

Koadro politikoen formazioa

[Ikusi taula formatoan](#)

GAIZKA SUÁREZ IPARRAGIRRE

Hobekuntza

Nazio mailan:

- Nazio susperraldia: bulkada komunitarioa sustatu
- +Independentismoa jendarte esparru guztietan murgildu
- +Abertzaletasun modernoari ekarpen politiko kualitatiboak eman**
- +Estrategia(k) eskaini

- ...

Azalpena

- Abertzaletasun modernoari ekarpen politiko kualitatiboak eman behar dizkiogu. Kuadroz osatutako antolakunde izanik motore izan behar dugu gure herriak behar duen abertzaletasun berrirako ekarpenak egiten eta horiek arlo sozialean txertatzen. - Konfrontazioa areagotu. Pultsu politikoa indartu nahi bada, arestian aipatu bezala, ezinbestekoa da konfrontazio/polarizazioa. Urte hauetan galdutako tentsio hori areagotzeko aktibo izan behar dugu, horrek jauzi handiagoak ematen lagundu dezakeelako. Gure funtzio garrantzitsua askapen prozesuaren lehen lerroan egongo garen militante konprometitu bezala.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, egileak aurkeztutako zuzenketa babesten dugu.

200 parrafoa

Lokal mailan:

Burujabetza prozesuaren dinamika estrategikoak bermatu

Burujabetza eta autodeterminazioaren aldeko mugimendu sozialak

EH Bai / EH Bildu

Lan eta bizi baldintzen aldeko dinamika

Garaiko mugimendu sozial estrategikoak eskala lokalera ekarri: herri mugimendu estrategikoetan antolatu

Feminismoa

Euskalgintza

Ekologismoa

Hezkuntza

Migrazioa - arrazakeriaren kontrako mugimendua

Euskal selekzioen ofizialtasuna *

Komunitategintza

Independentismoa presente egin herri erakunde eta praktika komunitario guztietan

Komunitatearekiko zerbitzu bokazioz jardun udalgintza herrigileari zentralitatea eskainiz

Presoen aldeko dinamika bermatu eta iragan zikloaren gure kontakizuna landu

Mugimenduaren kohesioa landu eta komunitatea zaindu

[Ikusi taula formatoan](#)

JOSEBA ENBEITA ORTUONDO

Gehikuntza

Lokal mailan:

-Garaiko mugimendu sozial estrategikoak eskala lokalera ekarri: herri mugimendu estrategikoetan antolatu

+Feminismoa

+Euskaigintza

+Ekologismoa

+Hezkuntza

+Migrazioa - arrazakeriaren kontrako mugimendua

+Euskal selekzioen ofizialtasuna *

+Lan eta bizi baldintzen aldeko mugimendua

-...

Azalpena

a.- Lan ardatz estrategikoen azpi atalean agertzen da, besteak bezala, baina gero ez da zehazten lokal mailan.

b.- 110 puntu ostean, 111 berri bat proposatu dudanean eman dudan azalpen bera.

Kontseilu nazionalaren iritzia

BAI. Zuzenketa babesten dugu.

GAIZKA SUÁREZ IPARRAGIRRE

Hobekuntza

Lokal mailan:

- Garaiko mugimendu sozial estrategikoak eskala lokalera ekarri: herri mugimendu estrategikoetan antolatu
- +Feminismoa
- +Euskalgintza
- +Ekologismoa
- +Hezkuntza
- +Migrazioa - arrazakeriaren kontrako mugimendua
- +**Ekonomia Sozial Eraldatzaileko proiektuak.**
- +Euskal selekzioen ofizialtasuna *
- ...

Azalpena

Ekonomia Sozial Eraldatzaileak gure herria gaurdanik eta klabe eraldatzaile horietan guztietan eraikitze potentzial itzelezko tresna da. Lokalean, alternatiba bideragarriak proposatu, komunitatea eraiki eta borroka ezberdinen arteko sinergiak sortzen dituzten ekosistemak saretzeko balio dute. Gainera, lankidetzaren publiko komunitarioaren egiteko aukera eskaintzen duten egitasmoak izango dira.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordean, egileak aurkeztutako zuzenketa babesten dugu.

Antolaketa eta funtzionamendua

215 parrafoa

• Ezkerreko independentismoak behar du tresna bat (EH Bildu/EH Bai) ez bakarrik, baina, bai nagusiki, lehen erraila jorratu eta hegemonia politikoa lehiatzeko, fronte zabal subiranista eta aurrerakoi gisa ezaugarritua, ezkerreko subiranismoaren erreferentzia politiko-instituzionala izango dena eta borroka instituzionala ez ezik, masa borroka ere jorratuko duena.

IRATXE DELGADO ARRIBAS

Hobekuntza

215 eta 216 paragrafoak hobetu eta 217. bat gehitu:

(215) Ezkerreko independentismoak proposamenak eta tresnak behar ditu lehen erraila jorratu eta hegemonia politikoa lehiatzeko; Eremu honetan EH Bildu eta EH Bai kokatu behar ditugu ez tresna bakar bezala baina bai tresna estrategiko bezala, fronte zabal subiranista eta aurrerakoi gisa ezaugarritua, ezkerreko subiranismoaren erreferentzia politiko-instituzionala izango dena eta borroka instituzionala ez ezik masa borroka ere jorratuko duena. Baina ez da subjektu bakarra, eta beharrezkoak izango ditugu ere uneko pultsu nagusiei erantzuteko herri mugimenduak zein mobilizazio sozial zabalak sustatzea.

(216) Eta behar ditu proposamenak eta tresnak bigarren erraila jorratzeko (udalgintza eraldatzailea, ekonomia sozial eraldatzailea, eremu estrategikoetarako proposamenak...), askapen prozesua zein uneotan honek behar duen bulkada komunitario-nazional berria sustatuz eta antolatuz. Bi errailek loturik behar dute taktizismoan ez erortzeko zein pultso politiko nagusietatik kanpo ez abstraitzeko. Horretarako tresna bat behar dugu (Sortu) ez bakarrik, baina bai nagusiki, berehalakotasuna eta arnas luzeko borroka lotuko dituen (taktika eta estrategia, nahi bada), konpromiso maila handiko militantez osatua egitura aldetik erlatiboki txikia/konpaktua, baina eragimen aldetik handia/zabala, desdoblamentu bidezko dinamizazio/eragiletza politikora zuzendua, nagusiki.

(217) Sortuk eragiletza edo dinamizazio hori bere proiektu politikotik eta planteamendu estrategikotik egingo du. Independentzia eta sozialismoaren egitasmo historikotik, egungo bektore emantzipatzaileek gaurkotua (feminismoa, ekologismoa, ikuspegi dekoloniala). Hau izango litzateke hirugarren hanka. Gero eta sektore sozial zabalagoak bildu beharko ditugu bide honetan eta Sortuk aliantza hau elikatu behar du kultura-politikoaz bezainbat ideologikoki (ez identitate ikuspegi batetik, baizik eta eztabaidak aurreikusiz eta proposatuz, formakuntza bitartekoak sortuz...)

* 212 paragrafoan aldaketa bat beharko luke: Zergatik Sortu? Hiru hanka nagusitu ditu erantzunak

Azalpena

Berehalako bataila politikoa politikoa mediatikoa, elektorala eta instituzionala bezala, soziala ere bada. Hau aintzat ez hartzeak herritarren agentzia gaitasuna mugatu eta izaera pasiboagoa ematen die, eta beraz, bigarren plano batera darama borroka plano hau. Asko dira herritarrek bere berehalako interesak defendatuz garatu dituzten borroka esperientziak, berehalako bataila horien baitan. Gainera, momentuko batailak "ez bakarrik baina bai nagusiki" EH Bildu/EH Bairi lotzea ikuspegi kamutsa da. Momentuz emaitza onak eman dituela agerikoa da, baina mugatua izan daiteke hainbat arrazoiengatik (indar-harreman eta logika instituzionalek baldintzatua joka dezakeelako, hainbat eremu geografikotan (Bilbo Handia kasu) aliantza zabalagoen beharra agerikoa delako... Era berean arnas luzeko errailari dagokionez ere subjektuak anitzak dira epe luzerako eraikuntza, bataila kulturala, trantsiziorako proposamenak egitea... egiteko, eta errail hau garatzeko ikuspegi estrategikodun subjektu bat behar da (Sortu). Beraz, honek ere sostengatzen du Sorturen beharra ez soilik kultura politiko gisa, baizik eta antolakunde estrategiko gisa. Horrela, akatsa litzateke subjektuak berehalako bataila/arnas luzeko lanaren arabera sailkatzea eta ez funtzio politikoei dagokionez.

Kontseilu nazionalaren iritzia

JATORRIZKOA hobesten dugu. Alegia, ez dugu zuzenketa babesten planteatzen duen gogoetarekin bat eginda ere, atalaren logika desitxuratzen duelako. Izan ere, atal honen helburua da Sorturen beharra argudiatzea, horretarako Sortu eta EH Bilduren funtzio bereizketan sakonduz. Zuzenketa-ideiak, Herrigaiako atal ezberdinetan (89, 90, 91, 93..) jasota daude.

216 parrafoa

- Eta behar du tresna bat (Sortu) ez bakarrik, baina, bai nagusiki, bigarren erraila jorrazteko, askapen prozesua zein uneotan honek behar duen bulkada komunitario-nazional berria sustatzeko/dinamizatzeko, konpromiso handiko militantez osatua, egitura aldetik erlatiboki txikia/konpaktua, baina eragimen aldetik handia/zabala, eta ekimen politiko propioa jorraztera baino gehiago, alegia, bere zigilu edo markapean jardutera beharrean, desdoblamentu bidezko dinamizazio/eragiletza politikora zuzendua (Zohardian esaten zen bezalaxe, dinamizaziotzat ulertuta ez epe motzeko dirigismoa, baizik eta epe ertain-luzera begirako norabidetze estrategikoa eta jendartearen/komunitatearen antolakuntzaren sustapena).

NAZIO KONTSEILUAREN AUTO-EMENDAKINA

Hobekuntza

Eta behar du tresna bat (Sortu) ez bakarrik, baina, bai nagusiki, bigarren erraila jorrazteko, askapen prozesua zein uneotan honek behar duen bulkada komunitario-nazional berria sustatzeko/dinamizatzeko, konpromiso handiko militantez osatua, egitura aldetik erlatiboki txikia/konpaktua, baina eragimen aldetik handia/zabala, eta ekimen politiko propioa jorraztera baino gehiago, alegia, bere zigilu edo markapean jardutera beharrean, desdoblamentu bidezko dinamizazio/eragiletza politikora zuzendua (Zohardian esaten zen bezalaxe, dinamizaziotzat ulertuta ez epe motzeko dirigismoa, baizik eta epe ertain-luzera begirako norabidetze estrategikoa eta jendartearen/komunitatearen antolakuntzaren sustapena).

Azalpena

Jatorrizko testutik egitura "erlatiboki txikia" izan behar delako aipamena ezabatu dugu, nahasmena sor dezakeelako. Izan ere, Sorturen egitura unean une eta tokian toki dauden behar eta aukeren arabera izan behar da, Sortuk bete behar dituen funtzio politikoak bermatzeko helburuarekin, betiere. Hori bai: 1) Sorturen eragiteko ahalmena biderkatzeko bizkar hezurraz edo egituraz haragoko komunitatearen saretzeari eta haren bidezko dinamizazio politikoari eman diegu garrantzia; 2) EH Bildu eta EH Bai tokian toki eratu eta garatu behar dira eta hori gure ardura ere badela kontuan hartu behar du Sortuk.

Kontseilu nazionalaren iritzia

ENEKO COMPAINS SILVA

Hobekuntza

Egitura aldetik zabala (egun baino dezentez zabalagoa marko lokal gehienetan), eragimen aldetik ere zabala izan ahal izateko.

Azalpena

Faltsua da egitura txikiarekin eragimen zabalik lortuko dugunik. Ez da gertatuko. Ikusi besterik ez dago dugun egitura txikiarekin ditugun mugak politikoki eragiteko. Eragimen handia izateko “ejerzito handia” behar dugu.

Kontseilu nazionalaren iritzia

NAZIO KONTSEILUAREN AUTO-EMENDAKINA hobesten dugu jatorrizko testua hobetzen duelako. Eneko Compainsena, berriz, ez dugu babesten. Sortu indartu behar da eta bere eragiteko ahalmena handitu, baina:

- 1) Horretarako gure oinarri soziala saretu eta aktibatu behar dugu, Herrigaian proposatzen den bezala;
- 2) Kontuan hartu behar da EH Bildu eta EH Bairen herriz herriko garapena. Urrats hori eman eta gero, ez du zentzurik Sortuk herrietan egitura “zabalak” izatea, garai bateko kontseilu zabaletara itzuliz. Horregatik uste dugu Nazio Kontseiluaren autoemendakinean erabiltzen den formula (“erlatiboki txikia” ezabatuta) egokiagoa dela.

217 parrafoa

Zer da Sortu finean? Sortu ezker abertzaleko kidegoa saretzen duen tresna politiko-organizatiboa da, modu partekatuan sorturiko irizpide politiko-ideologikoak ematen dizkiona prozesu politikoaren sustapenean egin beharreko lan politikorako.

JOXEBA KOLDO ITURRIGAETXEBARRIA AZPIAZU

Gehikuntza

Zer da Sortu finean? Sortu ezker abertzaleko ahaiik eta kide gehien sortzen eta kidego hau saretzen duen tresna politiko-organizatiboa da. **Zeregin hau garatu asmoz, etengabeko formakuntza eta irizpide politiko-ideologikoak eskeiniko dizkio gizarteari (orokorrean) eta militanteei (era zehatzagoan).**

Azalpena

Sorturen misioa soilik kidegoaren saretzea izango balitz, zer gertatuko litzateke ez balego kidegorik? Hortaz, lehen urratsa kideak lortzean datza (formakuntza eta arrazonamenduekin konbentzitud) eta bigarrena, berauon saretzean (formakuntza hori aplikatu eta esparru desberdinetan garatzeko).

Kontseilu nazionalaren iritzia

EZ, ez dugu zuzenketa babesten. Sorturen funtzioaren definizioan nahasmena sor dezake. Formakuntzaren ikuspegia jasoa dago dokumentuan zehar modu zehatzean ere.

218 parrafoa

Horrenbestez, honako lau elementuek hezurramitzen dute Sorturen misioa:

Ezker abertzalearen kultura politiko-organizatiboa erreproduzitzea, jarraipena-egokitzea-berrikuntza logikan, kapital historikoa biderkatuz.

ISIDRO ESNAOLA HERRERO

Hobekuntza

Ezker abertzalearen kultura politiko-organizatiboa erreproduzitzea, jarraipena-egokitzea-berrikuntza logikan, kapital historikoa biderkatuz. **Kultura politiko-organizatiboa bai, baina proiektu politikoan sakontzea ere bai. Batzen gaituena proiektu politikoa da.**

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, egileak aurkeztutako zuzenketa babesten dugu.

221 parrafoa

Azkenik, herri honen askotariko adierazpen organizatiboak (bizi lagun elkarteetatik hasi eta instituzioetaraino) askapen prozesuaren zerbitzura jardun daitezten lan egin behar du, eta horretarako independentismoaren barneratzea sustatu behar du jendarte esparru guztietan, bereziki, botereguneetan.

JOXEBA KOLDO ITURRAGAETXEBARRIA AZPIAZU

Hobekuntza

Azkenik, herri **honetako ahalik eta jendarte zabalena (helburua pertsona oro izan beharko itzateke)** askapen prozesuaren zerbitzura jardun dadin lan egin behar du eta horretarako independentismoaren barneratzea sustatu behar du jendarte **eta** esparru guztietan, **kale mailan zein instituzioetan.**

Azalpena

Ez da nahikoa herri mugimendu edo gure militantziari zuzentzea. Sorturen helburua ezkerreko politikak jendarte guztiari helarazi eta barneratzea izan behar du.

Kontseilu nazionalaren iritzia

JATORRIZKOA hobesten dugu. Alegia, ez dugu zuzenketa babesten. Sorturen funtzioen definizioan nahasmena sor dezake.

227 parrafoa

Zohardian esaten zen bezala, protagonismo mobilizatzaile eta mediatikoa EH Bilduren-EH Bairen eta herri mugimenduen esku uztea; alegia, horiekin alderatuz, Sortuk ikusgarritasun apalago bat izatea. Zalantzarik gabe, Sortuk gutxieneko esku hartze publikoa, erreferentzialtasuna eta protagonismoa behar ditu ideien borrokan parte hartuko badu eta bere burua erreproduzituko badu. Areago, bai gaiei baita moldeei dagokienez ere, esku hartze horrek orain artekoa baino askotarikoagoa behar du. Baina:

NAZIO KONTSEILUAREN AUTO-EMENDAKINA

Hobekuntza

Sorturen erreferentzialtasuna, protagonismoa eta esku hartze publikoa indartzea, ideien borrokan eragiteko, gure komunitate politikoa trinkotu eta aktibatzeke eta askapen prozesura -eta Sortura- militante berriak erakartzeko. Areago, bai gaiei baita moldeei dagokienez ere, esku hartze horrek orain artekoa baino askotarikoagoa behar du. Edonola ere, jendarte zabalari zuzentzeko garaian, Sortuk EH Bildu-EH Bairen eta herri mugimenduei aitortzen die protagonismo mobilizatzaile eta mediatiko nagusia. Horregatik:

Azalpena

Idatzita dagoen bezala, Sorturen erreferentzi eta proiektio publikoa, orain artekoarekin alderatuta, murriztera joko dugula ondoriozta daiteke. Gainera, esku hartze horren garrantzia lausotua gelditzen da. Zuzenketa honek, bestalde, eztabaidan zehar kide askok adierazi duten kezka erantzuten dio, Sorturen erreferentzi eta proiektio publikoa indartzea funtsezkotzat jotzen baitzuten. Esku hartze horrek bi helburu izango lituzke: batetik, borroka ideologikoari begira Sorturen ikuspegi propioa azaltzea, askapen prozesuaren ikuspegi integral eta errotikakoan oinarrituta; bestetik, gure komunitateari begira Sorturen erreferentzia indartzea, horrek gure oinarri sozialaren kohesioan, nukleo militantearen aktibazioan eta beronen -eta Sorturen- erreproduktzioan lagunduko duelakoan. Gogoeta egokia dela uste dugu, baldin eta Herrigaia txostenean proposatzen den prozesu subiranista eraldatzailearen logikarekin uztartzen baldin bada. Alegia, egungo fase politikoan funtsezkoak diren gehiengoak artikulatu eta mobilizatzeke EH Bildu-EH Baik eta herri mugimenduek izan behar duten protagonismoarekin uztargarria baldin bada.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren ordeztu, zuzenketa babesten dugu.

231 parrafoa

- Esku hartze horrek medio/kanal ez konbentzionalak baliatu behar ditu: Dinamika Aktibista Propioa, Erria, sare sozialak, agerraldi kualitatiboak eta, bereziki, gure kidegoaren harreman pertsonalak.

OIER IBARGUREN SARASOLA (DONOSTIAKO ESKUALDE BATZARRAREN IZENEAN)

Gehikuntza

232. - Esku hartze horrek gure ohiko hartzaitetik harago iristeko anbizioa eduki behar du, eta, horretarako, unean une komunikatuko duguna eta komunikazio horren molde eta bitartekoak gaurkotuko ditugu.

Azalpena

Uste dugu maiz lantzen ditugun mezuak eta horiek zabaltzen baliatzen ditugun bitartekoak oso etxera begirako komunikazio eredu batean oinarrituak direla. Muga horiek gaintitu eta euskal jendartean eragiteko ikuspegia eduki beharko genuke. Horretarako gai, diskurtso eta bitartekoak egungo errealitatera ekarri behar ditugu.

Kontseilu nazionalaren iritzia

BAI. Zuzenketa babesten dugu.

OIER IBARGUREN SARASOLA (DONOSTIAKO ESKUALDE BATZARRAREN IZENEAN)

Gehikuntza

233. - Esku hartze horrek gazte eremuan inpaktua izatea bilatu behar du, baita ere. Gazteriaren erreferentzia Ernai dela kontuan izanik, Sortuk duen herri ikuspegia gazteriari ere helarazi behar dio. Horretarako gure mezuak egungo belaunaldi erronketan zentratu eta bozeramaletza eta mezu berrituak behar ditugu.

Azalpena

Gazteriaren interes eta erronketatik urrun kokatzen da askotan Sortuk komunikatzen duena. Gatazkaren ondorioetara oso lotua dago maiz, eta gainontzeko gaitan oso arrazionala da, ilusiorako eta utopiarako tarte gutxi uzten du. Eremu honetan, beraz, gazte belaunaldiei arreta jarri eta beraien intereseko irudi, hizkuntza eta gaitegia jorratu beharko genituzkeela uste dugu.

Kontseilu nazionalaren iritzia

BAI. Zuzenketa babesten dugu.

OIER IBARGUREN SARASOLA (DONOSTIAKO ESKUALDE BATZARRAREN IZENEAN)

Gehikuntza

234. Horrek guztiak gure kidegoaren trebakuntza eskatzen du, izan diskurtsoak eratzeko unean nahiz bitarteko komunikatiboen erabileran. Norbanakook dugun komunikazio gaitasuna (gure eremu naturalean, nahiz sare digitalean) gure jardun militantearen erdigunean jarriko dugu.

Azalpena

Gehiengoak gure proiektura gerturatzeko gehiengoengara iritsi behar dugu lehenik. Horretarako ezinbestekoak izango zaigu egungo bitarteko komunikatiboen erabileraren inguruan gure kidegoa trebatzea. Konbentzitzeko, ordea, aurrez aurreko komunikazioa eta jardunaren bidezkoa bezalakorik ez dago. Horregatik, sare digitalen erabileraz gain, aurrez aurrekoan trebatuak diren kideak behar ditugu.

Kontseilu nazionalaren iritzia

BAI. Zuzenketa babesten dugu.

235 parrafoa

Sortuk, ezker abertzalearen ildo politiko orokorraren hausnarketa, eztabaida eta erabaki markoa den heinean, askapen prozesuaren kartografia edo mapa estrategikoa zehaztu behar du, alegia, zehaztu behar du nondik, nola eta norekin egingo duen ezker abertzaleak bere helburu estrategikoetara arteko bidea. Eta bermatu behar du herri honetan, haren hamaika espresio organizatiboetan, badela gutxieneko nukleo militante bat mapa estrategiko hori behar bezain garbi duena, alegia, behar bezain garbi duena non gauden, nora goazen eta nola goazen, eta gai dena hori hitz gutxitan azaltzeko.

ISIDRO ESNAOLA HERRERO

Gehikuntza

.. Sortuk diseinu estrategikoa egiteko gai izango da bere kidegoa esparru guztietan lanean ari delako. Militantzia borroka ezberdinetan lanean egoteak ematen dio perspektiba diseinu estrategikoak egiteko.

Azalpena

-

Kontseilu nazionalaren iritzia

BAI. Zuzenketa babesten dugu.

236 parrafoa

Bada, horretarako guztirako, nazio mailan bi bitarteko nagusi ditugu: urteroko Konferentzia Politikoa (haren bueltako hausnarketa kolektiboa) eta aipatu mapa estrategikoa jasotzen duen Plan Politikoa. Horrez gain, elkarri lotutako beste bi tresna baliatuko ditugu (ari gara baliatzen dagoeneko): Periskopia (askotariko iturrietatik -sozio-ekonomikoak, nazioartekoak, soziologikoak, demoskopikoak...- edaten duen prospekzio gune edo aparatua) eta mugimenduaren talai funtzioa betetzen duen Norabidetze Estrategikorako Gunea, zeinetan ezker abertzaleko zein, oro har, ezkerreko subiranismoaren baitako antolakunde ezberdinetan diren Sortuko kide kualifikatuak biltzen diren eta zeinaren egitekoa den prozesu independentista-eraldatzailearen nondiko norakoez zein mugimendu gisako erronkez hausnartzea. Tokiko planoan, berriz, egiteko honi erantzuteko ikasturte hasierako herri batzarra eta Plan Politiko lokala baliatuko ditugu [ikus Tokiko plano eta Ildoaren lanketa eta transmisioa].

ISIDRO ESNAOLA HERRERO

Gehikuntza

Bada, horretarako guztirako, nazio mailan bi bitarteko nagusi ditugu: urteroko Konferentzia Politikoa (haren bueltako hausnarketa kolektiboa) eta aipatu mapa estrategikoa jasotzen duen Plan Politikoa. **Tresna nagusia independentismoaren oinarri soziala da.** Harreman horiek ugaldtu eta sistematizatu behar dira. Horrez gain,....

Azalpena

-

Kontseilu nazionalaren iritzia

BAI. Zuzenketa babesten dugu.

242 parrafoa

Sortuk borroka ideologikoa jorratu behar du, arestian aipatu terminoetan jorratu ere, alegia, ekarpen puntual eta kualitatibo baten zein medio/kanal berri eta ez konbentzionalen erabilpen baten bidez.

ANDONI OLARIAGA AZKARATE

Gehikuntza

Ideien borroka epe ertain eta luzeko aldaketak gauzatzeko ezinbesteko esparrua da. Ideien lehia aktibismoa ere bada, zentzu komunak borrokatu eta jendartearen sakoneko sinesmenetan eragiten duen heinean. Gaur egungo mundua eraldatzeko, hortaz, neoliberalismoaren, patriarkatuaren eta estatu frantses zein espainiarraren zapalkuntzak sostengatzen dituzten ideia multzo nagusiei aurre egiteaz gain, ezkerreko independentismoaren, feminismoaren, sozialismoaren eta, finean, ikuskera demokratiko erradikalaren mundu ikuskera barreiatzeko bitartekoak eskainiko ditu Sortuk.

Azalpena

Ideien borrokaren atalean ideien borrokaren beraren karakterizazio eta garrantziaren azpimarra falta da. Hori dela eta, parrafo hau parrafo beregain gisa sartzea proposatzen da, Ideien borroka azpiatalean.

Kontseilu nazionalaren iritzia

BAI. Zuzenketa babesten dugu.

243 parrafoa

Beste behin, bi dira egiteko hau gauzatzeko nazio mailan baliatuko ditugun bitarteko nagusiak: Sorturen bitarteko ideologikoa den Erria aldizkaria (eta webgunea), Iratzar Fundazioak dinamizatzen duena, batetik; eztabaida zehatzak mahaigaineratzea zein mahai gainean diren eztabaidetan gure posizioa eta diskurtsoa plazaratu ahal izatea ahalbidetzen duen Dinamika Aktibista Propioa, bestetik. Herri mailan, berriz, azken horren herriratzea izango da borroka ideologikorako bitarteko nagusia [ikus Dinamika Aktibista Propioaren birkokapena].

JOXEBA KOLDO ITURRIAGAETXEBARRIA AZPIAZU

Hobekuntza

Egiteko hau gauzatzeko, nazio mailan ondorengo bitartekoak baliatuko ditu: - Militantziaren informazio eta formakuntza zehatza bultzatu asmoz, Erria aldizkaria (eta webgunea) erailiko dira. Bestetik, Dinamika Aktibista Propioaren bitartez, eztabaida zehatzak mahaigaineratu edota bolo bolo dabiltzan eztabaida estrategikoetan gure posizioa eta diskurtsoa plazaratuko ditu. - Jendarte zabalaren informazio eta formakuntza bultzatu asmoz, ohiko komunikazio bidez gain, telebista kate bat jarriko du martxan non gai konkretuen inguruko tertuliak, eztabaidaguneak, berriak, elkarrizketak plazaratuko diren. Honekin, ez zaio Sorturi ikusgarritasun edo erreferentzialtasunik emango, baizik eta norbanako, herri mugimendu eta gure militantzia izango da Sorturen mezua zabalduko duena.

Azalpena

Eguno baliabide teknologikoak ideien zabalkuntzarako erabili beharra dago. Helburua gure mezua ahalik eta jendarte zabalarengana iristea da (ez soilik militanteen formakuntzara mugatu), honekin kidego zabal bat saretu asmoz. Honez gain, ikusgarritasuna hartuko lukete herri mugimenduek, proiektu desberdinak martxan jartzen dtuzten EH BILDUKo udal gobernuek, mahagaineratu nahi diren eztabaidek...

Kontseilu nazionalaren iritzia

JATORRIZKO testua hobesten dugu. Alegia, ez dugu zuzenketa babesten, halako proposamen batek hausnarketa sakonagoa eskatzen duelako.

244 parrafoa

Sortuk koadro politikoen faktoria izan behar du. Arestian aipatu balioetan zein jarduteko modu konkretuan jardungo duten koadroen faktoria [ikus Zohardia: Sortuko militantearen jokabide arauak]. Sortuk koadro politiko andana hezi behar du, ez bere buruarentzat soilik, edo nagusiki, baizik eta bestelako dinamika, subjektu, proiektu eta abarrentzat; LABetik, Ernaitik edota EH Bildutik-EH Baitik hasi eta herri mugimenduetaraino.

ADOSTUTAKO ERDIBIDEKOA: JOSEBA ENBEITA ORTUONDO - PAULA ROSON GONZALEZ - NAZIO KONTSEILUA (AUTO-EMENDAKINA)

Gehikuntza

Sortuk, bere eginbeharrak garatzeko, erdigunean jarri behar du trebakuntza politikoa, militante guztiak ahalduntzeko -plan feministari arreta berezia emanaz- eta gero eta eraginkorragoa izateko. Horrek eskatzen du egoeraren diagnostikorako tresnak lantzea, ikuspegi estrategikoa indartzea eta ildoak pentsatu eta gauzatzeko gaitasunak garatzea. Iratzar Fundazioa eta Sorturen arteko elkarlana izango da trebakuntza planak diseinatu eta bideratzea. Era berean, auzo eta herriek beren beharren arabera trebakuntza ziklo eta saioak antolatuko dituzte, egiturarekin eta Iratzar Fundazioarekin batera, herrien eskaerei erantzuteko.

Azalpena

-

Kontseilu nazionalaren iritzia

BAI, zuzenketa babesten dugu.

247 parrafoa

Bestalde, zaindu behar du ezker abertzalearen egungo komunitate militantea; zaindu behar du egun eraikitzen ari garen eta, beraz, etorkizun den komunitate militantea; eta, noski, zaindu behar du ezker abertzalearen komunitate historikotzat jo genezakeena; bereziki, komunitate horren baitako azpi-komunitate konkretu batzuk, hala nola presoena (preso diren artean), preso senideena eta bidean gelditu diren kideen senideena. Bada, preso zaintza jorratzeko bitartekoak, azken urteotan bezala, Presoen Batzordea (nazio mailan) eta Presoen arduraduna (herrian) izango dira. Komunitate historikotzat jo dugun horren baitako gainerako azpi-komunitateen zaintza bermatze aldera, berriz,

Komunitate historikoaren zaintzarako batzordea (nazio mailan) sortuko dugu. Azkenik, ezker abertzalearen komunitatearen zaintza jorratze aldera, funtsezkoa deritzogu haren zein, oro har, ezkerreko subiranismoaren elkargune lirartekeen espazio fisikoen inguruko gogoeta egitea.

OIER IBARGUREN SARASOLA (DONOSTIAKO ESKUALDE BATZARRAREN IZENEAN)

Gehikuntza

Zentzu honetan, gazteek osatzen duten komunitateari arreta berezia jarriko dio Sortuk. Horretarako Ernairekin lanketa espezifiko egingo da. Gazteriak Sorturekiko duen atxikimendua indartu eta etorkizuneko euren militantzia Sorturen baitan gara dezaten.

Azalpena

Gazteriaren erreferentzia politikoa Ernaik izan behar du, baina Sortuk haien atxikimendua lortzea ezinbesteko du gure proiektu politikoa garatuko badugu. Horrez gain, antolakundea berritu eta ideiez eta kidez indartzeko ezinbesteko indar militantea dira gazteak (ideiak, egiteko formak, transgresioa...). Beraz, Sortuk, bere jarduna eta ikuspegi komunikatiboa berritzeaz gain, plan berezi bat behar du belaunaldi berriei harrera egiteko, izan organikoki nahiz komunitateko kide gisa.

Kontseilu nazionalaren iritzia

BAI. Zuzenketa babesten dugu.

NAZIO KONTSEILUAREN AUTO-EMENDAKINA

Hobekuntza

Bestalde, zaindu behar du ezker abertzalearen egungo komunitate militantea; zaindu behar du egun eraikitzen ari garen eta, beraz, etorkizun den komunitate militantea; eta, noski, zaindu behar du ezker abertzalearen komunitate historikotzat jo genezakeena; bereziki, komunitate horren baitako azpi-komunitate konkretu batzuk, hala nola presoena (preso diren artean), presoen senideena eta bidean gelditu diren kideen senideena. Bada, presoen zaintza jorratzeko bitartekoak, azken urteotan bezala, Presoen Batzordea (nazio mailan) eta Presoen arduraduna (herrian) izango dira. Komunitate historikotzat jo dugun horren baitako gainerako azpi-komunitateen zaintza bermatze aldera, berriz, Komunitate historikoaren zaintzarako batzordea (nazio mailan) sortuko dugu. Azkenik, ezker abertzalearen komunitatearen zaintza jorratze aldera, **baita berau erreproduzitu eta trinkotze aldera ere**, funtsezkoa deritzogu haren zein, oro har, ezkerreko subiranismoaren elkargune lirartekeen espazio fisikoen inguruko gogoeta egitea, **baita bestelako askotariko elkarguneak antolatzea ere, hala nola herri batzar irekiak, herriz herriko independentzia egunak eta abar.**

Azalpena

Ezker abertzalearen komunitatea zaindu beharra dago, bai, baina baita erreproduzitu ere. Alegia, ezker abertzalearen oinarri militante eta soziala zabaldu beharra dago, kide berriak lortu. Eta horretarako askotariko soziabilitate espazioak eraiki eta antolatu beharra dago.

Kontseilu nazionalaren iritzia

HOBEKUNTZA hobesten dugu. Alegia, jatorrizko testuaren ordez zuzenketa babesten dugu.

248 parrafoa

Laburbilduz, Sorturen egitekoak eta nazio zein herri mailan haiek operatibizateko bitartekoak:

[Ikusi taula](#)

JOSEBA ENBEITA ORTUONDO

Gehikuntza

4. Trebakuntza / Militantzia eredu berriaren sustapen - Herrian *atalean, hauxe ipini*: “**Auzoek eta herriek antolatutako formazio mahaia**”.

Azalpena

Formazio politikoa baitezpadako beharra da militante guztiontzat, gure lan politikoari sakontasuna eta perspektiba emateko eta bizitza osorako militantzia eredu bat prestatzeko. Horregatik, eskertzeak dira maila nazionalean eskaintzen zaizkigun bitartekoak eta edukinak. Dena den, motz gera litezke. Auzo bakoitzak, herri bakoitzak, behar ezberdinak ditu eta baita osaketa militante ezberdina: militante batzuk besteak baino zaharragoak dira, ibilbide ezberdinak eginez eta lan eremu ezberdinetan aritzen dira. Orduan, aukera egon beharko litzateke, koordinazio guztiak ziurtatuta, formazio ziklo lokalak berariazkoak burutzeko, bai arlo sektorialetan, bai ikuspegi teoriko eta politiko orokorretatik eginda.

Kontseilu nazionalaren iritzia

BAI. Zuzenketa babesten dugu.

GAIZKA SUÁREZ IPARRAGIRRE

Gehikuntza

3. Ideien borroka

NAZIO MAILAN

-3.1 Dinamika Aktibista Propioa

-3.2 Erria (aldizkaria eta webgunea)

HERRIAN

-3.1 Dinamika Aktibista Propioa

-3.2 ARTibismoa

Azalpena

Sortuk ez du herrietan dinamika aktibista propirik izango? Lehenago aipatu diren esku hartze kualitatibo horiek maila lokalean ere beraien proiektzioa izan behar dute, Sorturen mezua bera sozializatu, ideien borrokan eragin eta oinarri militantea aktibo mantentzeko.

Kontseilu nazionalaren iritzia

BAI. Zuzenketa babesten dugu.

AIKERU MIMENTZA SANCHEZ

Gehikuntza

"4. Trebakuntza..." lerroan, "Herrian" zutabea, "4.1 Hitzaldi eta mintegiak" puntua gehitzea.

Azalpena

Durangoko Herri Batzarraren izenean aurkeztutako emendakina. Herrietan trebakuntza garatzeko ez da bitartekorik aurreikusten. Herrietako talde eta sareek eskumen esplizitua izan behar dute Sorturen izenean militantziaren trebakuntzarako hitzaldiak eta mintegiak antolatzen.

Kontseilu nazionalaren iritzia

BAI. Zuzenketa babesten dugu.

AIKERU MIMENTZA SANCHEZ

Gehikuntza

"3. Ideien borroka" lerroan, "Herrian" zutabea, "3.2 Ohiko propaganda ekintzak" puntua gehitzea.

Azalpena

Herrietan ideien borroka garatzeko bitartekoak hankamotz gelditzen dira DAP/ARTibismoaren esparru murrizetara bakarrik mugatzen bada. Herrietako talde eta sareek eskumena izan behar dute Sorturen izenean ohiko propaganda ekintzak egiteko (pankarta, eskuorri banaketa, mobilizazio propioak eta abar).

Kontseilu nazionalaren iritzia

BAI. Zuzenketa babesten dugu.

ADOSTUTAKO ERDIBIDEKOA: NAZIO KONTSEILUA (AUTO-EMENDAKINA) - OIER IBARGUREN SARASOLA

(DONOSTIAKO ESKUALDE ZABALAREN IZENEAN)

Gehikuntza

(Atal berri bat sortzea proposatzen da)

2.4. Sorturen barne bizitzaz

Subjektuen artikulazioen logikari jarraituz, Sortu subjektu gisa ikusten dugu, besteekin batera artikulatzen dena, subjektu konplexuagoak eraikiz (EH Bildu eta EH Bai, bestelako elkarlan dimentsioak, unekoak, iraunkoragoak...). Bide horretatik, komunitate militanteak subjektu motor gisa ezaugarritzen ditugu, funtsezkoak baitira forma sozial zabalagoak dinamizatzeko eta, beraz, uste dugu nukleo militanteen indarpena derrigorrezkoa dela euskal askapen mugimendua aurrera eramateko. Hau etxetik hasten da, jakina, eta tenorea da gure militantziaren eta komunitatearen garrantzia balorean jartzeko, bizi garen munduan konpromiso iraunkorra, diziplina eta ikuspegi kolektiboak logika nagusien jomugan daudelako. Izan ere, ez dago subjektu kolektiborik militantzia antolaturik eta komunitate zabalaren atxikimendurik gabe. Sortu militante eta komunitate zabal baten dinamizatzailea dugu dagoeneko, eta ezaugarritze hori indartu behar dugu hurrengo urteetan.

Horretarako, antolakundearen barne bizitzan kidego osoaren eta komunitate zabalaren parte hartzea indartzeko mekanismoak ezarriko ditugu. Bide horretan, helburu horrekin azken urteetan mahai gainean jarri ditugun iritzi trukaketa eta kontrasterako mekanismo ezberdinen emankortasuna eta garrantzia handituko ditugu. Hala nola, herrialdeko arduradun politikoen bilgune diren Bizkarrezurrak eta Komunitate osoarentzako eztabaida eta erabakigune (Sortzaileen kasuan) izango diren urtean behineko Nazio Konferentziak. Horrek guztiak, Sorturen barne aniztasun zabalaren indartzen lagunduko du. Izan ere, Sortu komunitate anitza da, eta hala izatea nahi dugu, horrek emankorago egiten baikaitu; une berean, militante komunitate kohesionatuta da, arrazoi berberengatik. Oreak horretarako ez dago errezeta bakar bat. Hainbat proposatu ditugu eta ibilbidean aurkitzen joan beharko da formularik onena zein den, baina argi dago Sortu ezin dela koalizioa edo antzeko zerbait izan. Barne aniztasun hori adierazteko aipatutako markoak indartu behar ditugu, horrela lortuko baitugu ezinbesteko dugun kohesio handiko antolakunde izatea. Kohesio horren funtsa helburuak, egitasmoa eta erabaki kolektiboekiko leialtasunaren inguruan eraikitzen da, eta hor kokatuko dugu, beraz, gero eta antolakuntza sendoagoa izateko erronka.

Azalpena

-

Kontseilu nazionalaren iritzia

BAI. Zuzenketa babesten dugu.

249 parrafoa

Zohardian finkatu militantziaren ulerkera zabalean berresten gara. Alegia, Sortuko militantea da Sortun afiliatzen den oro; bestela esanda, Sortuko militantea da antolakunde honetan afiliatzeak erakusten duen antolakundearekiko gutxieneko konpromisoa eta lotura maila duen oro, bere parte hartze eta ekarpen mailak edozein direlarik ere. Zohardian esaten zen bezala, antolakunde honek gai izan behar duelako ekarpen maila eta mota guztiak probesteko, txikienetik hasi eta handieneraino, puntualenetik hasi eta iraunkorreneraino.

ADOSTUTAKO ERDIBIDEKOA: JOSEBA ENBEITA ORTUONDO - NAZIO KONTSEILUA (AUTO-EMENDAKINA)

Hobekuntza

Zohardian finkatu militantziaren ulerkera zabalean berresten gara. Alegia, Sortuko militantea da Sortun afiliatzen den oro; bestela esanda, Sortuko militantea da antolakunde honetan afiliatzeak zein afiliazioak berekin dakarren gutxieneko parte-hartzeak erakusten duten antolakundearekiko gutxieneko konpromisoa eta lotura maila dituen oro, bere parte-hartze eta ekarpen maila edozein delarik ere. Zohardian esaten zen bezala, antolakunde honek gai izan behar duelako ekarpen maila eta mota guztiak probesteko, txikienetik hasi eta handieneraino, puntualenetik hasi eta iraunkorreneraino. Edonola ere, Sortuk ekarpen militante jarraitua eta iraunkorra hobetsi eta sustatuko ditu, berau ezinbesteko oinarria delako bai erakundearen funtzionamendu egokirako bai bere jarduera ahalik eta handiena eta eraginkorrena izan dadin, eta, emantzipazio nazional eta sozialaren bidean, gure helburua delako jendartearen kontzientzia eta inpikazio maila handitzea.

Azalpena

Kontseilu nazionalaren iritzia

HOBEEKUNTZA hobesten dugu. Alegia, jatorrizkoaren ordez, egilearekin adostutako zuzenketa babesten dugu. Zohardian esaten zen bezala, Sortuk onartu eta ahalbidetu egin behar ditu militantzia-intentsitate ezberdinak, noizbehinkako edota aldian-aldiko partaidetza barne, baina, testuan bertan aipatu arazoak medio, ekarpen militante jarraitua eta iraunkorra hobetsi eta sustatu behar ditu.

250 parrafoa

Edonola ere, antolamendu- eta funtzionamendu- ondorioetarako soilik, militantzia horren baitan bi maila funtzional bereizteko apustua egiten dugu: militantzia organikoa (maila organizatibo ezberdinetako ekipo edo zuzendaritzetan egituratutako kideak), batetik, eta oinarri militantea (gainerakoak), bestetik.

MIKEL MARKOTEGI MENDIOLA

Hobekuntza

Edonola ere, antolamendu- eta funtzionamendu- ondorioetarako soilik, militantzia horren baitan hiru maila funtzional bereizteko apustua egiten dugu: militantzia organikoa (maila organizatibo ezberdinetako ekipo edo zuzendaritzetan egituratutako kideak), oinarri militantea (modu aktiboan sorturen misioan partehartzen dutenak, afiliatu zein inskribatu) eta "sortu laguna" (kuota ordaintzeko prest dagoen afiliatua, baina ez duena bestelako ekarpen aktiborik egingo).

Azalpena

MILITANTZIAren ulerkera era zabalean eginda ere, afiliazioaren inguruan badugu gure artean errealtate bat, modu inteligentean kudeatzea eskatzen diguna. Kongresu honetako azken bozketan 4.000 pertsona inguruk ez dute bozka eman (errolaren %48a). Batzuek modu kontzientean egingo zuten, zalantzarik gabe (eta horretarako eskubidea dute), baina ziur izan ehuneko handi batek ez duela bere burua kongresu barruan partaide moduan ikusten/sentitzen. Afiliatu mordoxka batek, kuota ordaintzeaz aparte, ez du bestelako ekarpenik egiteko gogoia/ahalmena. Kongresuko bozketen emaitzak desitxuratuak geratzeko arrisku handia dago. "Sortu laguna" afiliatu forma berri bat izango da. Kongresuko adibideari jarraituz, honela jokatuko genuke: "sortu lagunak" bere burua kongresuan erregistratu ezean (modu aktiboan) ez luke kongresuan bozkatzeko aukerarik. Afiliatua izateak ez du bozka eskubidea orain arte bezala ziurtatuko. Kongresu honen ostean, abstenitu diren afiliatu guztiak "sortu laguna" izatera pasako dira. Guztiz beharrezkoa da, afiliatu inaktiboak gure bozkatzaile erroldetatik ateratzea. Bozka aukera/eskubidea berreskuratzea beraien esku legoke.

Kontseilu nazionalaren iritzia

JATORRIZKOA hobesten dugu. Alegia, ez dugu zuzenketa babesten. Ez dugu planteamendua partekatzen alde batetik abstentzioa ere badelako afiliatu ororen eskubide bat, eta bestetik, legalki ezin zaiolako afiliatu bati bozka eskubidea ukatu.

251 parrafoa

Guztiarekin, Zohardian zehaztu ekarpen- eta parte hartze-marko irekiak mantentzearen aldeko apustua egiten dugu (Dinamika Aktibista Propioa eta Tailerrak); alegia, antolakunde honek eskaini behar ditu markoak edota espazioak, hausnarketa, eztabaida, trebakuntza eta elaborazio kolektiborako, antolakunde honetako kide edo militante ez diren, baina antolakunde honen egitasmo politikoarekiko gutxieneko identifikazioa duten lagunen parte hartzera irekiak. Baina, hori bai, eta hau bada berritasun bat: hemendik aurrera erabakiak, Kongresu honetan hartuko ditugunak kasu, antolakunde honetako militanteek, alegia afiliatuek, alegia sortzaileek soilik hartuko dituzte. Zentzu honetan, eta badaezpada, oroitarazi beharra dago kuotaren ordainketak ez duela zertan afiliatu ahal izateko oztopo bat izan inorentzat, egoera sozioekonomiko zaurgarrian diren pertsonentzat 0 kuota zein kuota sinbolikoa baitaude indarrean.

ADOSTUTAKO ERDIBIDEKOAK: IÑAKI ZABALETA URKIOLA - ARANTXA MANTEROLA AIZPURUA - NAZIO KONTSEILUA

Gehikuntza

Halaber, bilkide (EH Bilduko afiliatu) ere badiren eta espreski hala eskatzen duten sortzaileei Sortuko kuotan %50eko beherapena aplikatuko zaie.

Azalpena

Kontseilu nazionalaren iritzia

BAI, zuzenketa babesten dugu.

MATI ITURRALDE - IÑIGO SANTXO - JONE LOZANO - JOSEBA ALVAREZ FORCADA

Gehikuntza

Sorturen militantziaren baitan sentsibilitate ezberdinak, ikuspuntuen aniztasuna eta askotarikotasuna direla onarturik, arrazoi estrategikoengatik, beraien arteko kontrastea, abiagune estrategiko egokia, baita eztabaiden, erabakien eta pentsamendu kolektiboaren beraren kalitatea hobetzeko, barne espazio politikoek beraien burua artikulatzeko askatasuna izango dute. Ez dute Sorturen egituretan ordezkariak berezirik izango, eta Sorturen disziplina zein beste militanteenganako errespetua mantenduko dute.

Azalpena

Herrigaiaren 202., 208. eta 247. parrafoetan aipatzen den bezala, eta batez ere Zohardian 1.3 atalean zehazten den modura, militantziaren aniztasuna (dibertsitatea) gure altxorretako bat da, eta bai Sortu bera eta Euskal askapenerako prozesua garatzeko ere beharrezkoa dugu. Aldi berean Sortuk bere oinarri militantea zaindu behar du, gure etorkizuna delako. Militantziaren ikuspegi eta sentsibilitate ezberdinak sustatzeko, ordezkatzeko duten espazio politiko horien barne-prozesuak argitzeko eta garatzeko aukera eman behar diegu, Sorturen barne-prozesuak aberasteko, betiere barne demokraziaren printzipioak eta Sorturen disziplina errespetatuz.

Kontseilu nazionalaren iritzia

EZ, ez dugu zuzenketa babesten, Sortuk behar-beharrezkoak dituen aniztasunarekin, demokraziarekin eta kohesioarekin talka egiten duelako. Izan ere, Sortun korrante antolatutako egoteak:

- 1) Eztabaida pobretuko luke, aurrez lerrokatutako posizioetara mugatuko lukeelako. Sorturen aniztasuna ezin da espazio politiko jakinen arabera sailkatu eta horietara murriztu;
- 2) Azkenerako, espazio politiko antolatu horiek barne-lobby izaera hartuko lukete, barne demokrazia eta militanteen arteko berdintasunaren kaltetan;
- 3) Sorturen baitan identitate eta leialtasun fragmentatuak sortuko lituzke, ezkerrean tamalez ohikoak diren barne lehia iraunkorra eta taldekeria elikatuz eta zatiketa arriskua sortuz;
- 4) Borroka urte luze eta gogorretan lortu dugun kohesioa arriskuan jarriko luke.

252 parrafoa

Zohardian zehaztu eta harrezkero plantan jarritako antolaketa moldean lau egokitzapen nagusi egingo ditugu:

ADOSTUTAKO ERDIBIDEKOA: NAZIO KONTSEILUA (AUTO-EMENDAKINA) - OIER IBARGUREN SARASOLA (DONOSTIA ESKUALDE ZABALAREN IZENEAN) - IRATI MAJUELO - UNAI RIBERA - JAKUE RODRIGUEZ

SANCHEZ

Gehikuntza

(Atal berria gehitzea proposatzen da)

4.5. Plan Feminista

Askotan esan izan dugu Euskal Herriaren askapen prozesua bururaino eraman nahi badugu, ezinbestekoa dela emakumeen* emantzipazioan nahiz pertsonen arteko parekidetasunean urratsak ematea, urrats feministak ematea. Horrek, ezinbestean, ikuspegi luzeko prozesu eraldatzaile feminista garatzea eskatzen du. Horixe da Plan Feministaren anbizio nagusia: jendarte parekide baten bidean urratsak modu kontziente, planifikatu eta sistematikoan ematen lagunduko digun tresna politiko integrala izatea. Plan Feminista gure eginez hartzen dugun konpromisoa, mugimendu eta alderdi gisa, gure izatearen despatriarkalizazioan urratsak ematen jarraitzea da. Barne zein kanpo mailan, estrategia eta praktika feministetan etenik gabe sakontzen edo garatzen jarraituko dugula ezartzea, alegia. Honen ardura beraz, militante guztiona da.

Plan Feminista, prozesu luzea osatu ahal izateko tresna da, eta bi dimentsioetan eragin nahi duen begirada integral sistemiko batetik garatzea erabaki dugu. Orain hiru urte burututako diagnostikoaren ondorioetan oinarrituta, martxan den Plan Feminista aldaketarako lau ardatzetan oinarritzen da. Barnera begirako eraldaketa definitzen duten hirurak: Sorturen baitan kultura berria hedatzea, Sortu parekidea bilakatzea eta Sortu indarkeria matxistarik gabeko erakundea izatea; nahiz kanpora begirako dimentsioan kokatzen duguna, Sortuk ikuspegi feminista propioa izatea eta estrategia feministan aurreratzea. Aldatu nahi dugun errealitatean eragiteko, errealitate osoari begiratu behar diogu, dena baitago elkarri lotuta eta harremanean. Horregatik, Planean zehaztu genituen aldaketa nagusiak eta helburuak elkar elikatzen dira eta horien hurrenkerak ez du hierarkia bat adierazten.

Trebakuntza dugu beraz bide hau jorratzeko ezinbesteko tresna, zenbait hausnarketetan sakondu eta gure praktiken eraldaketarako, bai modu kolektiboan zein maila indibidualean ere. Esana dugu bide hau guztion ardura dela eta zentzu honetan, emakumeon* ahalduntzeaz gain, arreta jarri nahi dugu botere harremanetan nahiz maskulinitateen inguruko gogoeta eta deseraikuntza prozesuetan.

Plan Feminista misio politikotzat hartuko badugu, Nazio Idazkaritzari dagokio behar bezala garatzen ari garenaren inguruko segimendua eta erantzukizuna bere gain hartzea. Horren jarraipena egiteko, Plan Feministaren arduradunak behar den guztietan Nazio Idazkaritzaren bilkuretan parte hartuko du. Bestetik, Plan Feminista modu egoki eta integralean garatzen dela ziurtatzeko, egituratze propioa izango du; antolakundean zehar-lerrotasunez eragiteko, alde batetik, eta emakumeen* lidergotza eta espazio propioak bermatzeko, bestetik.

Azalpena

-

Kontseilu nazionalaren iritzia

BAI. Zuzenketa babesten dugu.

261 parrafoa

Herrigintza esaten diogun esku hartze lerro horren zeregina da ponentzia honen atal politikoan estrategiko eta lehentasunezkoztat jo ditugun herri mugimendu edota dinamika horien (mugimendu

feminista, euskara eta euskal kulturaren aldeko mugimendua, mugimendu ekologista, migratzaileen eskubideen aldeko eta arrazakeriaren kontrako mugimendua, hezkuntza mugimendua) sustapena. Horrek ez du esan nahi gainerako herri mugimendu edota dinamiketan jardungo ez garenik, hala nola, mugimendu internazionalistan, kirol selekzioen ofizialtasunaren aldeko dinamikan, etxegabetzeen kontrako mugimenduan, pobreziaaren aurkakoa, sexu askapenaren aldeko mugimenduan... Are gehiago, Zohardian esaten zen bezalaxe, aldarri edota borroka eraldatzaile zein egitasmo komunitario orok izan behar du Sortuko kideon hauspoa. Alta horietan beste maila batean jardungo gara eta haiei buruzko tailerrak (hausnarketa espezifikokoak) egin ahal izango baditugu ere, gaur-gaurkoz, bederen, ez dute aurreko bosten kasurako segidan zehazten denaren moduko itzulpen organizatibo iraunkorrik izango.

[Grafikoa: Herrigaitza nazio egitura, dinamika estrategikoak eta bestelako tailerrak](#)

ADOSTUTAKO ERDIBIDEKOA - JOSEBA ENBEITA ORTUONDO - OIER IBARGUREN SARASOLA (DONOSTIAKO ESKUALDE BATZARRAREN IZENEAN) - NAZIO KONTSEILUA

Hobekuntza

Herrigaitza esaten diogun esku hartze lerro horren zeregina da ponentzia honen atal politikoan estrategiko eta lehentasunezko zatia jo ditugun herri mugimendu edota dinamika horien (**lan eta bizi baldintza duinen aldeko borroka**, mugimendu feminista, euskara eta euskal kulturaren aldeko mugimendua, mugimendu ekologista, migratzaileen eskubideen aldeko eta arrazakeriaren kontrako mugimendua eta hezkuntza mugimendua) sustapena. Horrek ez du esan nahi gainerako herri mugimendu edota dinamiketan jardungo ez garenik, hala nola, mugimendu internazionalistan, kirol selekzioen ofizialtasunaren aldeko dinamikan, ~~etxegabetzeen kontrako mugimenduan, pobreziaaren aurkakoa, sexu askapenaren aldeko mugimenduan...~~ Are gehiago, Zohardian esaten zen bezalaxe, aldarri edota borroka eraldatzaile zein egitasmo komunitario orok izan behar du Sortuko kideon hauspoa. Alta horietan beste maila batean jardungo gara eta haiei buruzko tailerrak (hausnarketa espezifikokoak) egin ahal izango baditugu ere, gaur-gaurkoz, bederen, ez dute aurreko bosten kasurako segidan zehazten denaren moduko itzulpen organizatibo iraunkorrik izango.

Azalpena

-

Kontseilu nazionalaren iritzia

HOBEKUNTZA hobesten dugu. Jatorrizkoaren ordez, egilearekin adostutako zuzenketa babesten dugu.

262 parrafoa

Bada, aipatu sustapen lan horretarako, bost mugimendu edota dinamika estrategiko horietako bakoitzaren baitan lanean dugun kidegoa saretzea/egituratzea proposatzen dugu, alegia, mugimendu edota dinamika estrategiko horietako bakoitzeko tailer iraunkor edo sare bat eratzea; egitura organizatibo horizontal bat, espresio eta espazio fisiko bat (tailerra) eta espresio eta espazio birtual bat (mezularitza aplikazio telematiko bat edo dena delakoa) izango dituen, baita, kasuan, buletin propio bat ere, hizpide ditugun mugimendu edota dinamika estrategikoetan egin beharreko

eragiletza lanari begira irizpideak kolektiboki sortzeko eta partekatzeko.

ADOSTUTAKO ERDIBIDEKOA: JOSEBA ENBEITA ORTUONDO - OIER IBARGUREN SARASOLA (DONOSTIAKO ESKUALDE BATZARRAREN IZENEAN) - NAZIO KONTSEILUA

Hobekuntza

Bada, aipatu sustapen lan horretarako, **sei mugimendu, dinamika edota lan eremu** estrategiko horietako bakoitzaren baitan lanean dugun kidegoa saretzea/egituratzea proposatzen dugu, alegia, mugimendu, **dinamika edota lan eremu** estrategiko horietako bakoitzeko tailer iraunkor edo sare bat eratzea (**lan eta bizi baldintza duinen aldeko borrokaren kasuan bat baino gehiago izan liteke, lan eremu horren zabaltasunak eta aniztasunak gogoeta espezifikoak eskatzen duelarik**); egitura organizatibo horizontal bat, espresio eta espazio fisiko bat (tailerra) eta espresio eta espazio birtual bat (mezularitza aplikazio telematiko bat edo dena delakoa) izango dituen, baita, kasuan, buletin propio bat ere, hizpide ditugun mugimendu, **dinamika edota lan eremu** estrategikoetan egin beharreko eragiletza lanari begira irizpideak kolektiboki sortzeko eta partekatzeko.

Azalpena

-

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren orde, egilearekin adostutako zuzenketa babesten dugu.

264 parrafoa

Apustua herri bakoitzean sare bakoitzeko saregile bat egotea da, betiere hartarako baldintza subjektibo eta objektiboak baleude (indar militantea, herriaren tamaina...). Saregile horrek ez du zertan Sortuko militante organikoa izan (hau da, ez du zertan herriko zuzendaritza lantaldeko kide izan), baina harreman zuzen eta estua izango du lantalde horretako kideekin. Beraz, sareek, bi lotura-bide izango dituzte egiturarekin: herrigintzako nazio lantaldea eta herriko zuzendaritza lantaldea.

[Grafikoa: Saregileak eta tokiko sareak](#)

OIER IBARGUREN SARASOLA (DONOSTIAKO ESKUALDE BATZARRAREN IZENEAN)

Gehikuntza

Sare hauek erronka lokalei erantzuteko aukera izango lukete, tokiko eremuan horretarako behar eta aukerak ikusiko balira. Eredu malgua izango luke horien antolakuntzak, tokiko errealitate eta beharren arabera. Horrez gain, trebakuntza eta hausnarketarako gune irekiak eskainiko dituzte.

Azalpena

Sareen egituraketa modu irekian ageri da, zehaztapen handiegirik gabe. Ados gaude sareek eduki behar duten malgutasuna dela eta ez gehiegi zehaztearekin. Halere, hala ikusikio balitza, tokiko planoan sareek egiteko bat izan dezaketela aipatzea ezinbesteko ikusten dugu.

Kontseilu nazionalaren iritzia

BAI. Zuzenketa babesten dugu.

272 parrafoa

Bestalde, Dinamika Aktibista Propioa (zehazkiago, haren dimentsio konkretu bat) herriratuko dugu, betiere beronen filosofia eta egiteko moduak zorrotz errespetatuta. Zehazki, proposatzen duguna da herri eta auzoetan “ARTibismo” delako aktibismo molde eta jarduerari bide ematea, historikoki ezker abertzalearen ezaugarri bereizgarria izan den agitprop-aren bertsio eguneratutzat jo genezakeena.

ADOSTUTAKO ERDIBIDEKOA: OIER IBARGUREN SARASOLA (DONOSTIAKO ESKUALDE ZABALAREN IZENEAN) - MIKEL VON WIXHMANN - NAZIO KONTSEILUA

Hobekuntza

Bestalde, Dinamika Aktibista Propioa herritartuko dugu. Sortuk tokiko planoan garatzen dituen dinamikak eta horretarako erabiltzen dituen moldeen inguruan unean une hausnartuko luke, moldeak helburua lortzeko tresna direla, eta ez helburu, ulertuta. Sortuk eraginkortasuna bilatuko du bere ekimenetan eta, horretarako, esperientzia ezberdin eta berritzaileak, “ARTibismoa” kasu, martxan jarriko ditu. Azken hau historikoki ezker abertzalearen ezaugarri izan den agitprop-aren bertsio eguneratutzat jo genezake.

Azalpena

-

Kontseilu nazionalaren iritzia

ENEKO COMPAINS SILVA

Hobekuntza

(Dagoena ezabatu eta honakoarengatik ordezkatu)

Bestalde, Dinamika Aktibista Propioa herriratuko dugu, beronen filosofia eta egiteko moduak zabalduz. Ekintza ikusgarriak egitea da asmoa, ekarpen kualitatibo bat suposatuko dutenak eta indar metaketan eta jendarte polarizazioan eragiteko gaitasuna izango dutenak. Horretarako, batzuetan sinpatia, umorea edota borrokaren “teatralizazioa” erabili beharko ditugu (orain arte egindako “performance”-ak bezalakoak) baina besteetan ere irmotasuna, determinazioa eta borrokarako grina erakusteko ekimenak sustatu beharko ditugu, gure herriaren “tenperatura politikoa” igoarazteko.

Azalpena

Dinamika Aktibista Propioak ezin du mugatu, orain arte gehienetan gertatu bezala, borrokaren “teatralizazio” batera, “performance” delakoak egitera. Borroka eskaintza erakargarri bezain zabala egin behar dugu, konpromiso arina duten kideentzako bai, baina baita konpromiso maila altuak izan ditzaketen kideentzako ere.

Kontseilu nazionalaren iritzia

ADOSTUTAKO ERDIBIDEKOA (Oier Iburguren-Mikel Von Wichmann-NK) hobesten dugu, jatorrizko testua hobetzen duelako. Eneko Compainsen zuzenketa, berriz, ez dugu babesten; ez dugulako bat egiten bertan egiten den sailkapenarekin (“teatralizazioa”, batetik, eta “irrotasuna, determinazioa eta borrokarako grina”, bestetik) ez eta sailkapen horrek iradokitzen duenarekin ere. Nonbait, lehen mailako ekimenak leudeke, gogorrek eta konpromiso handiko militanteei zuzenduak, eta bigarren mailakoak, orain arteko ekimenen modukoak. Dinamika Aktibista Propioak Zohardian finkatu genuen filosofiaren baitan jarraitu behar duela uste dugu, gure ildo politikoan uztartuz eta nagusiki borroka ideologikoari begira ahalik eta eraginkorren izaten ahaleginduz.

ADOSTUTAKO ERDIBIDEKOA: JOSEBA ENBEITA ORTUONDO - NAZIO KONTSEILUA

Gehikuntza

Zohardian esan bezala, egiturak bermatu beharko du Dinamika Aktibista Propioak estekadura egokia izan dezan ildo politikoarekin zein gure behar organizatiboekin, aktibismo hutsa edota bere baitan helburu bilakatutako aktibismo bilaka ez dadin.

Azalpena

-

Kontseilu nazionalaren iritzia

BAI. Zuzenketa babesten dugu.

NAZIO KONTSEILUAREN AUTO-EMENDAKINA

Gehikuntza

(Azpi-atal berri bat sortzea)

4.6 Sortu euskalduna

Euskal Herria euskalduntzeko bidean geure buruak euskalduntzea. Sortu erakunde euskalduna da, azken buruan Euskal Herria euskalduna helburu duelako ez ezik, baita euskararen normalizazioaren bidean bere jardunean konpromisoak hartzen dituelako ere; dela bere barne funtzionamendua euskaraz bideratzen duelako, dela kanpo- komunikazioan euskara lehenetsiko duelako -beti ere, unean uneko publiko hartzailearen ezaugarri soziolinguistikoen eta helarazi nahi duen mezuaren helburuen arabera-. Euskalduntze prozesua arnasberritzen, ezkerretik eta independentistotik dokumentuarekiko koherentzian konpromiso hauek eraberritu eta betetzeko ardura hartuko dugu. Horretarako, euskararen kanpo nahiz barne erabilera zehaztuko duen proposamena osatuko da eztabaidatu eta onartzeko.

Azalpena

Euskalduntzeak behar duen fase berri baten beharra dugu; eta ezkerreko independentismoak argitze estrategiko eta ideologikoa burutu berri du "arnasberritzen" liburuxkan barnebildua. Zentzu horretan, SORTU, erronka horretan eragile aktibo gisa, bere konpromiso propioak (izan barne mailakoak, izan kanpo mailakoak) eraberritu eta betetzeko konstatazioa azaltzea da paragrafo honen xedea.

Kontseilu nazionalaren iritzia

BAI, zuzenketa babesten dugu.

273 parrafoa

Hona zuzendaritza egitura esaten diogun horretan proposatzen ditugun egokitzapenak:

ADOSTUTAKO ERDIBIDEKOA: AITZIBER LARREA - NAZIO KONTSEILUA

Gehikuntza

(Atal berria gehitu)

5.6 Landa eremuak eta despopulatutako eremuak

Euskal Herriko Landa Eremu zein despopulatutako zonaldeek dituzten berezitasunei erantzun behar dio Sortuk ezinbestean. Gure herrian gero eta hedatuago den errealitate bat da despopulazioa eta aldi berean landa eremuak biziberritzea gure herria txikitasunetik eraikitze aukera paregabea eskaintzen digu. Eremu hauetako errealitateak (soziala zein organizatiboa), ez du zerikusirik hiriburu edo bestelako hiriguneeekin. Hau horrela izanik, oso garrantzitsua da Euskal Herriaren luze zabalean dauden eta antzeko izaera duten eremuak harremanetan jarri eta esperientziak partekatzen hastea.

Azalpena

-

Kontseilu nazionalaren iritzia

BAI. Zuzenketa babesten dugu.

275 parrafoa

Edonola ere, Zohardian finkatu printzipio organizatiboan berresten gara: bai antolaketa egitura, baita funtzionamendua ere, errealitate zehatz bakoitzari egokitu behar zaizkio; alegia, tokian tokiko errealitatearen ezaugarriek, indar militanteak eta jorratu beharreko dinamika politikoak aginduko dituzte beharrezko antolaketa egitura eta funtzionamendu zehatzak, baita, tokian toki, eskualde

mailan antolatzeke aukerari dagokionez ere. Beraz, beste behin ere, hemen marrazten ari garena planteamendu estandarra edo minimoetakoa da; hortik aurrera, malgutasuna, moldagarritasuna eta funtzionaltasuna, horiek dira funtsezko kontzeptuak.

MATI ITURRALDE - IÑIGO SANTXO - JONE LOZANO - JOSEBA ALVAREZ FORCADA

Gehikuntza

Sorturen barne funtzionamendua demokrazian oinarritzen da. Honela, barne-kargu guztiak bere mailan kidegoak hautatuak izango dira, maila lokaletik nazionalera. Batzarrak izango dira hautaketa burutzeko markoa, eta aurreikusitako prozedurak eta epeak erabiliko dira. Kargu batek bere lana utzi behar badu, eta berria hautatzeko hurrengo batzarra antolatu bitarte, bere ordezkioak hartuko du ardura.

Azalpena

Egituraren kargu guztiak bere mailako militantzia ongi ezagutu behar dute eta beraien konfiantza behar dute izan, lan eraginkorra egiten ahal izateko. Hori ziurtatzeko, kargu eta ardura guztiak bere mailako batzarrak hautatuak izango dira, Herri edo Hauzo Batzarretik Batzar Nazionalera.

Kontseilu nazionalaren iritzia

BAI, zuzenketa babesten dugu. Izan ere, indarrean dago dagoeneko: Zohardian jaso bezala, zuzendaritza- eta ordezkari-kargu guztiak sufragio unibertsal eta zuzenekoaren bidez hautatzen dira, karguari dagokion lurralde batzarrean.

MATI ITURRALDE - IÑIGO SANTXO - JONE LOZANO - JOSEBA ALVAREZ FORCADA

Gehikuntza

Barne-demokrazia eta militantziaren erabateko engaiamendua dira Sorturen oinarriak. Eraginkortasuna eta barne-orekari begira, egituraren kargu guztiak edozein unean errebokagarriak izango dira, horretarako aurreikusitako prozedurak errespetatuz. Barne-zaintzaren printzipioak jarraituz, bere mailako batzarra izango da ardura ordezkatzeko markoa, eta kargu berria hautatzeko.

Azalpena

Pertsonak garenez, denok ez dugu denerako balio eta, gainera, momentu bakoitzak ere eragiten digunez, batzuetan fin ari dena beste momentu batean agian ez da horren fin arituko. Maiztasun jakin batekin (urtean behin, adibidez) liberatutako kide bakoitzaren jarduna baloratu beharko genuke. Ez epaiketa moduan ulertuta, bere ekarpena momentu jakin horretan positiboa izaten ari den ala ez neurtzeko baizik. Hartara, kidegoaren iritzia neurtzeko sistema erabaki beharko genuke, neurgailu zehatzen gainean baloratu beharrekoa: errespetuzko tratua eman eta bermatzeko gai den, bere lan-eremuan emaitza positiboak gauzatzen ari diren, kidegoarengan motibazioa piztu eta borrokara batzeko gai den...

Kontseilu nazionalaren iritzia

BAI, zuzenketa babesten dugu. Izan ere, indarrean dago dagoeneko: Zohardian jaso bezala, Sortuko

edozein kargu-hautetsi bere arduratik aldenarazteko aukera dago, baldin sortzaile-kopuru aski adinako batek hala eskatzen badio kargu hura dagokion batzarrari.

MATI ITURRALDE - IÑIGO SANTXO - JONE LOZANO - JOSEBA ALVAREZ FORCADA

Gehikuntza

Sortun egin beharreko lan iraultzaileak dedikazio osoa eskatzen du. Hori burutzen ahal izateko, inork ez du kargu edo ardura bikoitzik izango. Beste antolamenduekiko nahasmenak ekiditeko ere, Sortun dauden karguak eta ardurak ez dira beste antolamendu edo egitura motako ardurekin bateragarriak izango.

Azalpena

Sorturen egiturako karguak lan egiteko dira, eta kargu errepresentatibo soilak ez dira aurreikusten. Honela, eta Zohardian zehazten denez, ez du zentzurik barne mailako kargu edo ardura ezberdinak kumulatzeak, ezta beste antolamenduko kargu edo ardurekin alderatzeak. Gardentasuna eta betebeharren argitasunaren aldetik, Sortuk dedikazio osoa eta bakarra eskatzen du.

Kontseilu nazionalaren iritzia

EZ. Ez dugu zuzenketa babesten, talka egiten baitu Sortuk egin behar duen dinamizazio politikoarekin eta militanteen desdoblamentuarekin. Oroitu behar dugu Sortuko militante gehien-gehienek bere militantzia beste eragile, dinamika, subjektu edota egitasmotan jorratuko dutela erabaki dugula. Arduradun guztiak horren derrigorrezko salbuespen bilakatzeak filosofia hori urratuko luke, maila lokaletik hasi eta nazio arduretaraino EH Bildu eta EH Baiko hautetsiek edo herri mugimenduren batean ardurak lituzketen kideek ezingo bailukete Sortun ardurarik izan. Besterik da, kasu zehatzetan, arrazoi ezberdinak direla medio, bateraezintasunak egon litezkeela, baina kasu horien banan-banako azterketa egin beharko litzateke. Bestalde, bat gatoz zuzendaritza karguen aldibereko metaketa ekiditearekin, Zohardian jaso eta dagoeneko indarrean dagoen bezala. Baina hori gauza bat da, eta beste bat, oso bestelakoa, zuzenketa proposatzen dena: Sortuko ardura guztiak Sortutik kanpoko ezein ardurarekin bateraezinak izatea, alegia.

276 parrafoa

Arestian esan bezala, horietan, gainerako erabakiguneetan bezala, bozka eskubidea sortzaileek baino ez dute izango. Are gehiago, Kongresuaren kasuan, erabaki organo gorena den heinean, eta bertan hartzen diren erabakiak izan litezkeen garrantzitsuenak diren heinean, gutxienez sei hilabeteko antzinatasuna duten afiliatuak baino ezingo dute parte hartu. Konferentzia Politikoetan eta Nazio Batzarretan, berriz, gutxienez hiru hilabeteko antzinatasuna dutenek. Edonola ere, Konferentzia Politikoaren kasuan, hausnarketarako eta eztabaidarako espazio irekiak eskainiko dira.

NAZIO KONTSEILUAREN AUTO-EMENDAKINA

Gehikuntza

Kongresuaren aldizkakotasuna bost urtekoa izango da. Konferentzia Politikoarena, orain arte bezala, urte betekoa. Nazio Batzarrek, berriz, orain arte bezala ere, ez du aldizkakotasun zehatzik izango, baina, gutxienez, urtean bitan bilduko da.

Azalpena

Kongesuaaren aldizkakotasuna bost urtera aldatzearen arrazoi nagusia da Sorturen eta EH Bilduren Kongresuak denboran bereiztea. Bestalde, urtero Konferentzia Politikoa egiten dugula aintzat hartuta, lau urteko aldizkakotasuna gehiegizkoa da.

Kontseilu nazionalaren iritzia

BAI, zuzenketa babesten dugu.

ALBERTO MATXAIN BERAZA

Hobekuntza

Arestian esan bezala, horietan, gainerako erabakiguneetan bezala, bozka eskubidea sortzaileek baino ez dute izango. Are gehiago, Kongresua kasuan, erabaki organo gorena den heinean, eta bertan hartzen diren erabakiak izan litezkeen garrantzitsuenak diren heinean, gutxienez **urte bateko** antzinasuna duten afiliatuek baino ezingo dute parte hartu. Konferentzia Politikotik eta Nazio Batzarretan, berriz, gutxienez hiru hilabeteko antzinasuna dutenek. Edonola ere, Konferentzia Politikoa kasuan, hausnarketarako eta eztabaidarako espazio irekiak eskainiko dira.

Azalpena

Kongresu honetan egon den polarizazioak azalera ekarri dituen fenomeno ezberdinen artean bada bat partikulari kezkatzen nauena: Sorturekiko eta ezker abertzalearen estrategiarekiko atxikimendurik batere ez duen jendearen parte hartzea. Orohar, ezker abertzaleko militanteak dira, gutxi, ziurrenik. Haietako batzuk, haien auzo eta herrietan Sorturen kontra aritu dira, giroa nahasiz eta kidegoari lana zailduz. Haietako batzuk azken asteotan prentsan artikulatu zinez mingarriak argitaratu dituzte. Azkenekoak emendakin hau aurkezteko behar nuen azken bultzada eman dit. Pertsona hauen partehartzea ez zait zintzoa iruditzen. Ulergarria da hainbeste militantzia urte, hainbeste sakrifizio eta hainbeste sufrimenduren ostean zilbor hestea guztiz eten ez izana. Baina aldi berean ez dute Sortu haien etxea kontsideratzen eta ez dituzte erabaki kolektiboak errespetatzen, haietako batzuek prentsan argitaratu dituzten artikulotik argi geratu denez. Eta Sorturen izaera irekia aprobetxatu dute Sorturen kongresuan esku hartzeko. Era berean, "Lurrari Lotuz" osoko emendakinaren sustatzaileen jarrera ez zait zintzoa iruditzen, estrategiarekin bat egiten ez duten eta inkluso Sorturekin desleial jokatzeko ari diren pertsonen Sorturen kongresuaren ateak ireki dizkietelako. Sortuk azken urteotan arrazoi ezberdinengatik aldenitu diren militanteak berreskuratzeko bokazioa eduki behar du, noski baietz. Ateak irekiak izan behar ditu ekarpen positiboa egitera bueltatu nahi duten militanteei begira, eta nahiko nuke hurrengo urteetan azken hamarkadan aldenitu diren guztiak bueltatzea. Baina Sorturen ildoak eta erabaki politikoak ezin dira horren arabera izan. Eta Sorturekiko desleial jokatu baina zilbor hestea guztiz eten ez duten militante hauek gauza bat ulertu behar dute: egin genituen Abian prozesua eta birfundazio kongresua. Estrategia berri genuen, eztabaida eta bozka bidez. Alderdia birfundatu genuen. Zuzendaritza oso bat etxera joan zen eta beste bat hautatu genuen, bozka bidez. Eta kongresu honetan eztabaidatu eta bozkatu dugu eta "Herrigaia"-k irabazi du. Estrategia eta zuzendaritza inoiz existitu den ezker abertzalerik demokratikoenaren erabaki kolektiboak dira eta zilegitasun osoa dute. Agian bada garaia zilbor hestea guztiz moztu ez duten baina Sorturen kontra aritzen diren horiek haien ikuskera eta jarrera replanteatu dezaten. Agian bada garaia jarrera autokritikoa eta eraikitzaileak eta erabaki kolektiboekiko umiltasunetik aritu daitezkeen. Izan Sorturengana hurbiltzeko, izan beste nonbait aritzeko edo izan etxera joateko. Ulertu behar dute Sortuk berarekiko atxikimendurik ez duen norbaiti edota desleial jokatzeko ari den norbaiti ezin diola bere erabaki estrategikoei buruzko eztabaidetan parte hartzen utzi. Parte hartu ahal izateko minimoa Sortu eta estrategiarekiko atxikimendu positiboa izan beharko litzateke. Ekarpen kritikoa soilik atxikimendu positibotik abiatu daiteke. Inola ere ez komunikabideetan argitaratutako artikulotik onartezinetatik. Nire ustez, Sortuk errealitate honi aurre egin behar dio alderdi-mugimendu izaerari eutsiz. Horretarako, Sorturen komunitateari buruz planteatu duan emendakinarekin batera, emendakin honetan 276. parrafoan aldaketa txiki bat planteatzen dut: kongresuan parte hartu ahal izango duten sortzaileen aintzinasuna gutxienez urte batekoa izatea (eta ez sei hilabetekoa, Herrigaia-n jasotzen den bezala).

Kontseilu nazionalaren iritzia

JATORRIZKOA hobesten dugu. Alegia, ez dugu zuzenketa babesten. Argudioak ulertuta ere, egokiagoa iruditzen zaigu Herrigaian proposatzen den antzinasuna. Bestela arriskua legoke militante berriak (gazteak kasu askotan) eztabaida garrantzitsuetatik kanpo gelditzeko.

278 parrafoa

Ganbera bikoitzeko zuzendaritza eredu baten aldeko apustua egiten dugu. Alegia, Nazio Kontseilua eta Nazio Idazkaritza, biak ala biak lirateke zuzendaritza markoak; lehena, normalean, hiru hilean behin bilduko litzateke, eta epe erdira begirako zuzendaritzaz arduratuko litzateke; bigarrena, berriz, normalean, astero bilduko litzateke, eta eguneroko zuzendaritzaz arduratuko litzateke.

NAZIO KONTSEILUAREN AUTO-EMENDAKINA

Hobekuntza

Ganbera bikoitzeko zuzendaritza eredu baten aldeko apustua egiten dugu. Alegia, Nazio Kontseilua eta Nazio Idazkaritza, biak ala biak lirateke zuzendaritza markoak; lehena, normalean, **bizpahiru hilean behin bilduko litzateke, baita, ez-ohiko eran, ildoaren gaineko erabaki garrantzitsu bat hartu beharko litzatekeen guztietan ere**, eta epe erdira begirako zuzendaritzaz arduratuko litzateke; bigarrena, berriz, normalean, astero bilduko litzateke, eta eguneroko zuzendaritzaz arduratuko litzateke.

Azalpena

Nazio Kontseiluari esleitzen diogun epe erdira begirako zuzendaritza eginkizun horrek eska lezake, eska lezakeenez, bizpahiru hilean behingo baino aldizkakotasun handiagoa.

Kontseilu nazionalaren iritzia

ENEKO COMPAINS SILVA

Hobekuntza

Ganbera bikoitzeko zuzendaritza eredu baten aldeko apustua egiten dugu. Alegia, Nazio Kontseilua eta Nazio Idazkaritza, biak ala biak lirateke zuzendaritza markoak; lehena, normalean, **hiru hilean behin bilduko litzateke, Nazio Kontseilua hiru ASTEAN behin bilduko da eta Nazio Idazkaritzak dagokion bitartekoak jarriko ditu bilera eraginkorrak izan daitezzen eta Kontseiluak bere zuzendaritza funtzioa bete dezan**, eta epe erdira begirako zuzendaritzaz arduratuko litzateke; bigarrena, berriz, normalean, astero bilduko litzateke, eta eguneroko zuzendaritzaz arduratuko litzateke.

Azalpena

Ezin da inolako zuzendaritza lanik egin 3 hilean behin bilduz. Hori ez da zuzendaritza kontseilu bat, kontrasterako gune bat baizik.

Kontseilu nazionalaren iritzia

NAZIO KONTSEILUAREN AUTO-EMENDAKINA babesten dugu. Eneko Compainsena, berriz, ez dugu babesten ez baitu kontuan hartzen Nazio Kontseiluak berak egin zuen balantzea. Zuzenketa ez du kontuan hartzen, gainera, bi ganberako zuzendaritza proposatzen dela Herrigaiari, Nazio Idazkaritza eguneroko zuzendaritzaz arduratzeko eta Nazio Kontseilua epe erdiko zuzendaritzaz eta erabaki garrantzitsuez arduratzeko. Zuzenketa proposatzen den maiztasuna ontzat eman ezker, Nazio Idazkaritza eta Nazio Kontseiluaren zereginak nahasiko lirateke, Nazio Kontseilua kontraste marko hutsa bilakatzeko arriskua areagotuz.

279 parrafoa

Osaketari dagokionez:

Nazio Idazkaritzaren osaketa berria honako hau izango da:

Idazkari Nagusia

Barne Koordinatzailea (Idazkariorde lehena)

Norabidetze Estrategikorako Gunearen arduraduna (Idazkariorde bigarrena)

Ekintza Politikoko arduraduna

Herrigintzako arduraduna

Barne antolaketako arduraduna

Komunikazioko arduraduna

Nazioarteko arduraduna

Gatazkaren ondorioen konponbiderako batzordearen arduraduna

Herrialdeko arduradunak (Ipar Euskal Herria herrialde bakartzat jota)

NAZIO KONTSEILUAREN AUTO-EMENDAKINA

Gehikuntza

Nazio Idazkaritzaren osaketa berria honako hau izango da:

Idazkari Nagusia

Idazkari Teknikoa (Idazkariorde lehena)

Barne Koordinatzailea (Idazkariorde bigarrena)

Norabidetze Estrategikorako Gunearen arduraduna (Idazkariorde hirugarrena)

Ekintza Politikoko arduraduna

Herrigintzako arduraduna

- ☒ Barne antolaketako arduraduna
- ☒ Komunikazioko arduraduna
- ☒ Nazioarteko arduraduna
- ☒ Gatazkaren ondorioen konponbiderako batzordearen arduraduna
- ☒ Herrialdeko arduradunak (Ipar Euskal Herria herrialde bakartzat jota)

Azalpena

Ongi aztertuta, Barne Koordinatzaileak nekez hartu ahal izango ditu bere gain, bereez gain, azken bost urteotan Idazkari Teknikoak (Idazkari Nagusiaren ondokoa) bete dituen funtzioak. Beraz, Idazkari Teknikoaren figura mantendu beharra dagoela deritzogu. Horrenbestez, Barne Koordinatzailea Idazkariorde bigarrena eta Norabidetze Estrategikorako Gunearen arduraduna Idazkariorde hirugarrena izatera pasako lirateke.

Kontseilu nazionalaren iritzia

BAI, zuzenketa babesten dugu.

282 parrafoa

Hautaketa moduari dagokionez, indarrean den moldea mantenduko dugu, alegia: herrialdeko arduradunak ez beste Nazio Idazkaritzako kideak hautagaitza kolektibo bakarra bailiran hautatuko dira, Kongresuko akreditatu guztiek hautatu ere. Herrialdeko arduradunak, herrialdeko irizpidearekin hautatutako bost lagunak eta nazio irizpidearekin hautatutako hamarrak, berriz, hautagaitza indibidualak izango dira. Herrialdeko arduradunak eta herrialdeko irizpidearekin hautatutako bost lagunak dagokion herrialdeko akreditatuek hautatuko dituzte. Nazio irizpidearekin hautatutako hamar lagunak, berriz, akreditatu guztiek.

ENEKO COMPAINS SILVA

Ezabaketa

(Dagoena ezabatu eta honakoagatik ordezkatu)

Hautaketa moldeari dagokionez Nazio Idazkaritza hautatzeko egun indarrean dagoena aldatuko da. Alegia, Idazkari Nagusia, Barne Koordinatzailea, Norabidetze Estrategikorako Gunearen Arduraduna eta Komunikazio Arduraduna batera hautatuko dira. Gainerakoak indibidualki, eta betiere genero eta lurralde orekak gordez (herrialde arduradunak aparte utzita, herrialde bakarrak ezingo du Idazkaritzaren %50 baino gehiago ordezkatu).

Azalpena

Militantziak erabakitzerako orduan askatasun eta aukera gehiago izan dezan eta Gipuzkoako herrialdeak goi mailako arduretan (eta zehazkiago idazkaritzan) duen "gain-ordezkaritza" orekatzea.

Kontseilu nazionalaren iritzia

EZ. Ez dugu zuzenketa babesten. Bere jarduera egoki beteko badu, zuzendaritzak behar du kohesionatutako eta profil aldetik ongi orekatutako nukleo bat, lantalde trinko eta funtzional moduan funtzionatuko duena eta bere baitan ardura nagusiak bilduko dituena. Zohardian finkatu eta orain, balantze politiko-organizatiboa oinarri, hein batean egokitutako eskema organizatiboaren arabera, ardura horiek hamar dira, ez lau. Eta berauek lantalde trinko eta funtzionala osatuko dutela, baita genero eta lurralde orekak bermatuko direla ere, ziurtatzeko modu bakarra hautagaitza kolektibo gisa eratu eta hautatzea da.

INGERU MIMENTZA SANCHEZ

Gehikuntza

Idazkari nagusiaren kargua dedikazio osokoa izango da, eta beraz, Sortuz kanpoko bestelako ardurekin (kargo publiko, hautetsi...) bateraezina izango da.

Azalpena

Momentu honetan Sortuk bere egitura eta komunitatea indartzean eta elikatzean jarri behar du arreta, eta horretarako idazkari nagusia 100%ean Sortun lanean behar dugu.

Kontseilu nazionalaren iritzia

EZ. Ez dugu zuzenketa babesten. Idazkari Nagusiaren dedikazioaren parte handiena Sorturi zuzendu behar zaiola partekatuta ere, ez deritzogulako egoki halako bateraezintasun-debeku bat ezartzeari. Hasteko, Idazkari Nagusiaren egitekoetako bat Sortu EH Bilduren baitan ordezkatzeari delako, eta horrek bere dedikazioaren parte bat horretara bideratzea eskatzen duelako eta bestetik, EH Bilduren egitekoak Sorturen eta, beraz, Idazkari Nagusiaren ardura ere badirelako.

NAZIO KONTSEILUAREN AUTO-EMENDAKINA

Gehikuntza

Nazio Kontseiluaren osaketan lurraldeen arteko gutxieneko oreka bermatze aldera, herrialde bakoitzeko kideen ehuneko herrialde horretako sortzaileek kopuru osoaren baitan suposatzen duten ehunekoaren bi heren izango da gutxienez. Hartarako beharrezkoak liratekeen zuzenketak nazio irizpidez hautatu beharreko hamar lagunengan aplikatuko lirateke, hamar lagunok aukeratzeko aintzat hartuko liratekeelarik, lehenik, herrialdeen balizko azpi-ordezkaritzaren zenbatekotasuna, eta, bigarrenik, kide bakoitzak jasotako bozka kopurua. Hala, hamar postu horietako bakoitza herrialderik azpi-ordezkatueneko kiderik bozkatuenarentzat izango litzateke, postu bakoitza banatu eta gero berriro kalkulatu litzatekeelarik herrialde bakoitzaren pisu espezifikoak. Azkenik, genero oreka lurralde orekaren gaineratik egongo da. Alegia, Nazio Kontseiluko kideen %40a gutxienez emakumeak ez diren bitartean, postu horiek emakumeentzat izango dira (herrialderik azpi-ordezkatueneko emakumerik bozkatuenarentzat, edo, herrialde horretako emakumerik ez balego, hurrengo herrialderik azpi-ordezkatueneko emakumerik bozkatuenarentzat, eta abar).

Azalpena

Nazio Kontseiluak, bi ganberako zuzendaritza eskema honetan zuzendaritza ganbera gorena izaki, bermatu behar ditu gutxieneko genero eta lurralde orekak.

Kontseilu nazionalaren iritzia

BAI, zuzenketa babesten dugu.

285 parrafoa

Arestian esan bezala, herrialdeko arduradun politikoaren inguruan zuzendaritza lantalde funtzional eta autoaskia osatuko dugu. Zuzendaritza lantalde hori izango da herrialde mailako zuzendaritza marko bakarra (herrialdeko idazkaritza), salbu, kasuan, Nafarroan eta Ipar Euskal Herrian, non nazio mailan bezalaxe, bigarren zuzendaritza ganbera bat era litekeen (Kontseilua), betiere hartarako beharra balego.

NAZIO KONTSEILUAREN AUTO-EMENDAKINA

Hobekuntza

Arestian esan bezala, herrialdeko arduradun politikoaren inguruan zuzendaritza lantalde funtzional eta autoaskia osatuko dugu. Araba, Bizkaia eta Gipuzkoan zuzendaritza lantalde hori izango da herrialde mailako zuzendaritza marko bakarra (herrialdeko idazkaritza); Nafarroan eta Ipar Euskal Herrian, berriz, eta bertako sortzaileek aurkakorik erabakitzen ez duten artean, behintzat, nazio mailan bezalaxe, bigarren zuzendaritza ganbera bat izango da (Kontseilua).

Azalpena

Formulazio honi egokiago deritzogu.

Kontseilu nazionalaren iritzia

HOBEEKUNTZA hobesten dugu. Alegia, zuzenketa babesten dugu.

288 parrafoa

Urtean baitezpada herri batzar bat egitea proposatzen dugu: ikasturte politikoaren hasieran. Eta hortik aurrera, batzarra beharrezkoa denean baino ez biltzea, alegia, dela tokiko dinamika politikoak dela gai konkretu batek hala eskatzen dutenean [ikus lldo politikoaren lanketa eta transmisiorako barne dinamika].

NAZIO KONTSEILUAREN AUTO-EMENDAKINA

Hobekuntza

Zohardian finkatu bezala, Herri Batzarra, herriko erabakitze-organo gorena eta Sortzaileen topagune nagusia izaki, behar bestetan bilduko da, alegia, dela tokiko dinamika politikoak dela gai konkretu batek hala eskatzen duen aldiro, garbi utzirik ezen, "Ildo Politikoaren lanketa eta transmisiorako barne dinamika" atalean esaten den bezala, aktualitate politiko-instituzionalaz jarduteko markoa EH Bilduren herri batzarra dela, ez Sorturena, baita EH Bilduren herri batzarra gurea ere badela eta, horrenbestez, Sorturen herri batzarraren maiztasuna eta gai-ordena zehazterakoan berau oso presente eduki beharra dagoela.

Azalpena

Idatzita dagoen bezala, irudi luke, urtean batzar bat baino ez egitea proposatzen ari garela, baita batzar kopurua minimora murriztea proposatzen ari garela ere. Eta ez da hori asmoa. Asmoa zen aditzera ematea, "Ildo Politikoaren lanketa eta transmisiorako barne dinamika" atalean esaten den bezala, Sorturen eta EH Bilduren herri batzarrak osagarri egin beharra dagoela, alegia, Sorturen herri batzarraren maiztasuna eta gai-ordena zehazterakoan oso presente eduki beharra dagoela EH Bilduren herri batzarra, baita sistema osoa optimizatu beharra dagoela ere.

Kontseilu nazionalaren iritzia

HOBEKUNTZA hobesten dugu. Alegia, jatorrizkoaren orde, zuzenketa babesten dugu.

295 parrafoa

Hiriburuen arteko zein haietan jorratu beharreko esku-hartzearen zehaztapenari buruzko hausnarketa partekaturako espazioa (Hiriburu eta hiriguneen tailerra) sortuko dugu.

PIPE SAN EPIFANIO SAN PEDRO - (HIRIBURUETAKO HAINBAT KIDEREN IZENEAN)

Gehikuntza

296. Hiriguneetako oinarri soziala lantzeak eremu antolaketaren berezitasun gehigarria du. Orain arte egin dugun eraketa lana auzoei oso lotua egon da, eta errealtate oso ezberdinak bizi baditugu ere, zenbait hiriburutan komunitatea hori baino askoz gehiago da. Hiriko erreferenteak eta lidergoak ez dira soilik auzoetan mugitzen. Dena den, auzoek bereganatzen dute eraketa lan ia guztia bai Sortun eta baita EH Bildu/EH Bain ere. Hirian bizia egiten duen komunitatea ehundu, dinamizatu eta duen potentzialitatea indartzeko logika berriak garatuko ditu Sortuk eta, dituen ahalen arabera, sor litezkeen behar espezifikoei erantzungo die.

297. Komunikazio emankor bat garatzearen erronka Sortuk duen korapilo nagusietako bat da eta are konplexuagoa gertatzen zaigu errealtate honi hiriburuetan erantzutea. Hori dela eta, Komunikazio aparatu nazionalak hirietarako plan komunikatiboa hausnartzeko bertako kideekin gogoeta eta lanketa bat egingo du. Sortuk bertatik erator litezkeen behar politiko eta organizatiboei erantzungo die.

298. Hiriburuetako herrigintza eremuko jardunak lotura estua du hiri ereduaren talkarekin eta eredu berri baten eraikuntzarekin. Horrek egiteko logika eta bitarteko zehatz batzuk eskatzen ditu. Herrigintza ikuspegi hori landu eta borroka ezberdinek hiri ereduaren inguruko lanketan konfluentzia egin dezaten, hiriburuetako Plaza Hutsak egitea planteatuko dugu.

Azalpena

Herrigaiak ez du behar beste sakontzen hiriguneez ziklo politiko honetan duten garrantziaz. Zuzenketa honen bidez, hiri-espazioetan gaur egun gertatzen ari diren fenomeno sozioekonomikoei buruzko oinarritzko irakurketa jaso nahi dugu, eta gure hiriburu/hirigunetan lan politikoa egiteko beharrezkoak diren tresnak eta bitartekoak zeintzuk diren adierazi Gero 6. atalak jarraituko luke, eta 296. puntua 299.a litzateke.

Aurkezten du: Pipe San Epifanio, Bilboko Sortuko militantea Babesten dute: Maddi Juanikorena Diaz (Donostiako militantea), Oier Ibarguren Sarasola (Donostiako militantea), Paula Garcia Garcia (Iruñako militantea), Iker Araguas Jusue (Iruñako militantea), Jone Gil Landabaru (Bilboko militantea), Garazi Pizarro del Amo (Bilboko militantea) eta Maialen Kortabarria Zabala (Gasteizko militantea)

Kontseilu nazionalaren iritzia

BAI. Zuzenketa babesten dugu.

